

Poncius, Johannes

Joannis Poncii Philosophiae ad mentem Scoti cursus integer

Lugduni 1672

Regensburg, Staatliche Bibliothek -- 999/2Philos.2985

urn:nbn:de:bvb:12-bsb11057894-9

Dices: Punctum non est aliquid completum, sed incompletum, quamvis non includatur in linea ut pars, sed ut conditio necessaria requisita ad copulandas partes: ergo quamvis linea non includatur in superficie; nisi ut aliquid copulans suas partes, tamen erit quid incompletum non secus ac punctum.

Probabile est lineam & superficiem non esse en- gia completa. *Respondeo*, propter hæc posse probabilissime defendi oppositum conclusionis, nempe lineam & superficiem non esse veras species & completas quantitatis ut sic, quæ est ens completum, Negatur tamen consequentia, & disparitas est, quod punctum habeat tantum rationem termini copulantis, propterea indirekte tantum habet reduci ad prædicamentum istius rei, cuius partes copulare debet. Linea vero, & superficies præter rationem termini copulantis, quem habent ut sunt indivisibiles, habent divisibilitatem quantitatuum, ratione cuius ut tales sunt entia completa per se quanta, licet, ut indivisibiles, sint entia incompleta.

83 *Obiicias primò*: Vna species non includitur essentialiter in alia specie sibi opposita: sed linea includitur essentialiter in superficie, & utraque in corpore: ergo non sunt diuersæ species.

Respondeo distinguendo maiorem: essentialiter, id est tanquam pars essentialis, transeat; quamvis hoc ipsum non sit certum, quia multi non adeo improbabiliter tenent mixtum constitui intrinsece & essentialiter ex elementis, quæ tamen distinguuntur specie ab illo, & opponuntur ipsi: essentialiter, id est tanquam aliquid ex natura sua requisitum ut sit, nego maiorem, & similiter distinguo minorem.

Obiicias secundò: Duæ superficies sunt penetrabiles, & idem est de duabus lineis: ergo non sunt quantitates. *Respondeo* distinguendo antecedens: si applicentur quatenus indivisibles, nego: si quatenus indivisibles, concedo antecedens, & distinguo etiam consequens: quatenus sunt indivisibles, concedo; quatenus indivisibles, nego.

Linea, super- ficies, corpus, superficies, & linea sunt species corporis infimæ vel subalternae. *Respondeo* cum communissima sententia, esse infimas, quia non habent sub se alias species. infimæ.

Dices: Linea curua & recta distinguuntur specie, sicut & superficies concava & plana. *Respondeo* negando antecedens quia differunt tantum accidentaliter sicut homo albus & homo niger: eadem enim linea quæ est curua, potest esse recta, & è contra.

QVÆSTIO VLTIMA.

De Proprietatibus Quantitatis.

Prima pro- prietas Quantitatis non habere contrarium.

84 *Prima est* non habere contrarium, & hæc communis est ipsi cum substantia, & patet quia nulla est forma, per quam expellatur quantitas à suo subiecto; ergo non habet contrarium proprie loquendo. Probatur consequentia, quia contraria proprie loquendo nata sunt se inuicem expellere ab eodem subiecto inhesionis.

Secunda non suscipere magis & minus.

Secunda proprietas, etiam communis ipsi cum substantia, est non suscipere magis & minus: licet enim possit extendi, & diminui quoad extensionem, non tamen potest intendi aut remitti, sicut potest calor: neque enim sicut aqua dicitur esse magis & minus calida, ita homo dicitur esse magis aut minus quantus, saltem quoad intensionem. *Dices*: Sicut ex eo quod plures gradus coloris essent in eodem subiecto, diceretur istud subiectum magis & intensius calidum quare ex eo quod essent plures partes quantitatis in eodem subiecto non diceretur magis quantum quoad intensionem?

Respondeo, quia tum subiectum dicitur habere intensiorem formam, quando potest perfectiorem intensiue effectum producere, aut quando forma communicat ipsi perfectiorem intensiue effectum formalem. Sed ex eo quod qualitas maior, seu plurium partium sit in subiecto, neque subiectum potest perfectiorem effectum intensiue producere, ut patet, neque recipit effectum formalem perfectiorem intensiue, non enim recipit alium effectum quam impenetrabilitatem, aut extensionem partium in ordine ad locum, sed eandem omnino impenetrabilitatem haberet à duabus partibus quam haberet à centum: ergo

quoad impenetrabilitatem non recipere perfectiorem effectum intensiue. Extensio autem maior in ordine ad locum non est perfectior effectus intensiue, sed extensiue, ut patet.

Tertia proprietas est esse æquale vel inæquale, & hanc dicit Philosophus maxime propriam, quia omni & soli conuenit. Debet autem intelligi de æqualitate & inæqualitate in rigore, quam scilicet habent res in extensione partium impenetrabilium; alias unus calor dicitur æqualis alteri, & unus Angelus dicitur inæqualis in perfectione alteri Angelo.

Quarta proprietas est habere positionem partium in ordine ad locum: quod debet intelligi de aptitudine, quam habet quantitas ad occupandum locum circumscriptiue.

Quinta est esse mensuram, hoc est aptum ad certificandum de magnitudine molis alicuius.

Sexta est esse divisibile in partes impenetrabiles.

Præter quas forte sunt aliæ proprietates, ut ratum & densum, asperum & lene: quamvis enim Philosophus non fecerit mentionem de illis, non propterea sequitur quod non sint, quia non voluit omnes eius proprietates numerare.

DISPUTATIO XV.

DE RELATIONE.



E Q V O R hic ordinem Philosophi, qui prius tractare voluit de Relatione, quam de Qualitate, quod in præcedentibus multa dixerit, ad quorum notitiam valde conduceret tractatus de Relatione.

QVÆSTIO I.

Quid sit Relatio prædicamentalis huius Prædicamenti, & de variis Relationum divisionibus.

R Elatiua sunt quæ referuntur & ordinantur ad aliud, & Correlatiua sunt quæ ad se inuicem referuntur, & ordinantur, ut Pater & Filius, duo similia inter se: illud latuum, vero, quo mediante formaliter relativum refertur, est relatio. Quia vero quædam sunt quæ necessariò & ex natura sua ita referuntur ad aliud, ut non possint esse quin referantur & ordinantur, quia habent necessariam connexionem cum sua relatione, ut scientia refertur ad obiectum, potentia ad actum, creatura ad creatorem; quædam vero referuntur accidentaliter tantum, ita scilicet ut possint non referti, ut Petrus refertur per modum causæ ad Paulum & per modum similis ad Ioannem: Hinc relatio ut sic, potest diuidi in relationem identificatam realiter suo fundamento, & in relationem distinctam realiter à suo fundamento.

Rursus quia ex relationibus distinctis realiter à fundamento quædam sunt, quæ necessario surgunt posito fundamento & termino, & aliquo alio priori ad ipsas relationes, quod non sit actio productiva earum, ut est similitudo duorum alborum, & æqualitas duorum quantorum; quædam vero aliæ, quæ non necessariò sic oriuntur, ut est unio materiæ ad formam; propterea relatio separabilis à fundamento potest diuidi in relationem intrinsecus aduenientem, & extrinsecus aduenientem intelligenti per relationem intrinsecus aduenientem, illam quæ licet accidentalis fundamento, necessario tamen sequitur ad aliquid prius, quod non sit actio productiva eius: & per relationem intrinsecus aduenientem illam, quæ accidentalis etiam est fundamento, sed non tamen necessariò sequitur ad aliquid prius, quod non sit actio productiva eius. Neque in hoc est aliqua difficultas præter illam, quæ est, utrum dentur huiusmodi relationes extrinsecus aduenientes, de quo postea.

2 Nota secundò, relationes communiter diuidi in transcendentales, & prædicamentales. In explicacione autem membrorum huius divisionis mire dissentunt Auctores. Caietanus, quem sequitur Fonseca, Conimbricensis, & Masius, dicit transcendentalē esse, quæ respicit terminum

terminum non pote tanquam terminum, sed potius tanquam causam vel receptivam, vel effectivam, vel alio modo, sicut actus vitalis respicit obiectum, tanquam causam formalem, saltem extrinsecam; potentia vitalis actum. Relatio vero prædicamentalis secundum ipsum est quæ respicit terminum pure sub ratione termini absque dependentia ullius causalitatis, ut similitudo.

Sed hæc explicatio non placet; quia terminus similitudinis est tam bene causa formalis specificans ipsam, quam actus est causa formalis relationis transcendentalis, quam dicit potentia vitalis, verbi gratia intellectus ad intellectionem: ergo si relatio respiciens aliud tanquam causam formalem, sicut potentia vitalis respicit actum, sit transcendentalis, similitudo, & idem est de quocumque respectu, erit transcendentalis. Præterea relatio filij ad patrem, quam admittunt hi Authores esse prædicamentalem, & non transcendentalem, respicit terminum suum, scilicet patrem ut causam, ergo non sufficienter distinguitur transcendentalis relatio à prædicamentali per hoc, quod respiciat terminum, ut causam.

Dicere cum Fonseca quod relatio filij non respiciat terminum ut causantem filium per relationem paternitatis. Contra, nec potentia, aut actus vitalis respiciunt obiectum ut causans ipsa per aliquam relationem, quia secundum aduersarios maxime, obiectum non dicit relationem ad potentiam, aut actum.

3 Suarez disp. 47. Met. sett. 4. dicit respicere non per terminum, per quod distinguitur transcendentalis à prædicamentali, & esse ita referre subiectum ad terminum, ut ad aliquid aliud faciat aut exerceat circa ipsum. Sic potentia ita refertur ad actum, ut nata sit ipsum producere; & actus ita refertur ad obiectum, ut natus sit ipsum representare; & denique ita unio respicit terminum, ut coniungat suum subiectum cum ipso.

Sed contra, quia similitudo etiam, quæ est relatio prædicamentalis, ita refert ad terminum, ut etiam suo modo coniungat suum subiectum cum illo, scilicet similitudinie.

Confirmatur, quia actus amoris nihil facit circa obiectum, quam determinare potentiam formaliter ad illud amandum: sed similitudo similiter determinat suum subiectum ad esse simile termino: ergo utrumque & que pure respicit terminum.

Deinde supponit falsum, unionem & actionem esse respectum transcendentalis. Præterea ex hac explicacione non colligitur cur relatio transcendentalis non pertineat ad prædicamentum aliquod particolare.

4 Alij dicunt, ut Averroë, transcendentalis esse quæ est de essentia rei relatæ prædicamentalem, quæ non est. Sed contra, quia relatio, quam dicit materia ad formam, non est de essentia eius; nec relatio intellectus ad intellectionem est de essentia intellectus, & tamen secundum omnes sunt transcendentalis: ergo. Probatur maior ex principio sepius posito, quod respectus non possit esse de essentia absoluti.

Arriaga dicit relationem transcendentalis esse illam quæ est ita de essentia subiecti, ut sit ipsi adæquate identificata; prædicamentalem vero, quæ non est adæquate identificata: colligi autem potest ex ipsius doctrina an sit adæquate identificata, aut non, ex eo quod fundamentum possit esse sine illa, aut non possit: si potest, non erit adæquate identificata, si non potest, erit.

Hæc doctrina in primis supponit quod relatio prædicamentalis non sit distincta realiter ab extremis simul sumptis, si enim esset sic distincta, nec adæquate nec inadæquate, identificarentur fundamento, ut patet. Deinde secundum hanc sententiam actio non esset prædicamentalis, quia non esset adæquate identificata fundamento, quod tamen est falsum, cum sit relatio de prædicamento actionis.

5 Itaque existimo relationem transcendentalis esse eam, quæ identificatur realiter rei relatæ per ipsam, & prædicamentalem esse, quæ rei relatæ non identificatur: quare diuisio relationis in transcendentalem, & prædicamentalem coincidit cum illa prima, quam posui. Probatur hoc

tum ex reiectione aliarum explicationum, tum quia hoc sufficienter distinguuntur inter se: tum etiam quæ ex hoc patet cur relationes transcendentalis non ponantur in eodem prædicamento cum prædicamentibus, nec in aliquo determinato prædicamento; nam quia identificantur realiter suis fundamentis, debent reduci ad prædicamenta suorum fundamentorum, & non ponni in aliquo alio: & hinc etiam congruentissime vocantur transcendentalis, quia scilicet non ponuntur in aliquo prædicamento determinato, sed quædam ponuntur in prædicamento substantiæ, quædam ponuntur in prædicamento quantitatis, quædam in cæteris.

Dicere: Hinc sequeretur quod omnis relatio non identificata fundamento, deberet esse prædicamentalis, & consequenter de prædicamento Ad aliquid: sed hoc est contra nos, quia relationes extrinsecus aduenientes non identificantur suis fundamentis, & tamen non pertinent ad prædicamentum illud.

Respondeo distinguendo sequelam: prædicamentalis, Relati propter prædicamentalis opponitur transcendentali, conce- dicame capitulo: propter capitul pro relatione tertij prædicamenti, nego pliciter sequelam. Itaque relatio prædicamentalis capitul dupli- citer, primo pro omni relatione, quæ non est transcen- dentalis, & in hoc sensu comprehendit relationes tam in- trinsecus quam extrinsecus aduenientes. Alio modo pro relatione pertinente ad tertium prædicamentum, & sic non comprehendit relationes extrinsecus aduenientes.

6 Alia diuisio Relationis est in relationes secundum dici, & relationes secundum esse. Et in his etiam membris diuidentibus varijs sunt modi dicendi. Sed breviter nobis dicendum est, vel per relativa secundum dici intelligi, quæ referuntur ad aliud per respectum rationis, aut denominationem extrinsecam, & non per aliquid reale intrinsecum, ut Deus refertur ad creaturas, & per relativa secun- dum esse, intelligi, quæ referuntur per aliquid reale in- trinsecum: vel certe per relativa secundum dici intelligi illa, quæ referuntur relatione transcendentali, & per relativa secundum esse intelligi, quæ referuntur relatione prædicamentali. Ideo autem relativa transcendentaliter dicerentur relativa secundum dici, quia non per aliquid realiter distinctum referrentur, relativa vero prædicamentalia dicerentur secundum esse, quia per aliquid reale distinctum referrentur. Vel denique per relationes secundum dici intelligi possunt illa quæ licet sint absoluta, expli- cantur tamen per modum relativum, ut sunt potentia, pars, habitus, & similia; & per relationes secundum esse intel- liguntur, quæ vere sunt relationes. In quibus omnibus acceptib; non potest esse nisi quæstio de nominis: & quia non eodem modo omnes authores has relationes explicant, ut vitetur talis quæstio semper conuenienter est in acceptione nominis, quoties de re ipsa discurrere placuerit.

His suppositis modo indagandum restat, quid sit relatio prædicamentalis pertinens ad hoc tertium prædicamen- tum, quod communiter vocatur Ad aliquid. Philosophus reiecta veterum definitione, nimirum hac, Relatina dicuntur quæ eo ipso quod sunt, aliarum esse dicuntur, quia conueniebat omnibus accidentibus, sunt enim entis entia, hoc est ex natura subordinata ad afficiendum substantiam, & ad inherendum ipsi; statuit propriam definitionem, Relatina sunt, quorum totum esse est ad aliud se habere, quæ definitio est bona, si explicetur ita ut habeat eundem sensum cum illa quam sequenti conclusione subiicio.

CONCLVSI O.

7 Bene definitur Relatio prædicamentalis de prædicamento Ad aliquid esse accidens reale intrinsecus adueniens: cuius totum esse est ad aliud se habere, id est cuius totum esse consistit in ordinatione actuali alicuius realiter disticti ad aliud realiter distinctum.

Probatur, quia omni & soli conuenit, & sufficientissime declarat naturam Relationis huius prædicamenti, ut distinguitur ab omnibus aliis, quæ non sunt huius prædicamenti, ut patet ex eius explicatione. Dicitur Accidens ad excludendas omnes relationes substantiales, ut sunt

Definitio re-
lationis præ-
dicamentalis
assignata à
Philosopho.

Quid est Re-
latio de præ-
dicamento
ad aliquid.

relationes diuinæ, & omnes illæ, quæ identificantur substantiæ realiter; quia tales, cum non sint aptæ natæ inhætere, non sunt accidentia prædicamentalia, licet possint esse accidentia, id est extra essentiam rei, cui conueniunt. Dicitur *reale* ad excludendas relationes relationis, quæ non collocantur in prædicamentis. Dicitur *intrinsecus adueniens* ad excludendas relationes extrinsecus aduenientes, de quibus aliæ. Dicitur *cuius totum esse consistit in ordinatione actuali alicuius ad aliud*, ut excludantur accidentia realia absoluta, & ut significetur quod non possunt existere, quin actualiter ordinent unum ad aliud, aut quod non habeant aliud munus quam actualiter ordinare unum ad aliud; sicut similitudo non habet aliud munus quam facere aliquid aetu simile alteri. Dicitur *alicuius realiter distincti*, ut excludantur relationes transcendentales, quæ identificantur realiter suis fundamentis.

8 *Dices* has relationes fuisse exclusas per particulam *Accidens*; nam relationes transcendentales, quas dicunt substantiæ quæcumque ad alias res, non possunt esse accidentia: ergo superflue ponitur hæc particula.

Respondeo non omnes relationes transcendentales fuisse exclusas per particulam *accidens*, sed illas, quæ identificantur substantiis, præter quas dantur alias transcendentales in accidentibus quæ sunt accidentia: quare ut omnes omnino excluderentur, addenda erat hæc particula; imo Philosophus ipse voluit eam significare hic, dum dixit totum esse relationis esse ad aliud: per quod intellexit totum esse reale; quo sensu non est verum, quod totum esse ullius relationis transcendentalis identificari vlli rei absolutæ, sit ad aliud, nam cum identificetur rei absolutæ, facit unam rem cum ipsa, quæ res cum includat duo, absolutum scilicet, & respectuum, non potest habere totum suum esse ad aliud, sicut nec habet totum suum esse ad se.

Cur exclusit Philosophus à prædicamento tertio relationes extrinsecus aduenientes.

9 *Si queras*, unde colligimus, quod Philosophus voluerit excludere relationes extrinsecus aduenientes (sidentur aliquæ huiusmodi, quæ non sunt relationes transcendentales) ab hoc prædicamento.

Respondeo ex duobus capitibus id colligi: *primo*, quia, ut postea docebimus, huiusmodi relationes ponuntur in aliis prædicamentis: *secundo*, quia ipse dixit, ad relationes à se definitas non dari per se motum, hoc est non produci eas per actionem ad se immediate terminatam, sed eas sequi ad productionem alicuius alterius, sed hoc non est verum de relationibus extrinsecus aduenientibus, quia multæ ex illis per actionem ad se immediate terminatam producuntur, ut uno materia cum forma, ubi intrinsecum. &c. ergo non voluit eas comprehendendi sub sua definitione, & consequenter voluit eas excludere.

10 *Oibiicies* contra illud, quod totum esse relationis sit ad aliud se habere: Relatio intrinsecus adueniens est accidens, ergo totum eius esse non est ad aliud se habere. Probatur consequentia, quia accidentis esse est inesse subiecto: & quidem hoc est maxime verum de accidente respectivo, quod nullo modo potest esse absque subiecto.

Confirmatur: quia relatio includit essentialiter illam formalitatem, quam dicit accidens ut sic: sed illa formalitas non est aliud, ut patet: ergo totum esse accidentis non est ad aliud.

Respondeo distinguendo consequens: totum esse particulare ipsius non est ad aliud se habere, id est nihil facit circa suum subiectum, quam ordinare ipsum ad alterum, nego: ita ut non sit natum inesse subiecto, concedo consequentiam: & per hoc patet ad probationem consequentiae.

Ad confirmationem distingo etiam consequens: totum esse particulare, quatenus distinguitur à cætris accidentibus, nego: totum esse quatenus cum illis conuenit, concedo; sed hoc non impedit bonitatem definitionis præmissæ.

QVÆSTIO II.

Quæntum requiruntur, ut resultet Relatio prædicamentalis intrinsecus adueniens.

11 *H*ic breuiter subiungam aliqua, quæ ad cognoscendam naturam relationum huius prædicamenti

conducunt. Itaque ut sit relatio intrinsecus adueniens imprimis requiruntur duo extrema, quorum unum per relationem formaliter referatur, & sine relatione non refertur nisi fundamentaliter tantum: unum enim non potest referri realiter ad seipsum. Ex his extremis illud, quod refertur dicitur esse subiectum & fundatum relationis, quia scilicet relatio subiectatur & fundatur in ipso; illud duo vero ad quod refertur, dicitur esse terminus relationis, quia ad illud tendit. Exemplum huius rei habemus in similitudine hominis ad equum, quæ habet pro extremis hominem & equum realiter distinctos, pro fundamento vero, ac subiecto hominem, & pro termino equum. Quia vero duo extrema aliquando possunt esse cum relatione aliquando sine, & quia etiam duo extrema possunt habere relationes oppositas ad se inuicem, nimirum similitudinem & dissimilitudinem, potest enim Petrus esse similis Paulo in doctrina & dissimilis in moribus; hinc Et ratio fundandi præter extrema requiritur ad relationem ratio fundandi, hoc est illa ratio, ob quam habent inter se relationem; & hæc ratio fundandi vocatur ab aliquibus fundamentum proximum, verbi gratia homo & equus possunt esse & non esse similes in albedine: quia ergo albedo est ratio, ob quam habent similitudinem, propterea est ratio fundandi similitudinem inter hominem & equum.

12 *Aduertendum autem est*, hanc rationem fundandi non semper debere esse quid realiter distinctum ab extremis, quæ referuntur, ut patet in similitudine, quam habet homo cum bruto in animalitate, nam ista similitudo non exigit aliquam rationem fundandi in extremis distinctam realiter ab ipsis: & idem patet de æqualitate duarum quantitatum, & de dissimilitudine albedinis & nigredinis. Quando autem est realiter distincta, tunc relatio habebit duo fundamenta quæ referuntur per ipsam, remotum & proximum; & proximum erit ipsa ratio fundandi, remotum erit illud, in quo reperitur. Hoc patet in similitudine, quæ est inter hominem & brutum in albedine, nam quia albedo, quæ est ratio fundandi ipsam, distinguitur ab homine, propterea ista similitudo habet duo fundamenta relata per ipsam; pro proximo quidem ipsam albedinem, quæ immediate dicitur similis albedini bruti; pro remoto vero ipsum hominem, qui non est similis hac similitudine nisi mediate, mediante scilicet forma realiter distincta. Quando vero ratio fundandi non est realiter distincta, tunc non debet habere duo fundamenta saltem realiter distincta, ut ex se patet; quia eatenus debet, quatenus ratio fundandi esset realiter distincta ab extremitate relato.

13 *Dices*: Nunquam possunt aliqua habere relationem realem intrinsecus aduenientem; quin habeant simultatem existentia: sed simultas existentia inter res, quæ referuntur relatione realiter à seipso distincta, est realiter distincta ab ipsis, ut patet inductione: ergo ratio fundandi relationem semper debet esse realiter distincta. Probatur consequentia, quia illa simultas est ratio fundandi relationem intrinsecus aduenientem, quandoquidem semper & necessario præsupponatur ipsi, eaque posita necessario sequatur relatio illa.

Respondeo, negando consequentiam: ad cuius probationem dico, quod illa simultas, licet necessario præsupponatur, non tamen est ratio fundandi, sed conditio necessaria requisita ad relationem: & ratio huius est, quia res dissimiles, verbi gratia, dicuntur esse dissimiles in ratione fundandi; patet autem, quod non dicantur dissimiles in illa simultate existentia: ergo simultas non est ratio fundandi dissimilitudinem, sed tantum conditio necessaria requisita; eodem enim modo concurrit ad omnes relationes intrinsecus aduenientes, & consequenter sicut non est ratio fundandi respectum dissimilitudinis, ita neque respectum ullum.

Modo remanet discutiendum utrum relatio realis petat habere terminum realiter existentem: & licet principaliter hoc queramus de relatione intrinsecus adueniente, tamen videmus etiam quid dicendum sit de relatione transcendentali & extrinsecus adueniente.

CONCLV SIO I.

14 Relatio transcendentalis non petit terminum realiter existentem, sed sufficit existere fundamentum, & posse existere terminum eius. Hæc est communis, & patet evidenter, quia huiusmodi relationes identificantur causam, a ratione, litter suis fundamentis, & consequenter, si fundamenta existunt sine terminis, relationes etiam transcendentalis ipsis identificatae existent.

Confirmatur, quia relatio transcendentalis quam dicit materia ad formam, quatenus scilicet est apta ipsam recipere, est in materia ad formam non existentem, sed possibilem existere, & idem est de relatione, quam dicit potentia utilitatis, verbi gratia intellectus ad intellectionem, quatenus est natus eam producere: ergo non requiritur existentia realis termini ad existentiam realem relationis transcendentalis.

CONCLV SIO II.

15 Relatio realis intrinsecus adueniens non potest existere, quin terminus eius existat realiter. Hæc etiam est communis cum Scoto in 4. dist. 6. quæst. 10.

Probatur, quia huiusmodi relationes oriuntur ex fundatione, & termino per resultantiam: ergo ut sint, debent existere fundamentum & terminus.

Conferatur: homo albus non dicitur actu similis homini non albo, quamvis possit esse albus: ergo ut dicatur similis, debet terminus esse actu albus. Similiter nemo dicitur pater respectu eius, qui potest esse filius, sed oportet ut sit filius; non potest autem esse filius, nisi actu existat: ergo similitudo & paternitas, & idem est de reliquis intrinsecus advenientibus, debet habere terminum actu existentem.

Dicatur per hæc probari, quod non possit resultare relationis intrinsecus adveniens, quin existat terminus eius; sed non probatur quin ex suppositione, quod semel resultent, conservari possint, quamvis terminus non existeret.

Contra, quia est eadem ratio cur relatio debeat in fieri & conservari habere terminum actu existentem. Confirmatur quia non potest aliquid referi actu ad id, quod actu non est: ergo ut aliquid realiter referatur actu per relationem realem, debet existere actu id, ad quod refertur.

16 Dicatur: Intellectus refertur actu ad obiectum cognitum, quamvis actu non existat: ergo confirmatio est nulla.

Respondeo distinguendo antecedens: quamvis actu non existat in se ipso secundum realem existentiam sui ipsius, transeat; quamvis actu non existat neque secundum esse reale suum, neque secundum esse representatum seu secundum speciem realem sui, nego, sed de hoc alias.

Obiectio: Homo est dissimilis negationi albedinis per relationem veram & realem; sed illa negatio non est quid reale: ergo potest dari relatio realis ad terminum non realem.

Respondeo distinguendo consequens: ad terminum non realem, id est ad terminum actu non existentem, nego; ad terminum non realem, id est non positivum, quamvis sit realis, id est actu existens & non rationis, concedo. Itaque negatio albedinis, cui actu dissimilis est homo, debet & potest esse realiter existens, licet non debeat esse quid reale positivum.

CONCLV SIO III.

17 Probabile est relationem extrinsecus advenientem requirere terminum realiter existentem, & non sufficere, quod possit existere præsertim nisi ex ratione sua formalis exclusas terminum à coexistentia cum fundamento. Hæc est communis apud eos qui concedunt huiusmodi relationes, & Probatur, quia omnis relatio realiter separabilis est ordinatio actualis subiecti ad terminum: sed non potest subiectum realiter ordinari ad illud, quod non est realiter.

Confirmatur, quia si posset existere illa relatio extrinsecus adveniens sine termino realiter existente, posset quemque, est enim eadem ratio: sed hoc est falsum. Pro-

batur minor, quia posset esse unio in materia ad formam, quæ non existeret, & sic esset unita, & non esset unita. Deinde si materia esset in India, & forma in Hibernia, posset materia habere unionem ad ipsam, quia si posset habere unionem ad formam non existentem, multo magis ad formam existentem, sed non praesentem localiter. Dixi autem, nisi excludat terminum à coexistentia cum subiecto, propter relationem successionis, (si tamen detur talis realiter distincta à re succedente ad rem cui succedit) quæ est inter partes motus; nam relatio illa, si detur, est realis, & non coexistit terminus eius, quando ipsa existit; hoc tamen ideo accidit, quia cum sit relatio, mediante qua aliud succedit termino non habenti esse permanens ex ratione sua formalis, excludit terminum à coexistentia cum suo fundamento. Sed de hac te alias, hoc modo sufficiat.

QVÆSTIO III.

Vtrum dentur Relationes reales realiter distinctæ ab extremis.

18 Aliqua ad se inuicem referri, & ordinati res est clarissima: nam certum est parietem album referri per modum similis ad alium parietem album, & per modum dissimilis ad alium parietem nigrum; similiter non est dubium, quin ille homo, qui generat alium hominem, referatur ad ipsum per modum patris & productoris, sicut homo generatus refertur ad generantem per modum generati & producti. Sed maxima controversia est & difficultas, à quo habeant res referri ad se inuicem, verbi gratia à quanam forma paries albus denominetur similis, aut dissimilis aliis rebus; & potissimum, an illa forma, à qua sic denominatur, sit realiter distincta ab ipso met pariete albo, ut albus est. Intelligo autem hic per distinctionem realem, talem distinctionem, quam habent illa, quorum unum possit existere sine altero, sive alterum possit vicissim sine illo priori existere sive non; unde si similitudo sit aliquid, sine quo possit esse paries albus, quamvis ipsa non possit esse absque pariete albo, similitudo, à qua denominatur paries albus est similis, erit in hoc sensu quid realiter distinctum ab ipso pariete. Quod aduertendum necessario erat, quia aliqui Authores, qui dicunt relationes non esse realiter distinctas à fundamentis quæ dominant, sed tantum ex natura rei, non videntur distinctione reali in hac acceptione iam præmissa, sed pro illa distinctione, quam habent res, quæ mutuo possunt esse sine se inuicem, qualis est inter Petrum & Paulum; & per distinctionem ex natura rei non intelligunt illam, quam Scotistæ vocant formalem, quæ est inter ea, quæ identificantur realiter, sed illam, quam habent ea, quorum unum tantum potest esse sine altero, alterum vero sine ipso esse non potest; unde in re hi Authores licet negent distinctionem realem similitudinis à re, quæ est similis, & afferant solum distinctionem ex natura rei inter illa, non dissentient à Scotistis & aliis authoribus, qui dicunt similitudinem distinctioni realiter à re, quæ dicitur similis, sed solum differunt in modo loquendi & habent inter se questionem de nomine solummodo, quæ semper quantum fieri potest vitanda est, dum agendum est de re ipsa.

19 Prima sententia est, res omnes, quæ referuntur ad se inuicem, referri per relationem rationis, non verò per aliquid reale. Hæc tribuitur aliquibus antiquis, quos videtur sequi noster Aureolus in 1. disp. 30.

Secunda sententia est, dari quidem relationes tales, sed eas non esse formas realiter distinctas, etiam in sensu præmisso, à fundamento & termino ac ratione fundandi. Hanc tenent Nominales communiter, quos sequitur Suarez disp. 47. Metaphys. sect. 2. Ogna hic quæst. 1. Lorinus quæst. 4. Conimbricenses quæst. 1. art. 4. Hurtad. disp. 15. Metaphys. sect. 2. & alij plures, etiam ex Thomistis, quos citant hic Complutenses. Diuersimode autem explicant hi authores hanc sententiam. Quidam enim dicunt relationem realem consistere in duabus rebus aliorum prædicamentorum simul existentibus, ut in duabus albedinibus, duobus hominibus, homine & albedine, quantitate & actionie, &c. ita ut utraque res sit de essentia tela

relationis; illa tamen dicatur fundamentum, quæ concipiatur in recto, & illa terminus, quæ concipiatur in obliquo, ita Arriaga hic num. 41. Vnde similitudo albi ad album non est aliud, quam vnum album existens connotans coëxistentiam alterius albi: & hinc dicunt hi Autores terminum esse de essentia relationis prædicamentalis. Alij vero cum Suario explicant illam sententiam alio modo dicentes terminum non esse de essentia relationis, sed relationem esse ipsum fundamentum realiter & solum ratione ratiocinata eam ab ipso distingui.

Tertia denique sententia communissima inter Scotistas cum Doctore in 2. dist. 1. quast. 4. & Thomistas cum D. Thoma 1. par. quast. 28. quos sequuntur recentiores magis communiter; est quod relationes prædicamentales, de quibus hic agimus distinguuntur ita realiter à fundamento, ut fundamenta possint esse sine ipsis, licet ipsæ non possint existere sine fundamentis, & propterea non sint res proprie dites, sed potius modi, & consequenter possit dici, quod non distinguuntur realiter, prout distinguitur res à re, sed modaliter, prout distinguitur modus rei à re.

CONCLVSI O I.

20 *Dantur relationes reales à parte rei independentes ab omni operatione intellectus, aut potentia ullius vitalis cognitiva, aut collativa. Hæc est authorum secundæ & tertiae sententie contra primam sententiam.*

Probari solet primò, quia de fide est dari relationes reales in Deo; paternitatis, verbi gratia, filiationis, & spirationis passiuæ: ergo etiam debent admitti in creaturis relationes reales, quandoquidem similes denominationes repertuntur in creaturis denominationibus illis, quæ repetiuntur in Deo, & proueniunt formaliter à relationibus, ut patet ex eo, quod una creatura producat alteram & sit pater eius, & altera ab ipsa producatur, & sit filius eius.

Probari solet secundò, quia certum est res aliquas applicari sibi insicem à parte rei independentes ab omni tali potentia, ut ignis applicatur ligno, & non minus certum est materiam à parte rei vniri formæ, & partes integrantes continuas vniri sibi insicem: sed approximationes, & vniones huiusmodi sunt relationes reales: ergo dantur relationes reales à parte rei independentes ab intellectu & omni tali potentia.

21 *Sed quamvis hæc duæ probationes, supposita minori huius secundæ probationis, quæ mihi certa est propter dicenda de sex ultimis prædicamentis, efficacissime conuincant dari aliquas reales relationes in creaturis, quibus sibi insicem referatur; reuera tamen non videntur sufficere ad probandum, quod dentur relationes reales prædicamentales, prout prædicamentales dicuntur illæ, quæ spectant ad hoc prædicamentum. Ratio autem est, quia approximationes & vniones illæ, de quibus fit mentione in secundo argumento, sunt relationes extrinsecus aduenientes, de quibus postea, & non pertinent ad hoc prædicamentum, quia non conuenit ipsis definitio relationis huius prædicamenti supra assignata: ergo ex eo, quod dentur illæ relationes, non sequitur quod dentur relationes reales huius prædicamenti, & non solum non sequitur formaliter, sed nec sequitur etiam à paritate rationis; quia est maxima disparitas inter utrasque relationes, ratione cuius disparitatis posset fieri, quod quamvis darentur vnt, non darentur alteræ.*

Prima etiam probatio de relationibus diuinis non probat dari relationes prædicamentales huius prædicamenti, quia relationes huius prædicamenti sunt accidentia, relationes autem diuinæ nō sunt accidentia; vnde ex eo, quod dentur diuinæ, non videtur sequi quod dentur creatæ.

Deinde à multis Thomistis non concedunt in diuinis aliæ relationes reales, quæm productiones actiuæ & passiuæ, & speciatim negant dari in diuinis relationes reales similitudinis, aut æqualitatis: ergo ex eo, quod dentur relationes in diuinis, non sequitur dari relationes similitudinis & æqualitatis huius prædicamenti secundum Thomistas.

Confirmatur: quia satis probabile est relationes productæ & producti in creatis esse relationes extrinsecus aduenientes: ergo ex eo quod dentur relationes tales

in diuinis, & denominationes in creaturis similes illis denominationibus, quæ proueniunt à relationibus illis diuinis, non sequitur dari relationem prædicamentalem realem huius prædicamenti.

22 *Probari posset tertio conclusio, quia entia rationis non ponuntur in prædicamento: sed relationes huius prædicamenti ponuntur in hoc prædicamento: ergo non sunt entia rationis. Hac probatio valet contra admittentes autoritatem Aristotelis. Sed si quis eam negaret, & diceret, vel male assignari hoc prædicamentum ab Aristotele, vel entia rationis spectare ad prædicamenta, nihil vrgeret.*

Probatur ergo melius, quia reuera à parte rei dantur aliqua, quæ sunt sibi insicem similia & dissimilia, & qualia & inæqualia independentes ab omni operatione intellectus, ut patet de duobus albis, albo & nigro, duabus quantitatibus palmaribus; una quantitate palmari, & alia bipalmari: ergo dantur à parte rei realiter illa, à quibus proueniunt istæ denominationes: sed illa sunt, quæ vocamus relationes prædicamentales: ergo dantur à parte rei relationes prædicamentales huius prædicamenti.

23 *Dices posse dari aliquos respectus rationis à parte rei, hoc est independentes ab omni actu intellectus, nam secundum multis Scotistas resultat in obiectis visis ratio relationis, posita visione in oculo independentes ab omni actu intellectus; & idem est dicendum de obiectis perceptis à quacumque potentia sensitiva. Deinde secundum alios Scotistas resultat in Verbo diuino respectus rationis unionis passiuæ, à qua dicitur intrinsece vniri humanitati assumpte; qui respectus est independens non solum ab omni actu intellectus, sed ab omni actu cuiuscumque potentia sive collatiua sive sensitiva: ergo quamvis datur à parte rei independentes ab omni actu talis potentia illud, à quo habet vnus parties esse similis, vel dissimilis alteri, inde tamen non sequeretur quod illud esset quid reale, & non rationis; nec consequenter sequeretur quod daretur respectus realis huius prædicamenti à parte rei.*

Contra primò, quia falsum est dati viros respectus rationis, qui non dependeant vel à potentia intellectiva, vel ab aliqua alia vitali; & qui hoc negaret, facile posset dicere, quod similitudines essent respectus rationis, vnde illi Scotistiæ, ac autores, qui assertunt Idari tales respectus, difficulter poterunt impugnare hanc replicam, aut probare dari huiusmodi respectus reales, ut vel ex eo ipso capite improbabilitas eorum sententiarum improberetur.

Contra secundò, quia illi autores, contra quos est præfens conclusio, intelligunt per relationem rationis relationem, quæ sequitur cum dependentia à consideratione aliqua intellectus: ergo contra eos valet prædicta nostra probatio, quod modo nobis sufficit, quia eos tantum impugnamus hic.

24 *Oibiies primò, secundum Philosophum: Ad relationem huius prædicamenti non datur per se motus, nec pet illam aliquid mutatur; dicit enim s. Physic. tex. 10. Altero subeniente mutationem alterum mutationem non sufficiens vere dici potest ad aliquid: quod etiam patet, quia hic paries albus, qui modò non est similis pariæ nigro, si mutetur iste paries niger ad albedinem, fit ipsi similis absqueulla prorsus mutatione facta in illo pariete, qui fuit ante albus: sed si relatio esset aliquid reale, quandoquidem adueniat de nouo, vere daretur ad ipsam mutationem, & illud, cui adueniret, vere mutaretur per illam: ergo secundum Philosophum non est aliquid reale, sed rationis.*

Respondeo primò, hoc argumentum non concludere aliquid contra eos, qui admittentes relationem realem similitudinis, verbi gratia, dicunt ipsam non distinguiri à fundamento & termino simul existentibus; quandoquidem in hac sententia non deberet mutari fundatum intrinsece, nec aliquid in eo intrinsece produci.

Respondeo secundò, in sententia eorum, qui dicunt relationem distinguiri realiter à fundamento, Philosophum sic intelligendum, quod non detur per se motus ad relationem, tanquam ad aliquid absolutum, eo modo quo datus motus ad albedinem & alias qualitates: & quod subiectum non mutetur per se per illum mutatione propriæ diæ, qualis est mutatio, quæ fit per formam absolutam.

Posse

Posset etiam dici, quod non detur motus per se ad illam, quia non intenditur directe ab agente, nec producitur per actionem ad se immediate terminatam; sed emanat necessario ab aliquo, ex suppositione, quod producatur illud alterum, & ponantur aliæ conditions, de quo postea.

CONCLVSI O. II.

25 Relatio realis prædicamentalis huius prædicamenti
non consistit in duobus extremis, verbi gratia in duabus albis, que ad se inuicem per relationem referuntur, ita ut unum dicat in recto, & alterum in obliquo, & virum recto & al. que sit de essentia eius. Hæc est communior authorum tertia sententia contra primum modum explicandi secundam sententiam.

Probatur primò, quia totum esse relationis est ad aliud se habere, secundum Philosophi definitionem ab omnibus admissam: ergo terminus relationis, qui est illud aliud, non potest esse de essentia relationis, sed aliud aliquid à relatione distinetum. **Confirmatur:** nihil potest referri realiter ad se: ergo terminus non est de essentia relationis. Probatur cōsequenter, quia si terminus esset de essentia relationis, quandoquidem totum esse relationis sit ad aliud referri, terminus, qui est de essentia eius, deberet ad aliud referti, & consequenter ad se, quia ipsemet terminus est illud aliud, verbi gratia relatio paternitatis refertur secundum totam suam essentiam ad filium, qui est terminus, & filius est illud, ad quod se habet tota essentia istius relationis: ergo si ipsemet filius sit de essentia paternitatis, filius refertur ad se, & præterea filius esset aliud à paternitate: & non esset aliud; esset ex hypothesi, quandoquidem sit terminus ipsius; non esset autem, quia esset de essentia ipsius.

Arriagare respondet, terminum relationis prædicamentalis non distingui ab ipsa, quia in rigore non est relatione: neque enim, inquit, quia paries est albus, ego habeo ad illum respectum, vel ordinem. Quod si similitudo dicatur relatio, ideo est, quia non potest concipi simile, ut simile, quin concipiatur aliud extreum, cui dicitur simile, non quia unum extreum respiciat alterum, sed quia simile dicit utrumque; utrumque autem nequit intelligi sine utroque: exemplificat hoc de Petro & Paulo, quatenus constituant binarium, ut constituant binarium non respiquant se mutuo, nec dicunt ordinem ad inuicem; & tamen ut constituant binarium, unus nequit concipi sine altero, quia binarius dicit utrumque.

26 Contra hanc doctrinam primò, quia tollit suppositionem controversiæ, nempe dari relationes veras prædicamentales, de quibus hic queritur, an ex suppositione, quod dentur, sint distinctæ à fundamento & termino, nec ne.

Contra secundò, quia si quis non diceret ordinem aliquem ad album potius quam ad nigrum ante intellectum, non potius deberet dici similis albo, quam nigrum: ergo si vere dicitur similis, debet dicere talenm ordinem. Deinde, si relatio realis in rigore secundum ipsum nihil aliud sit quam duæ albedines, verbi gratia simul existentes, quandoquidem dentur tales in rigore, debet etiam dari relatio in rigore.

Contra tertio, quia si unum quid, quod dicitur simile, non possit concipi sine alio, cui sit simile, ideo hoc sit, quia dicit ordinem aliquem ad illum, qualem non dicit ad alterum, cui non est simile, & non ex eo, quod similitudo dicit utrumque, ut patet ex eo, quod utrumque non prædicetur de eo, quod dicitur simile. Et per hoc patet, exemplum ipsius non esse ad propositum, quia binarius ex eo, quod dicit utrumque constituentem ipsum simul sumptus, non potest prædicari de ullo ex ipsis; neque enim ex duobus constituentibus binariū ullus dicitur binarius. Sed similitudo dicitur de uno ex extremis, ergo non potest includere utrumque extreum. Vnde etiam manifeste patet quod idem auctor subiungit, esse falsum, nempe similitudinem non esse aliud quam binarium albedinum, verbi gratia, nam si hoc esset verum, quemadmodum de uno ex illis albis diceretur, quod esset similis, diceretur etiam quod esset binarius, aut binarium, quod est absurdum.

27 Probatur secundò: quia relatio similitudinis, verbi gratia, prædicatur de uno albo ex duobus, dicitur enim: hoc album est simile alteri albo: sed duo alba existentia simul non prædicantur de ipso: neque enim dicitur: hoc album est duo alba simul existentia, aut habens duo alba simul existentia: ergo simile non est idem ac duo alba simul existentia, nec similitudo est idem ac duæ albedines simul existentes.

Confirmatur, quia si utrumque album esset de essentia relationis, non potius deberet relatio dicere unam in recto, quam alteram, ergo vel utrumque dicit in recto, vel neutrum, & sic falsa est sententia aduersariorum. Probatur antecedens, quia utrumque album à parte rei est eiusdem omnino rationis, imo nec possunt denominare intellectum potius ad concipiendum unum in recto, quam alterum.

Dices: in re utrumque eodem modo esse de essentia relationis: sed quando concipitur Petrus, ut similis Pauli, tum concipitur Petrus in recto, & Paulus in obliquo: & propter hoc dicitur similitudo Petri dicere Petrum in recto, & Paulum in obliquo.

Contra, quia nisi habeam aliud mihi propositum, quam Paulum & Petrum, & uterque æque primo inuoluatur à parte rei in similitudine, non potest concipi Petrus, ut similis Pauli; nec ille modus loquendi habet ullum prorsus sensum.

Confirmatur secundò, quia nisi Petrus se haberet aliter ad Paulum simul existentem, quam ad lapidem, non esset ipsi magis similis, quam lapidi: ergo habet aliquid in se, ratione cuius aliter se habeat & sit similis, sed illud est, vel natura ipsius, vel accidentis aliquod, & non includit essentialiter Paulum, possetque vocati similitudo potius, quam Petrus & Paulus, ergo potius dicendum est quod tota similitudo reperiatur ex parte extremitatis similis, quam quod dicat utrumque extreum essentialiter.

28 Probatur tertio: Relatio prædicamentalis debet esse unum per se completum, alias non directe collocaretur in ullo prædicamento contra Philosophum & aduersarios: sed non esset tale, si essentia ipsius consisteret in duobus extremitatibus, ut utrumque esset de essentia eius, verbi gratia relatio similitudinis in duabus albis, aut relatio dissimilitudinis in homine, & albedine: ergo non consistit in talibus. Probatur minor, quia ex duobus entibus diversorum prædicamentorum completis & positis directe in ipsis, non fit unum per se, sed tantum per accidentem, imo nec ex duobus entibus unius prædicamenti non unitis præsertim unione physica: sed homo & albedo sunt entia completa & directe posita in diversis prædicamentis, homo quidem in prædicamento substantiae, albedo vero in prædicamento qualitatis. Et rursus deo alba, quæ sunt similia, formaliter spectant ad unum prædicamentum, suntque entia completa istius prædicamenti, nec uniuersitatem unione physica, quandoquidem unum posset esse in Hibernia, & alterum Romæ: ergo si essentia relationis consisteret in huiusmodi duobus non esset unum per se.

29 Probatur quartò, quia relatio est accidentis prædicamentale, sicut cætera octo prædicamenta, ergo est aptum natum inhærente: sed hoc esset falsum, si non esset quid realiter distinctum à fundamento & termino, aut si essentialiter consisteret in fundamento & termino, verbi gratia si dissimilitudo hominis ad brutum consisteret essentialiter in ipsomet homine & bruto, quandoquidem nec homo, nec brutum, nec utrumque simul possit inhærente, relatio illa non posset inhærente, & consequenter non esset accidentis prædicamentale. **Hæc probatio** non multum urget aduersarios, quia negarent facile antecedens loquendo de accidente propriè dicto.

Probant aliqui quintò, quia sequeretur, quod Deus referretur de nouo relatione reali ad creaturas: sed hoc est absurdum; ergo & illud unde sequitur. Probatur sequela, quia sicut Petrus de nouo dicitur dissimilis alicui equo, cui ante non erat dissimilis, ex eo quod producatur ille equus de nouo, absque eo quod illa entitas adueniat de nouo ipsomet Petro, idem posset dici de Deo, quod esset de nouo dissimilis alicui rei de nouo productæ, absque eo

eo quod adveniret ipsum Deo aliquid nouum.

Sed hac probatio parum urget, possent enim aduersarij optime admettere sequelam, & negare minorem: quamvis enim esset absurdum, quod Deus referretur de novo relatione reali, quæ esset forma aliqua intrinsece superaddita ipsi, quia inde sequeretur mutabilitas realis in ipso ad formam intrinsecam realem; tamen non esset absurdum, quod referretur de novo relatione reali, si relatio illa realis non esset quid distinctum ab ipso Deo & creatura de novo producta, neque enim inde sequeretur mutabilitas realis in Deo ad formam aliquam realem superadditam. Et certe quando authores communiter negant Deum refetti relatione reali de novo ad creaturam, ideo id negant, quia supponunt illam relationem realem, per quam de novo referretur, esse aliquam formam realem, seu modum realem superadditum Deo, ac intrinsece in ipso receptum.

30 Vnde meo iudicio possent aduersarij sumere argumentum in confirmationem suæ doctrinæ ex eo, quod Deus sit dissimilis de novo creaturis, hoc modo: Deus est de novo actu dissimilis Petro de novo producto, & non fuit ipsi dissimilis actu, antequam Petrus actu extiterit, sicut nec album vnum est dissimile actualiter nigro, antequam existat nigrum; est enim eadem ratio dicendi, quod Deus sit de novo dissimilis, ac quod album sit de novo dissimile: sed Deus non est dissimilis de novo per ullam formam rationis, neque per formam ullam realem superadditam ipsum: ergo habet esse dissimilis, vel seipso solo, vel seipso, & creatura illa de novo producta, cui est dissimilis, & consequenter relatio, per quam refertur, vel consistet in ipsomet Deo solo, realiter loquendo, ut dicitur in secundo modo explicandi secundam sententiam, de quo statim, vel consistet realiter in Deo, & creatura, ut dicit hic modus explicandi, quem iam impugnamus: ergo idem dici poterit de dissimilitudine hominis & equi, & de similitudine albi ad album. Quod sane argumentum est mihi valde vrgens contra tertiam, quæ est etiam nostra, sententiam postea proponendam.

31 Respondetur tamen, iam cum communis sententia, negando primam consequentiam, quia habet esse dissimilis de novo à relatione dissimilitudinis, quæ est in creatura illa de novo producta. Deinde negati potest ultima consequentia, quia licet Deus haberet seipso esse similis aut dissimilis, non tamen idem esset dicendum de creaturis, quia ideo diceretur Deus esse de novo dissimilis, & non per aliquid superadditum, quia est immutabilis & incapax consequenter talis superadditi recipiendi; vnde si esset capax, non diceretur seipso dissimilis de novo, sed per aliquid superaddirum sicut dicitur de creaturis: creaturæ vero sunt capaces alicuius de novo aduentientis, & propterea debet dici, quod sicut similes aut dissimiles de novo per aliquid superadditum.

Confirmari solet hoc per exemplum de unione hypothistica, quæ solum ponitur subiective inherens in huminitate assumpta, & non ponitur, nec illa eadem, nec altera ipsi correspondens intrinsece in Verbo, licet quando unius forma & materia, ponatur duplex unio à Scotistis, una ex parte formæ, & altera ex parte materiæ: ratio autem disparitatis cut ponatur duplex unio, quando & materia & forma uniuersit, non vero ponatur duplex unio quando natura humana & Verbum diuinum uniuersit, est, quod Verbum non sit capax nouæ unionis propter suam immutabilitatem; tam autem materia quam forma est capax unionis ex parte sua. Itaque ad propositum, sicut non ponitur duplex unio in Incarnatione in Verbo & natura humana unitis, quia Verbum est incapax talis; ponitur autem duplex unio, unitis materia & forma, quia utraque est capax unionis; ita quamvis non poneretur aliqua relatio distincta in Deo, per quam referretur ad creaturas, quia non est capax, non propterea non debet poni aliqua relatio distincta ab albo, per quam referatur, quandoquidem album sit capax talis relationis, sed de hoc alias.

CONCLVSI O III.

Relatio prædictamentalis non est identificata realiter ipsius fundamento sic, ut essentia eius constat in fun-

damento solo, & terminus non sit de essentia eius, sed conditio necessario requisita; ut denominet fundatum ipsum referendo ad terminum. Hæc est etiam communior contra secundum modum explicandi secundam sententiam, qui sane modus est longe melior altero ante impugnato.

Probatur autem, quia, ut paulo ante dixi, sequeretur quod relatio non esset accidentis prædicamentale, quia similitudo hominis, si sit identificata realiter homini, non est apta nata inhærente homini, ut est evidens.

Sed aduersarij concedunt sequelam, neque id existimant inconueniens, nec sane probari potest oppositum, nisi probetur aliunde quod relatio sit aliquid distinctum à fundamento.

Probatur secundò, quia totum esse relationis non esset ad aliud se habere, quia totum esse Petri, qui est fundatum similitudinis, nec totum esse albedinis est ad aliud se habere, cum sit quid absolutum.

Dices totum esse formale ipsius est ad aliud se habere, licet totum esse reale ipsius non sit ad aliud. Contra: sic non distingueretur relatio prædicamentalis à transcendentali, quantum ad habendum totum suum esse ad aliud, quia totum esse formale relationis transcendentalis est ad aliud se habere tam bene, quam totum esse formale relationis prædicamentalis.

Hoc etiam non multum urget, quia si non distinguantur relationes transcendentales à prædicamentibus, nisi per identitatem cum fundamento, concedetidum esset, quod essent transcendentalis aut quod transcendentalis essent prædicamentales. Quod si sit alia differentia, illa sufficiet ad eas distinguendas, quamvis conueniant in identitate ad fundatum. In rei autem veritate differentia posset assignari, quod relationes transcendentales non dependent à coexistencia termini ad dandum denominationem suam, prædicamentales vero sic; vnde materia prima dicitur apta ad recipiendam formam, quamvis forma non existat; Petrus vero non dicitur similis Paulo, nisi Paulus existat.

33 Probatur tertio: potest relatio alicuius fundamenti crescere sine eo, quod ipsum fundatum mutetur in se vlo modo per receptionem alicuius, nisi dicatur, quod relatio distinguatur realiter, aut modaliter ab ipso: sed hoc videtur absurdum: ergo debet dici, quod relatio sic distinguatur, & consequenter, quod non identificetur fundamento. Probatur sequela maioris; quia album, ut quatuor, est simile albo, ut octo; & si remittatur aliquid de albedine ut octo, erit magis simile absque illa varia-
tione ex parte sui, nisi dicatur relatio variata in ipso: quod dici nequit, nisi distinguatur ab ipso realiter: ergo crescit in ipso illa relatio similitudinis.

Dices in tali casu non crescere relationem, sed denominationem eius. Contra, quia non videtur denominationem crescere posse, nisi varietas aut crescat forma à qua prouenit.

Dices posse bene variari denominationem propter variationem termini. Contra, si varietas in denominatione prouenire possit à variatione termini: ergo ipsamet denominatio poterit ab ipso termino prouenire, quia est eadem ratio; & sic denominatio similis, quam habet vnum album, proueniet formaliter ab albo, cui est similis, & consequenter erit denominatio extrinseca, quod est contra aduersarios.

Dices, non posse totam illam denominationem prouenire à termino, quia si terminus maneret idem, modo variaret ab albedo fundamenti, denominatio variaretur: ergo non potest denominatio similis haberi à termino absque dependentia ab intensione, aut extensione albedinis fundamenti; quod si dependeat illa denominatio; quæ est in fundamento, ab aliqua conditione fundamenti, licet etiam dependeat ab aliqua conditione termini, & non proueniat essentialiter æque primo ab utraque conditione, tanquam à causa formalis, sed ab una, tanquam à causa formalis, & ab altera, tanquam à conditione sine qua non, potius sine dubio debet dici prouenire à conditione fundamenti, tanquam à causa formalis, & à conditione termini,

termini, tanquam à conditione sine qua non, quam è contra.

Hac sane responsio mihi satis est probabilis, nec occurrit mihi quid contra bene replicem, vnde neque in hac probatione conclusionis multum esse fidendum censeo.

34 Probatur quarto, quia, si similitudo identificaretur fundamento, non posset fundamentum existere absque similitudine, nec consequenter quin esset simile, quia nihil aliud requiritur ad denominandum ipsum formaliter simile, quam quod habeat sibi communicatam formam similitudinis: sed potest existere fundamentum, quin sit simile, ut si destruatur terminus ad quem refertur, aut si non producatur illa ratione; neque enim aliquid actualiter dicitur simile alicui rei non existenti, ergo relatio non identificatur ipsis.

Ad hanc probationem respondere solent aduersarij negando consequiam, quia ad hoc ut aliquid sit simile, non sufficit quod habeat formam, à qua sic potest denominari, sed requiritur ut ponatur conditio omnis essentialiter requisita ad hoc quod sic denominetur, vna autem ex conditionibus, ut album denominetur à seipso seu ab aliqua formalitate sibi identificata realiter, est, ut detur aliud existens, cui sit simile, vnde donec hoc detur non erit simile, quamvis habeat formam, qua sic posset denominari.

Hanc responsionem fuse conatur improbare Arriaga, cum directe, cum ad hominem: sed neutro modo assequitur intentum, ut facile esset ostendere, nisi superfluitati cauendum esset. Nec sane hæc responsio impugnari potest, nisi ostendi possit, quod nulla forma inexistentis subiecto possit dependere, quantum ad denominandum à conditione sine qua non extrinseca, & sine qua posset ipsa forma existere in subiecto; hoc autem valde difficile est ostendere. Imo videtur posse ostendi, quod sic in sententia ipsorum Authorum, qui propter hoc argumentum probare nituntur relationem distingui debere à fundamento & termino simul sumptis, quia terminus relationis à seipso habet formaliter terminare relationem, & tamen non potest terminare ipsam, nisi sit ipsa relatio. Deinde ipsum fundamentum relationis, supposito quod relatio distinguitur realiter à fundamento, est similis aut dissimilis illi relationi, & non est similis aut dissimilis illi per aliam relationem, alias daretur processus in infinitum: ergo est similis seipso, ergo habet sibi identificatam relationem, qua dicatur similis: sed tamen illa relatio non potest denominare ipsum simile aut dissimile, antequam existat illa relatio, cui dicatur simile aut dissimile.

Iaque impugnatio huius responsionis, & probatio consequenter conclusionis desumenda sunt ex dicendis circa conclusionem sequentem; ex quibus etiam responderi debet ad fundamenta aduersariorum huius ac conclusionis praecedentis, consistunt enim in obiectionibus proponendis contra sequentem conclusionem.

CONCLVSION. IV.

35 Relatio prædicamentalis est forma accidentalis distincta realiter à fundamento, ipsique inhærens. Hæc est eorum, qui tenent tertiam sententiam contra duas pri- mas sententias.

Probatur primo ex dictis, quia si detur relatio prædicamentalis realis, ut probatum est contra primam sententiam, & non identificetur realiter fundamento & termino, nec soli fundamento, nec etiam soli termino à paritate relationis, ut probatum est contra secundam sententiam, sequitur quod debet esse realiter distincta à fundamento, & termino, & consequenter quod sit forma accidentalis apta inhærente fundamento.

Possit probari hac conclusio ex Scoto supra num. 6. quia si relatio non distingueretur realiter à fundamento, sine qua posset esse fundamentum, sequeretur non dari incarnationem; nec separationem accidentium ut in Eucharistia; nec compositionem, nec causalitatem in rebus: quæ omnia sunt absurdæ: sequelam probat Doctor fuse & clare ibidem.

Verum hæc probatio licet efficaciter probet, aliquas R. P. Ioan. Ponci Curs. Philosoph.

relationes reales distingui à fundamento, nimirum vno nomine hypostaticam, inhærentiam actualē, vniōnē in materia & formæ, approximationem, de quibus agit ibi Doctor; tamen non probat relationes reales prædicamentales huius prædicamenti, quia illæ relationes sunt intinsecus aduenientes, de quibus nō est eadem ratio, ac de extrinsecis, quia extrema extrinsecarū possunt esse absque relationibus simul existentia in extrinsecarū verò non possūt.

36 Posset etiam probari ex eodem num. 8. Nihil finitum continent secundum perfectam continentiam formalem & virtualem opposita formaliter: sed æqualitas & inæqualitas, similitudo & dissimilitudo sunt opposita formaliter: ergo non possunt identificari eidem fundamento, quia si identificarentur ipsis, continerentur in ipso secundum perfectam continentiam formalem aut virtualem: ergo distinguuntur realiter ab ipso.

Hoc argumentum solum probat distinguiri relationem à fundamento remoto, verbi gratia similitudinem fundam in albedine, tanquam in ratione fundandi, à pariete, sed non probat distinguiri à fundamento illo ut subest ratione fundandi, seu à fundamento proximo: quod probo manifeste, quia idem fundamento proximum non potest, nec simul, nec successivæ esse simile ac dissimile respectu eiusdem termini proximi secundum eandem rationem: similitudo autem ac dissimilitudo non sunt opposita in eodem fundamento, nisi respectu eiusdem termini; certum enim est idem subiectum posse esse simul simile vni termino, & dissimile alteri, imo potest esse simile eidem termino secundum vnam rationem, & dissimile secundum alteram: ergo non sequitur quod idem fundamento proximum contineret per identitatem relationis formaliter oppositas, quamvis relationes omnes identificantur fundamento.

37 Rursus posset probari ex eodem, eodem numero: Idem non continet realiter plura eiusdem rationis: sed eadem albedo fundat plures similitudines ad diversos terminos: ergo similitudines non identificantur parieti.

Confirmatur primo: continens aliquid per identitatem si est perfectius, concludit etiam contentum in eo esse perfectius, hinc enim anima perfectior habet perfectiorum intellectum: sed fundamentum perfectius non continet semper perfectiore relationem, quia non omne albius est similis.

Confirmatur secundo: contenta in aliquibus per identitatem non minus differunt in continentibus magis distinctis; sed relationes fundatæ in duobus generibus, verbi gratia in quantitate & qualitate, minus differunt, quam relationes aliquæ fundatæ in re eiusdem generis; æqualitas enim fondata in quantitate, & similitudo in qualitate, cum spectent ad primum modum relatiotum, minus differunt quam similitudo & productio activa, quæ fundantur in eodem calore, quandoquidem similitudo spectat ad relationes primi modi, & productio illa ad relationes secundi modi.

Ad hanc etiam probationem, licet satis subtilem responderi potest, similitudines eiusdem albi ad diuersos terminos non esse omnino eiusdem rationis, quandoquidem habeant diuersa munera, & neutra possit supplere defectum alterius. Sicut autem non est inconveniens, quod duæ similitudines, non obstante quod sint eiusdem rationis, possint simul haberi in eodem fundamento, si essent realiter distinctæ; ita nec esse debet inconveniens quod identificantur fundamento quantum ad hoc, quod si non possent esse simul, si realiter non identificantur, propter superfluitatem, aut aliunde, nec etiam ob eandem rationem possent identificari eidem fundamento.

38 Ad primam confirmationem Respondeo, ea ratione, qua perfectior res debet continere per identitatem rem perfectiore, etiam perfectior rem debere causare perfectorem rem: quod si non semper perfectior res causatur aut emanat à re perfectiori, neque etiam quod identificantur realiter rei perfectiori debet esse perfectius; ergo si perfectiori albo similitudo identificata deberet esse perfectior, etiam similitudo emanans à perfectiori albo deberet esse perfectior; aut si hæc non debat esse perfectior,

T neque

neque illa etiam. Quæro ergo an similitudo perfectionis albi, distincta ab ipso realiter, sit perfectior, nec ne; & quidquid respondetur ab afferentibus illam distinctionem, poterit similiter responderi ab afferentibus identitatem. In rei autem veritate credo similitudinem illam esse perfectionem, licet non sit maior; non enim omnis maior similitudo est perfectior similitudo, loquendo de perfectione virtutis de qua hic agitur; unde in forma negari potest minor cum consequentia probationis: neque enim, ut dixi, ex eo, quod esset similius relatio ipsius, posset esse imperfectior, si terminus esset imperfectior; unde si album ut duo esset imperfectius quam album ut quatuor, illud quod esset album, ut quatuor redderetur imperfectius, si haberet maiorem similitudinem cum albo ut duo, quam de facto habet; quia inde sequeretur quod diminueretur aliquid de sua albedine, quod est imperfectio-

nis.

39 *Ad secundam confirmationem* Respondeo eodem modo, quod quemadmodum res diuersorum prædicamentorum possunt per emanationem causare relationes magis similes distinctas realiter, quam res vnius prædicamenti; ita possent continere per realem identitatem relationes magis similes. Sed primum potest accidere secundum Scotistas, ut patet in ipsiusmet exemplis confirmationis: ergo & secundum quantum ad hoc. Et sicut res diuersorum prædicamentorum possunt habere maiorem proportionem inter se, quam res vnius prædicamenti, in aliquibus rebus aut formalitatibus, v.g. albedo & quantitas habent maiorem proportionem inter se in ratione producibilis per causam secundam, quam ignis & Angelus; ita non esset inconueniens quod possent habere sibi identificatas formalitates minus differentes, quam formalitates aliquæ, quæ identificarentur rebus eiusdem prædicamenti.

Itaque has rationes proposuit *Scotus*, non tanquam conuincentes, sed tanquam topicas; neque est necesse ut omnes rationes eius, tanquam conuincentes à *Scotistis*, defendantur. Et sicut in ipsiusmet Conciliis generalibus, quibus legitime congregatis assistit Spiritus sanctus, licet conclusiones definitæ tenenda sint de fide, tamen adhibentur quandoque rationes, quæ non sunt de fide, nec certæ, ut Theologi communiter tenent; ita non est necesse ut omnes rationes quas *Scotus* assert, teneantur à *Scotistis* tanquam conuincentes; sed abunde suo muneri satisfacient si tueantur eius conclusiones.

40 *Probarur ergo conclusio melius ex eodem Scoto*, quia parties potest esse sine similitudine fundata in albedine, sicut potest esse sine ipsa albedine, ergo distinguitur realiter ab illa similitudine. Sed *hac probatio* tantum probat distinctionem realem relationis à fundamento remoto, quod nemo negat. Probarur ergo etiam de fundamento proximo: Omnis denominatio noua, positiva, & realis debet prouenire à forma noua & reali, sed denominatio similis, qua denominatur subiectum album simile alteri albo, quod de novo producitur, est denominatio noua & realis; noua quidem, quia non erat antecedenter ad productionem alterius albi; realis autem, quia antecedenter ad fictionem aut operationem ullam intellectus, & etiam quia est inter extrema realia ob rationem fundandi realem repartam in fundamento, quod denominatur: ergo debet esset aliqua forma de novo, à qua proueniat.

Dices, illam denominationem prouenire ab albedine formaliter: quamvis enim albedo fuerit in illo subiecto, & non denominauerit ipsum, hoc tamen propterea accedit, quia deficit connotatio termini existentis, quæ connotatio adest quando terminus producitur. Itaque similitudo albi non est aliud quam albedo connotans aliud album existens simul.

41 *Contra primò*, quia sic totum esse relationis non esset ad aliud, contra Philosophum.

Contra secundò, quia illa connotatio est quid realiter distinctum ab albedine, quandoquidem possit esse albedo sine illa; sed illa connotatio, ut distinguitur ab aliis connotationibus, non est aliud quam ipsa similitudo: ergo similitudo distinguitur realiter. Præterea si ipsa albedo est realiter forma denominans simile, hoc est ipsa similitudo,

sequitur quod album sit simile, antequam sit productus terminus. Probatur sequela: esse simile nihil aliud est, quam habere similitudinam: sed album haberet similitudinem, antequam produceretur aliud album, quia haberet albedinem, quæ est ipsa similitudo.

Respondeatur ad hoc negando sequelam, & ad probationem dicitur, quod simile non sit illud, quod habet similitudinem realiter, sed illud quod habet similitudinem formaliter: album autem, non producto alio albo, non haberet similitudinem formaliter, sed tantum realiter, quia habere ipsam formaliter est habere ipsam denominatorem; non autem esset denominans simile, antequam existeret terminus eius. Itaque ut denominetur album simile, requiritur existentia termini, non quod terminus sit de essentia relationis propter illa quæ diximus contra primum modum explicandi secundam sententiam; sed quod sit conditio necessaria requisita ut albedo tribuat denominacionem similis.

42 *Sed contra*, quia si ut habeatur denominatio similis, requiratur aliquid ita distinctum ab albedine, ut possit esse albedo sine ipso, nimurum coexistentia albi similis cum altero albo, non potest assignari ratio, cut ista coexistentia non esset ratio constituens simile formaliter; quod si hoc admittatur, habemus intentum, ut patet.

Confirmatur hoc, quia controversia realis huius rei est, utrum, ut fundamentum proximum similitudinis, verbi gratia albedo, sit simile alteri albedini, requiratur aliquid distinctum ab utraque albedine, & sine quo quilibet ex ipsis possit existere; qua in re nos tenemus partem affirmatiuam: ergo si requiratur simultas existentiae utriusque albedinis, seu aliqua connotatio, sine qua quilibet ex illis albedinibus esse posset, habemus intentum. Dicere autem quod requiratur quidem, sed quod non sit ratio formalis constitutiva in esse similis, sed conditio sine qua non, est excitare questionem de nomine.

43 *Verum*, ut habeamus intentum contra aduersarios per hactenus dicta, remanet tamen una gravissima difficultas, de qua non solet fieri mentio. Videtur enim quod similitudo duorum alborum non sit distincta realiter à coexistentia eorum: sed illa coexistentia est relatio extrinsecus adueniens: ergo non datur relatio intrinsecus adueniens distincta realiter à relatione extrinsecus adueniente. Minor patet, quia illa coexistentia non presupponit aliquid ex parte fundamenti aut termini, ad quod necessario sequatur: ergo non est relatio intrinsecus adueniens. Consequentia est evidens: probatur maior, in qua sola videtur esse difficultas, quia non est ullum signum distinctionis realis inter ipsa: neque enim possit esse sine se invicem; neque vnum est causa aut principium alterius; neque subiectantur in subiectis distinctis realiter, ut patet: ergo

Mayronius, & aliqui alij facile enadere possunt in sua sententia hanc difficultatem, quia existimant duo alba per potentiam Dei absolutam posse esse simul existentia sine similitudine, & consequenter dicere debent quod similitas & similitudo distinguuntur realiter. Quam sententiam nuper amplexus est quidam recens *Scotista*.

44 *Vetum* incident in aliam difficultatem æquem magnam; nam nunquam possunt ostendere, unde colligant hoc posse fieri. Si enim dicant, quia distinguuntur realiter, manifeste petunt principium. *Deinde* si Deus potest destruere de facto omnes similitudines, manentibus suis fundamentis & terminis simul existentibus, quomodo sciunt quod de facto ita non fecerit? *Dicent*, quia res conaturaliter exigunt illas similitudines. *Contra*, quia hoc gravissime dicitur, nulla enim est ratio unde colligatur quod exigunt relations realiter distinctas, si possunt esse sine illis.

Dicent: Colligitur manifeste, quia una res petit aliter se habere ad vnam rem quam ad aliam, aliter enim petit albedo se habere ad aliam albedinem quam ad nigredinem.

Sed contra, quia si Deus destrueret similitudinem albedinis ad albedinem, adhuc aliter se haberet ad albedinem quam ad nigredinem: ergo ut aliter se haberet, non requireret similitudinem realiter distinctam.

Dicent: Tum se aliter haberet tantum fundamentaliter.

Contra

Contra iterum, quia hoc gratis dicitur; unde enim coligitur quod non aliter se habet formaliter?

45 *Dices, quia non habet formam. Sed contra quia hoc est petere principium iterum. Deinde, si non habet formam aliquam, à qua haberet se aliter formaliter, non potest dari ratio unde colligatur, quod debeat aliter se habere formaliter, aut quod exigat sic se aliter habere. Melius ergo tenetur cum Lycheto quodl. 11. Bargio in 1. d. 28. q. 3. & aliis Scotistis communiter, non posse conservari duo alba simul existentia absque relatione similitudinis, si detur talis.*

Et confirmatur hoc, quia secundum Scotum non datur actio per se immediate terminata ad relationes intrinsecus aduenientes, & per hoc distinguit ipsas à relationibus extrinsecus aduenientibus: sed certe si Deus posset conservare duo alba simul existentia absque similitudine formalis, daretur actio immediate terminata ad illam relationem; nam eatenus Deus posset non conservare illas, quatenus suspenderet actionem conservatiuam earum: nec alio modo potest concipi quomodo posset illas non conservare, aut quomodo posset ipsas de novo producere, nisi habendo actionem nouam, per quam illas produceret: ergo in sententia Scotti, non possunt conservari extrema relationum simul absque relationibus intrinsecus aduenientibus.

Iaque respondeo aliter, propter hoc argumentum mihi esse probabilissimum quod non detur illa relatio intrinsecus adueniens, quæ sit distincta realiter à coëxistentia duorum extremorum, licet sit distincta realiter ab extremis, quæ coëxistunt, & per eam referuntur. Neque hoc esset contra Scotum, qui supra tenet dari relationes intrinsecus aduenientes distinctas realiter à suo fundamento: quia bene stat quod distinguuntur realiter à fundamento quod refertur per illas, licet non distinguantur à coëxistentia eius ad terminum. Imo plurimæ ex rationibus Scotti, quibus probat dari relationes distinctas realiter à fundamento procedunt de relationibus extrinsecus aduenientibus, & non de relationibus intrinsecus aduenientibus; ex quo colligi potest quod Scottus tantum voluerit probare, quod aliquæ relationes distinguuntur à suis fundamentis, sive essent intrinsecus aduenientes, sive non. Attamen tenendo communiorum Scotistarum sententiam, & quod ipsi etiam supra posuimus, prædicamenta scilicet distinguunt realiter, quod non esset verum, si relatio intrinsecus adueniens non distingueretur realiter à relatione quacumque extrinsecus adueniente.

46 *Respondeo secundò aliter negando maiorem: quamvis enim coëxistentia duorum, verbi gratia alborum, non possit esse quin sit similitudo, nec similitudo etiam quin sit coëxistentia aliqua illorum, tamen potest esse similitudo sine illa determinata coëxistentia. Quamvis enim varietur coëxistentia; quia est quid successivum, nam dicit ordinem ad tempus, quod est quid successivum; tamen non variatur similitudo, sicut nec albedo quæ est fundatum proximum eius, duo enim alba eadem numero similitudine semper refertur ad se inuicem, non autem eadem numero duratione semper durat, dum durat; neque eadem etiam coëxistentia propter eandem rationem coëxistunt.*

Dices: Si coëxistentia duorum alborum, v. g. esset distincta realiter ab eorum similitudine, posset Deus conservare pro quocumque instanti aut coëxistentiam sine similitudine, aut similitudinem sine coëxistentia: sed hoc est falsum, quia pro instanti illo, pro quo est ipsam coëxistentia, nequit esse aut similitudo illa sine coëxistentia, aut coëxistentia illa sine similitudine, vt patet: ergo non distinguunt realiter. Probatur sequela maioris, quia nulla est ratio, ob quā haberent tam necessariā connexionem inter se pro illo instanti determinato, si distinguerentur realiter.

Respondeo negando sequelam maioris cum sua probatione: ratio autem necessariæ connexionis est, quod, positâ coëxistentia illa, ultime disponatur fundatum ad hoc quod emanet ab ipso relatio, & consequenter relatio debet necessario pullulare, nec eius pullulatio potest à Deo impediti, quandoquidem non indigeat concursum immediato eius.

R. P. Ioan. Poncy Curs. Philosoph.

Soluuntur Obiectiones.

47 *Obiecties primò: Nihil reale potest esse absque causa reali: quidquid enim de novo est, debet esse ab alio: nam non potest esse à se de novo, quia quidquid est à se, necessario est semper & ab æterno: sed similitudo, quæ de novo produceretur in albedine, non habet aliquam causam realem: ergo non datur talis similitudo distincta realiter ab albedine seu albo. Probatur minor, quia non potest assignari, quænam sit illa causa.*

Respondeo breviter, omissis aliis responsionibus, negando minorem cum sua probatione; causa enim producens illam relationem est ipsum fundamentum proximum, à quo per resultantiam necessario pullularat relatio, quando ponitur terminus.

Dices: Omnis causa naturalis productiva alicuius effectus necessario producit talem effectum, quando passum est debite applicatum: sed album est causa naturalis, & in ordine ad producendum effectum in seipso est sibi debite applicatum: ergo omnem effectum, quem potest producere in seipso, necessario producit, si Deus miraculose non impedit: sed manifestum est album existere posse naturaliter, quin similitudinem habeat in se productam, tum scilicet quando terminus non existeret: ergo album non est causa productiva similitudinis in seipso.

Respondeo distinguendo maiorem: si omnes conditiones necessario requisitæ adsint, concedo, si non adsint, nego. Et similiter distinguo minorem & consequens; distinguo etiam subsumptum: quando adsunt conditiones necessario requisitæ, nego; quando non adsunt, concedo subsumptum, & nego consequentiam; nam coëxistentia cum termino est necessario requisita ad hoc ut resultet relatio.

48 *Dices: Posset fieri quod terminus relationis albi existentis in Hibernia produceretur in India: ergo hoc album non habet pro conditione necessario requisita positionem termini. Probatur consequentia, quia sicut omne agens habet determinatam sphæram actinitatis: ita etiam videtur quod ad positionem conditionis alicuius in quacumque distantia non potest agere.*

Confirmatur; quia quomodo parties existens in Hibernia potest aduertere quod terminus ponatur in Indiis, verbi gratia?

Respondeo negando consequentiam, & ad probationem dico quod causa, quæ est productiva per naturalem emanationem alicuius effectus, qui exigit aliquam conditionem, ad hoc ut tribuat subiecto denominationem, non requirit maiorem applicationem istius conditionis, quam quæ sufficit ut tribuere possit illam denominationem; unde si ponatur in quacumque distantia, emanabit ille effectus, si eo ipso, quod producatur in quacumque distantia, res emanans potest tribuere suo fundamento effectum suum formalem: quare quandoquidem similitudo possit facere parietem Romanum similem parieti producto in Indiis, eo ipso quod producetur partes in Indiis, resultabit similitudo in pariete Romano.

Ad confirmationem dico quod non est necessarium ut agens naturale aduertat positionem conditionis, sed sufficit quod ponatur conditio, ut patet in igne, qui non aduertit applicationem suam ad passum, & tamen agit quando applicatur.

49 *Obiecties secundò: Si relatio esset ens reale, quando de novo produceretur, daretur motus ad ipsam, seu noua actio: sed hoc est expresse contra Philosophum, ergo.*

Respondeo negando maiorem, nam non debet dari actio productiva ad illud, quod sequitur necessario per resultantiam seu per emanationem, præsertim si taliter emanet, ut non possit impediri quin emanet, positis prærequisitis ad emanationem.

Et si queras, unde colligitur, si sit noua entitas distincta à fundamento, quod non producat per veram actionem terminatam immediate ad seipsum.

Respondeo id colligi cum autoritate Philosophi, tum etiam ratione, quia nulla causa secunda potest aliquid producere actione aliqua, quin Deus immediate concurrit cum ipsa. Vnde si album per actionem aliquam produceret in se relationem, non posset hoc facere, quin

Qualem applicationem conditionis requirit causam.

Causa naturalis non debet aduertire positionem conditionis.

Deus immediate concurreter cum ipsa; Deus autem libere agit, & consequenter posset non concurrere, & sic, si veller, quamvis essent duo alba coëxistentia, posset impedire ne esset relatio: sed hoc est absurdum, vt probatum est supra num. 44. ergo absurdum est, quod relatio intrinsecus adueniens producatur per actionem ad se immediate terminatam. Quod si Deus posset impedire resultantiam relationis, vt tenet *Mayronius* noster, profecto difficile esset ostendere, quod non produceretur per actionem ad se immediate terminatam; vnde vel ex hoc etiam capite apparet improbabilitas illius sententiae.

50 *Obiicies tertio*: Secundum Philosophum relatio aduenit subiecto sine sui mutatione; sed hoc esset falsum, si esset entitas realis distincta ab ipso.

Respondeo, distinguendo maiorem: sine mutatione proprie dicta, quæ est illa, qua aliquid mutatur ad formam non productam per resultantiam, sed per actionem veram & realem, concedo maiorem: improprie dictam, quæ est illa, qua subiectum aliter se habet, quam ante per receptionem formæ resultantis, nego maiorem, & similiter distinguo minorem, & nego consequentiam.

Obiicies quartò: Deus de novo dicitur similis posita de novo creatura, quamvis non recipiat in se aliquam nouam entitatem: ergo similiter creatura posset dici de novo similis, quando poneretur de novo terminus.

Respondeo, negando consequentiam, quia Deus est incapax nouæ entitatis propter suam infinitatem; secus autem est de creatura: & propterea quamvis negetur positio nouæ formæ in Deo, non tamen debet hoc negari in creatura.

Confirmatur, quia Deus dicitur de novo volens sine productione nouæ entitatis in ipso, & tamen non dicitur creatura de novo volens sine positione nouæ entitatis in ipsa: ergo quamvis dicatur Deus de novo similis sine positione nouæ entitatis in ipso, non debet idem dici de creatura respectu alterius creaturæ. Itaque ex illimitatione & infinita perfectione Dei prouenit, quod possit habere denominationes nouas sine forma noua in ipso recepta, quæ illimitatio & infinitas non est in creatura, & propterea non debet dici recipere denominationes nouas sine formis novis, à quibus proueniant.

51 *Obiicies quinto*: Si darentur relations superadditæ realiter fundamento, sequeretur dari in continuo infinitas relations actu.

Confirmatur ex Arriaga, quia sequeretur in Angelo esse infinitos simpliciter modos similitudinis ad omnia puncta, ac partes proportionales continui, qui modi sunt infiniti simpliciter, quia non sunt inter se communicantes, nec indeterminati.

Respondeo, eo modo quo habet infinitas partes, non esse absurdum, quod habeat infinitas relations: non sequeretur autem, quod alio modo haberet illas.

Ad confirmationem respondeo negando sequelam, non possent enim Angeli habere plures modos ad partes continui, quam sunt partes ipsius continui, nec modi eius possunt esse magis determinati quam termini eorum: & sane miror nihil aliud potuisse venire Arriagæ in mentem.

52 *Obiicies sexto*: Idem est constitutium hominis, & distinctivum eius: sed rationalitas est constitutiva hominis, ergo est distinctiva eius, & consequenter homo non habet relationem distinctionis realiter à se distinctam: quod si illam non habeat, nec aliam habebit, quia est eadem ratio.

Respondeo, distinguendo maiorem: idem est constitutivum distinctivum formale, nego; idem est constitutivum & distinctivum fundamentale, concedo; & concessa minori distinguo similiter consequens: ergo rationalitas est distinctiva eius fundamentaliter, concedo; formaliter, nego.

Dices: Homo ab equo substantialiter differt: ergo non differt per relationem, quæ est accidens. *Respondeo* negando consequentiam; nam non ideo dicuntur substantialiter differe, quod substantia sit ratio formalis ipsos distinguendi, sed quod ipsorum substantia sit ratio, ad quam sequitur relatio, quæ est ratio formalis referendi

ipsos, vt distinctos. Itaque ut distinguitur relatio distinctionis, quæ est inter aliqua ratione alicuius accidentis, à relatione distinctionis, quæ sequitur inter illa ratione suæ substancialiæ seu essentiæ, illa vocatur accidentalis, hæc substancialis seu essentialis.

Quod si queras, quare homo non habeat esse formaliter distinctum per rationalitatem, sed tantum fundamentaliter. *Respondeo*, rationem esse, quia potest esse, & habere rationalitatem sine eo quod habeat esse formaliter distinctum, quando scilicet non esset brutum: ergo rationalitas non est ratio formalis ipsum distinguens.

53 *Obiicies septimo*: Aequalitas est relatio realis, & tamen non distinguitur realiter à re æquali, verbi gratia à quantitate bipalmari, ergo. Probatur minor, quia si esset distincta, deberet subiectari in illa quantitate, & vel esset tota in tota quantitate, & tota in qualibet parte ipsius, vel esset tota in tota quantitate, & pars in parte eius: non primum, quia sic esset spiritale accidentis; non secundum, quia sic qualibet pars istius quantitatis esset æqualis alteri quantitati, quod est absurdum.

Respondeo, negando minorem; ad cuius probationem concedo antecedens, & consequentiam pro secunda parte: nego tamen quod qualibet pars esset æqualis alteri, quia illud non dicitur æquale alteri, quod habet partem relationis æqualitatis; sed quod habet ipsam totam.

54 *Obiicies octauo*: Multæ denominationes nouæ saluantur sine forma superaddita fundamento: ergo denominations relatiæ possunt sic saluari, & consequenter frustra ponuntur formæ in fundamentis, à quibus istæ denominations proueniant.

Respondeo, distinguendo antecedens: multæ denominationes intrinsecæ, nego: extrinsecæ, concedo; similiter distinguo primum consequens: denominationes relatiæ extinsecæ, translatæ; intrinsecæ, negatur. Distinguo etiam secundum consequens, à quibus denominationes intrinsecæ proueniant, nego: extrinsecæ, concedo.

Quod si queratur, vnde colligamus denominationes similis, æqualis, &c. esse extrinsecas.

Respondendum est, hoc colligi ex fundamentis nostræ conclusionis, & ex impugnatione aliorum modorum dicendi, & particulariter colligitur ex eo quod non sit potior ratio, cur essent denominationes extrinsecæ, quam intrinsecæ, verbi gratia non est potior ratio, cur non album esset simile isti albo per denominationem desumptam ab illo albo, quam à seipso, & ab aliquo in se recepto.

Confirmatur; quotiescumque dicitur aliquid denominari tale per denominationem extrinsecam, tunc datur aliqua forma in aliquo extrinseco, à qua prouenit illa denominatio; qualis forma non habetur in re sic denominata; vnde quia esse visum realiter est denominatio extrinseca, datur visio in oculo, à qua prouenit, qualis visio non datur in ipsa re, quæ videtur verbi gratia in pariete, & ita discurrendo de omnibus, quæ extrinsece denominantur, semper inuenietur contingere: ergo, si hic paries dicetur similis illi parieti per denominationem extrinsecam, deberet in illo pariete dari aliqua forma, à qua proueniret ista denominatio, qualis forma non esset in ipso pariete, qui denominatur similis; hoc autem est falsum, vt patet: ergo denominatio similis non est denominatio extrinsecus adueniens.

55 *Dices*: Etiam dantur denominationes intrinsecæ nouæ absque noua forma superaddita: ergo ex denominatione noua similis nō sequitur dari formam nouam intrinsecam superadditam; sed ex illa denominatione potissimum colligitur, quod dentur relations nouæ superadditæ fundamentis: ergo non sufficienter colligitur. Probatur antecedens, in quo solo est difficultas huius discursus: fundamentum similitudinis, verbi gratia album, est in instanti, in quo ponitur terminus, proxime dispositum, vt emanet relatio; & ante non erat sic proxime dispositum, aliás ante existentiam termini emanaret illa relatio: sed illa denominatio proxime dispositi ad emanationem est; denominatio intrinseca, tam bene, quam denominatio similis, vt patet ex discursu nostro paulo ante præmisso, quia non datur aliqua forma extrinseca, à qua proueniret; & præterea non

non prouenit ab illa forma intrinseca noua, quia non potest assignari quænam illa sit, & quia daretur processus infinitum: ergo datur denominatio intrinseca noua absque illa forma intrinseca.

Hec replica est satis bona, & vrgens contra nostram sententiam. Sed respondetur tamen negando antecedens, & minorem suæ probationis pro secunda parte: quandoquidem illa denominatio prouenit à coëxistentia fundamenti cum termino, quæ coëxistentia est forma intrinseca fundamento.

56 Obiicies nono: Ex iis quæ realiter distinguuntur, potest Deus saltem illud, quod est prius, conseruare sine posteriori: hinc enim inferimus nos cum *Scoto* contra *D. Thomam*, quod materia quæ prius est forma, & distincta realiter ab ipsa, possit conseruari sine forma, nec ipsimet *Thomista* videntur hoc negare de quacunque forma determinata, licet existimant materiam non posse conseruari absque aliqua forma indeterminate: sed relatio similitudinis, qua hic paries refertur in hoc instanti ad alium parietem, est distincta realiter à duobus parietibus coëxistentibus pro illo instanti, & parietes illi duo coëxistentes, etiam ut coëxistentes, sunt distincti realiter ab illa relatione, & etiam priores illa, ut farentur omnes, qui tenent nostram conclusionem: ergo Deus posset conseruare illos duos parietes coëxistentes, etiam ut coëxistentes, seu simul cum coëxistentia, absque illa relatione.

Respondere debet ad hanc difficultatem conformiter ad dicta supra de emanatione relationis, distinguendo maiorem: si posterius non sequatur per emanationem necessariam à priori sine actione aliqua reali terminata ad ipsum, concedo maiorem; si sic, nego maiorem, & concessa minori, nego consequiam.

57 Obiicies decimo: Non sunt multiplicanda entia sine necessitate: sed nulla est necessitas distinguendi relationem realiter, aut modaliter à fundamento, & termino & coëxistentia: ergo non debet ab ipsis distingui. Probatur minor, quia si esset aliqua necessitas, maxime ad salvandam denominationem nouam similis, verbi gratia, in pariete albo ad alium parietem album: sed si intelligatur per simile aliquid relatum per aliquam relationem superadditum, non est ratio illa, unde colligatur quod paries sit de novo similis, aut habeat illam denominationem de novo: ergo nulla est necessitas ponendi aliquam similitudinem in pariete distinctam realiter à pariete illo, & alio pariete coëxidente.

Confirmatur hoc, quia si non habuissimus hoc nomen simile, nec aliquis diceret nobis, quod daretur aliqua forma superaddita albo, quando produceretur aliud album, non potuissimus vlo discursu colligere, quod daretur talis forma superaddita, nec habuissimus occasione in vllam imponendi nomen similitudinis ad significandum illam formam in abstracto, nec nomen similis ad significantiam illam in concreto; ergo nulla assignari potest necessitas rationis ad ponendam illam formam superadditam, quæ significaretur per nomen simile, aut similitudinem.

58 Dicere: Videremus vnum parietem album se aliter habere ad alium parietem album, quam ad parietem nigrum: ergo habuissimus fundamentum colligendi, quod haberet aliquam formam, per quam sic se haberet.

Contra, quia si intelligatur in antecedenti, quod videremus ipsum aliter se habere per formam aliquam superadditam, certum est quod non videremus ex terminis ipsum habere se aliter ad vnum potius quam ad alterum, neque enim illa forma superaddita intuitu videtur ab intellectu, aut percipitur ab vlo sensu externo; unde si videatur inesse, debet videri per discursum aliquem: sed non possunt assignari principia illa, ex quibus discursive colligator, quod insit aliqua forma superaddita parieti, per quam aliter se habeat ad alium parietem, distincta ab albedine & coëxistentia eius cum alio patiente albo. Si autem intelligatur quod aliter se habeat ad vnum parietem, quam ad alium, quia habet albedinem, quæ est representabilis per eandem speciem, per quam representari potest forma inexistens parieti albo, & non habet formam, quæ re-

præsentari possit per eandem speciem, per quam representari posset forma inexistens parieti nigro, verum est, quod aliter se habeat ad parietem album quam ad nigrum; sed non sequitur inde, quod habeat aliquam formam, quæ sit superaddita albedini & coëxistentiae.

59 Hic discursus examinat fundamentum principale nostræ sententiae, & reddit mihi sententiam negantem relationes intrinsecus aduenientes distinctas realiter aut modaliter ab extremis coëxistentibus valde probabilem.

Respondeo tamen potest negando minorem cum minori suæ probationis, ratio autem constabit ex dicendis ad confirmationem.

Ad quam respondetur, negando antecedens: ratio enim discursus, unde colligeremus vnum album dicere aliquem respectum ad aliud album, quem non diceret ad nigrum, est quod esset representabilis per speciem, per quam posset representari aliud album, & quod nigrum non possit representari per eam; nam ex hoc saltem probabiliter apparet, quod dicat aliquem ordinem & respectum actualem ad album, distinctum à respectu quem dicit ad nigrum; & illum ordinem vocamus similitudinem, & rem habentem illum ordinem, ut est habens illum, vocamus simile.

60 Obiicies undecimo, ex *Artiaga* numero 20. Duo alba essent similia, quamvis per impossibile non ponetur modus distinctus quo redderentur similia: ergo ut sint similes, non debet superaddi ille modus. Consequentia est evidens; probatur antecedens, quia Petrum esse similem albo, nihil aliud est, quam Petrum esse album, & Paulum esse album.

Confirmatur, quia modus superadditus non facit Petrum & Paulum esse eiusdem naturæ humanæ: ergo non facit ipsos esse similes natura, quia ab eo habent esse sic similes, à quo habent esse eiusdem naturæ, cum nihil aliud sit eos esse similes in natura, quam esse eiusdem naturæ.

Confirmatur secundò, quia album, & nigrum sunt ipsis differentia absque vlo modo superaddito; neque enim modus superadditus addit illis differentias.

Respondetur breuiter negando antecedens obiectionis & utriusque confirmationis, & probationem antecedentis obiectionis. Ad probationem autem consequentis secundæ confirmationis Respondeo, modum superaddere illud, à quo habent differre, licet non superaddat differentiam, in qua differunt.

QVÆSTIO IV.

*De tribus Modis Relatiuorum assignatis
à Philosopho.*

61 A Ducentum, ex relationibus quasdam esse mutuas, illas scilicet, quatum quando vna resultat in uno extremo, altera etiam in altero extremito resultat; & tales sunt similitudines creaturarum inter se: Quasdam autem non mutuas, illas scilicet, quatum vna resultante in uno extremo, altera non resultat in altero, & tales sunt relationes cognoscantis ad cognitum, quædam etiam relationes sunt æquiparantiae, illæ scilicet quæ, cum sint correlationes, similem habent denominationem in utroque extremito, ut similitudines; quædam autem sunt disquiparantiae, scilicet correlationes illæ, quæ non habent similem denominationem, ut paternitas & filiatio.

Porro Philosophus omnes relationes reduxit ad tres species, seu tria genera, de quibus hic agimus. Prima species est earum, quæ sunt inter res, quæ habent inter se unitatem, aut diversitatem in aliquate, seu formalitate. Hec species continet sub se multas species, nam si res habent conuenientiam in aliqua ratione praedicabili de ipsis in quid, sive illa ratio sit substantia, vel accidentis, relatio quam habent ad inuicem, vocatur identitas; si vero non habent conuenientiam in tali ratione, relatio vocatur diversitas: verbi gratia, quia homo & brutum conueniunt in animali, & animal est praedicabile de ipsis in quid, propterea habent relationem idétitatis inter se; quia vero non

Relationes
similitudinis
& dissimili-
tudinis.

conueniunt in ratione specifica bruti aut hominis, propteræ habent relationem diuersitatis inter se in ratione specifica.

62 Quod si duæ res habeant conuenientiam in aliqua ratione prædicabili in quale quid, siue sit essentialis siue accidentalis, tunc dicuntur habere relationem similitudinis inter se; & si disconueniant in tali ratione, dicuntur habere relationem dissimilitudinis. Sic dudo paries albi, quia conueniunt in albedine, dicuntur similes; duo verò paries, quorum unus sit albus, & alter niger, dicuntur dissimiles.

Denique si duæ res habeant conuenientiam in quantitate siue molis, siue perfectionis, aut virtutis, id est si conueniant in aliquo prædicato quantitatuo (prædicatum autem quantitatuum est illud, per quod apte responderi potest quærenti quanta sit res, verbi gratia quia quærenti quantæ longitudinis sit aliqua res, aut quantæ virtutis; responderi potest: est tricubita, aut est tantæ virtutis, ut posset superare centum homines, propteræ esse tricubitum, & esse tantæ virtutis, sunt prædicata quantitatua) relatio quam habent, vocatur æqualitas; & si non conueniant in tali prædicato, relatio, quam habent, vocatur inæqualitas. Sic Petrus, & Paulus dicuntur esse æquales in perfectione essentiali, Petrus verò & Bucephalus dicuntur inæquales. Similiter duo ligna tricubita dicuntur æqualia in mole, lignum verò tricubitum, & lignum duorum cubitorum inæqualia.

Six species
relationum
primi gene-
ris.

63 Ex quibus habemus, quod relationum primi generis seu primæ speciei, seu primi modi assignati ab Aristotele sint sex species *Identitas, diuersitas, similitudo, dissimilitudo, æqualitas, & inæqualitas*. Et hæ relationes dicuntur communiter fundari in unitate, & multitudine; in unitate quidem tres, *identitas, similitudo, & æqualitas*; in multitudine verò aliæ tres, ut *diuersitas, dissimilitudo, & inæqualitas*; & propteræ unitas & multitudine dicitur esse ratio proxima fundandi has relationes. Sed, ut aduentus alias, Philosophus non dixit eas fundari in unitate, aut multitudine, sed tantum dixit illa esse eadem, similia & æqualia, quorum extrema sunt una; diuersa vero, dissimilia, inæqualia, quorum extrema non sunt una, sed multa.

Dices: Secundum nos non datur aliqua unitas inter Petrum & Paulum in humanitate, nisi unitas similitudinis; ergo relatio, quam habent inter se, non est identitas, sed similitudo.

Respondeo distinguendo antecedens: unitas similitudinis large loquendo, concedo; stricte loquendo, nego. Itaque similitudo est duplex, una largo modo, & est quæcumque conuenientia aliquorum in prædicato prædicabili, siue in quid, siue in quale; alia stricto modo, & est conuenientia in prædicato prædicabili in quale; & eodem modo de dissimilitudine est discurrendum. Vnde licet Petrus & Paulus non habeant aliam unitatem in natura, quam similitudinis; tamen non sequitur, quod illa similitudo non sit identitas: quia non est similitudo stricta fundata in solo prædicato prædicabili in quale quid, sed est fundata in sola natura specifica, quæ prædicabilis est de illis in quid.

Aduertendum autem hic, quod quando dicuntur habere solam unitatem similitudinis, id non intelligendum sit de similitudine formalis, quæ sit respectus, sed de similitudine fundamentali; unde concedi potest, quod similitudo formalis ipsorum sit fundata in unitate, tanquam in ratione fundandi.

Probabile est
inter produc-
tes & produc-
tū non dari
alias relatio-
nes præter
actionem &
passionem.

64 Secunda species est earum, quæ intercedunt inter producens, & productum, & hæ dicuntur fundari in actione & passione, vel quia actio & passio sunt rationes fundandi ipsas, ut volunt aliqui, vel quia sunt conditiones necessario requisitæ, ut volunt alij. Sed, ut verum fatear, non existimo inter producens & productum dari aliquam relationem distinctam ab ipsa actione productua & passione ipsi in producto correspondente. Adducor ad hoc sentiendum duabus potissimum rationibus. Prima est, quod nulla possit assignari necessitas alterius alicuius relationis, præter ipsam generationem, seu productionem

actualem: omnis enim denominatio, quam habet producens ad productum, verbi gratia pater ad filium, potest prouenire ab ipsa generatione actuali.

Dices aliquem esse patrem actu, tum quando non existit generatio actualis ipsius, aut ullus influxus in filium: ergo illa denominatio patris non potest prouenire formaliter à generatione actuali. Probatur consequentia, quia si prouenit ab ipsa formaliter, non posset esse actu pater, quin esset ista generatio actu.

Respondeo distinguendo antecedens: si per esse actu patrem intelligitur esse habentem paternitatem actu, nego, quia non potest assignari illa necessitas ponendi ullam paternitatem actu in ipso, nec est illa ratio per quam illud colligatur; si per esse patrem actu intelligatur esse illud individuum actu, quod generavit aliud individuum, siue sit ipsius paternitas actu, siue non, concedo antecedens, & similiter distinguo consequens; si intelligatur primo modo, nego; si secundo modo, concedo. Itaque esse patrem non est aliud, quam esse illum hominem actu qui generat, vel generavit filium.

65 Dices: Si nihil aliud est esse patrem actu, quam esse actu illam substantiam viuentem, quæ producit aliam substantiam viuentem in similitudinem naturæ, aliquis esset pater actu, quamvis non haberet actu filios, quod est contra communem modum dicendi omnium fere.

Respondeo primò, quamvis hoc totum concederetur, nihil inde sequi absurdum: communis enim ille modus loquendi fundatur in illa sententia, quod detur paternitas distincta à generatione: à qua sententia, qui recedit, debet etiam recedere à communi illo dicendi modo.

Respondeo secundò negando sequelam, quia illa generatio præterita non denominat hominem patrem, nisi dum existit filius. Et si petatur unde hoc colligatur, respondeo quod ex illo communi modo loquendi.

Confirmatur, quia si velit aliquis explicare quid sit esse patrem, non potest id aliter explicare, quam dicendo quod sit ille, qui generavit filium: ergo signum est quod paternitas nihil aliud sit, quam ista generatio filij.

Secunda ratio, quæ me mouet, est quod paternitas in diuinis sit ipsam generatio actualis filij æterni: ergo paternitas creata est ipsam generatio filij creati. Probatur consequentia, quia una ex præcipuis rationibus, quibus probatur relationes dari in creaturis, & maxime paternitatem, est quod detur relatio paternitatis in diuinis: ergo quandoquidem paternitas diuina non sit distincta à generatione, debet dici quod etiam paternitas creata non sit distincta à generatione saltem realiter.

66 Obiicies: Philosophus numerat relationes producentis ad productum inter relationes intrinsecus aduenientes: sed si non distinguerentur à generationibus, hoc esset falsum, quia essent extrinsecus aduenientes, sicut generationes illæ.

Confirmatur; quia Scotus tenet etiam dari relationem intrinsecus aduenientem inter producens & productum.

Respondeo primò, valde probabile esse, quod quamvis Philosophus, dum ageret de relatione intrinsecus adueniente, agat etiam de relationibus producentis ad productum, non tamen senserit illas esse intrinsecus aduenientes, aut pertinere per se ad pædicamentum tertium Ad aliquid. Et iuxta hoc dicendum esset quod tres species, quas assignauit, non sint tres species relationis intrinsecus aduenientis; & ita multi authores explicant illum. Quod si posuerit illas tanquam species relationis intrinsecus aduenientis, dicendum est quod hoc non fecerit, quasi ita ipsem senserit, sed quod ita communiter reputabatur; nec est mirum quod ita explicetur, quia sicut posuit tanquam species quantitatis alias, quæ reuera non sunt species eius, propteræ quod communiter reputarentur esse species eius, quid mirum est si ita fecisse dicatur de relationibus?

Ad confirmationem dico, Scotum non ita ex proposito tenuisse, sed supposuisse id cum Philosopho, siue ita esset, siue non. Cui non placet hoc, satisfaciat meis rationibus, & teneat oppositum, præsertim propter authoritatem Philosophi & Scotti.

67 Obiecties secundò : Hæ relationes dicuntur fundari in actione & passione: ergo distinguuntur ab illis. Respondeo distinguendo antecedens : si dentur, concedo; si non dentur, nego.

An actio & An actio & Et si quæras ex suppositione quod dentur, an actio & passio sint rationes fundandi ipsas, an vero conditions rationes fundandi sine quibus non. Respondeo probabile esse quod sint tandem conditions sine quibus non, quia videtur quod relatio realis requiriens rationem fundandi, non possit esse sine ratione fundandi actu existente: sed paternitas, si esset distincta à generatione, daretur actu, generatione non existente: ergo non habet pro ratione fundandi generacionem, sed tantum pro conditione sine qua non; ratio autem fundandi ipsam erit potentia generativa. Quod si tamen aliquis vellet dicere, quod omnis relatio non petat habere rationem fundandi actu existentem ut sic, difficulter posset impugnari: quare altera sententia, quæ tenet actionem esse rationem fundandi has relationes, satis est probabilis.

68 Tertia species relationum est illatum, quæ non sunt mutuae, id est quæ non habent correlations à se distinctas; & huiusmodi sunt relationes scientiæ ad scibile, seu ad id, quod scitur: quamvis enim scientia dicatur per aliquid sibi intrinsecum actualis scientia alicuius obiecti, & esse illud, quo actualiter intellectus denominatur cognoscens; tamen obiectum non dicitur esse scitum aut cognitum per aliquid sibi intrinsecum, sed solum habet esse cognitum per hoc, quod terminet scientiam, & propterea cognoscens dicitur habere relationem ad cognitū, cognitum autem non dicitur habere relationem aliam ad cognoscentem præsertim, quæ sit realis. Huiusmodi autem relationes, non mutuae, vocantur relationes mensurabilis ad mensuram, propterea quod obiecta, quæ sunt eorum termini, mensurant nobis perfectionem actuū, ad quos sequuntur huiusmodi relationes: ex eo enim quod actus potentiae intellectuæ possit versari circa Deum, & actus potentiae visivæ non possit, colligo actus potentiae intellectuæ esse perfectiores quam potentiae visivæ, & propterea obiecta istorum actuū mensurant, id est, certificant nobis perfectionem istorum actuū. Quod universaliter est verum, quoties ex alio capite non occurret aliqua alia ratio aliunde desumpta, ex qua possit colligi oppositum, de quo suo loco.

69 Sed si queratur, vnde colligatur quod detur aliqua relatio realiter distincta ab ipsa scientia, quæ referatur sciens seu cognoscens ad rem scitam seu cognitam, reuera difficulter poterit assignari. Quare non improbabiliter tenetur ab aliquibus, huiusmodi relationes tertij generis esse transcendentiales, & non prædicamentales. Aristotelles autem, qui eas videtur, ut prædicamentales, numerare, exponendus esset, ut supra. Si cui tamen magis communis opinio placet, dicat colligi posse distinctionem relationum huiusmodi ab actibus, ad quos sequuntur, quia posset esse scientia in aliquo intellectu sine eo quod intellectus intelligeret illud obiectum; ut si Deus destrueret obiectum & speciem eius, conseruata scientia, tunc enim certum est quod intellectus non cognosceret nec sciret illud obiectum, quamvis non haberet scientiam illius, sed si relatio tendentia actualis ad obiectum esset realiter identificata scientiæ, hoc non posset facere: ergo signum est quod illa relatio distinguatur realiter ab actu scientiæ.

Et si queratur, vnde colligatur quod Deus destruxit obiecto & specie eius, possit conseruare scientiam in intellectu. Respondeo, ex eo quod quandoquidem scientia sit quid absolute, pertinet enim secundum omnes ad prædicamentum qualitatis, non appetit ratio tam necessariae connexionis inter ipsam, & obiectum, ut Deus non posset illa conseruare sine se inuicem: sed de hoc etiam agemus alias in libris de anima, Deo volente.

70 Obiecties primò contra hunc tertium modum: Obiectum est causa scientiæ: ergo referuntur ad se inuicem per relationes secundi generis: ergo non per relationes tertij generis.

Respondeo, negando consequentiam, possunt enim

aliqua referri ad se inuicem per diuersas specie relationes, ut patet in patre & filio, qui referuntur ad se per relationem similitudinis & productionis.

Obiecties secundò : Relationes creaturæ ad Deum sunt non mutuae, & tamen non sunt tertij generis, sed postius secundi generis.

Respondeo, relationes creaturæ ad Deum non esse prædicamentales, & consequenter non esse ullius generis relationum prædicentalium. Deinde respondeo creaturas, si referrentur ad Deum vlla relatione prædicentali, etiam referri per relationem tertij generis, & non solum secundi generis aut primi: tum tamen dicendum esset quod non omnis relatio non mutua esset tertij generis, sed solum relationes non mutuae mensurabilis ad mensuram.

QVÆSTIO V.

A quo sumat Relatio suam specificationem.

71 **N**on queritur; à quo formaliter, & intrinsece sumat specificationem, quia certum est, quod omnis relatio sic sumat specificationem à sua differentia specifica, in ipsa essentialiter & intrinsece inclusa, sicut homo sumit specificationem suam à rationalitate. Sed queritur, ex fundatione sumat specificationem suam extrinsecam, hoc est dicere, vnde nos colligamus unam relationem esse distinctam specie ab alia relatione: nam cum essentiam relationis non videamus in se, oportet ut habeamus aliqua indica, vnde colligamus unam esse distinctam specie ab altera.

Hac de re Complutenses enumerant tres diuersas Thomistarum sententias. Prima asserit sumi specificationem relationis à fundamento & ratione fundandi, non vero à termino: ita Flandria, Nazar. Caiet. Bannes.

Secunda sententia tenet specificari adæquate à solo termino, & non à fundamento: sic Soncinas, Arauxo, & alij.

Tertia denique est media, dicitque relationem specificari tum ex termino, tum ex fundamento, non secundum rationes materiales, sed secundum rationes fundandi & terminandi. Hanc præferunt ipsi Complutenses, & pro ea citant multos authores. & est sine dubio Scotti in 2. dist. 1. quest. 5. & in 4. dist. 12. quest. 1.

CONCLUSIO I.

72 Specificatio relationis adæquate sumenda est ex fundamento & termino proximo ac formaliter ita, ut quotiescumque aliqua relationes habent fundamenta, & terminos formales eiusdem rationis, possit optime colligi quod relationes sint eiusdem rationis. Intelligo autem per fundatum proximum & formale illam formam vel formalitatem, ratione cuius ad rem, quæ per relationem refertur, sequitur relatio seu conuenit ipsis: & per terminum formale proximum intelligo ipsammet formam seu formalitatem, ratione cuius conuenit rei, quæ terminat relationem, ipsam terminare: verbi gratia, quia similitudo parietis albi ad alium parietem album conuenit illi parieti ratione albedinis, propterea albedo est fundatum formale & proximum, seu quod idem est, ratio fundandi istam similitudinem, & quia albedo existens in altero pariete est ratio, ob quam terminat illam similitudinem, propterea vocatur terminus formalis & proximus istius relationis, & ratio terminandi ipsam. Similiter, quia animalitas hominis est ratio, cur homo dicat similitudinem esse animalitatem ad brutum, & animalitas bruti est ratio, cur terminet illa similitudinem, animalitas hominis est fundatum formale, & animalitas bruti terminus formalis istius similitudinis.

Hoc supposito patet conclusio, quia non potest colligi, vnde haberent relationes conuenientes in fundamento proximo & termino formaliter distinctionem specificam: ergo debet dici quod habeant adæquate suam specificationem ex fundamento huiusmodi & termino.

Confirmatur, quia si essent aliqua relationes, quæ conuenirent in solo fundamento, aut in solo termino: eo ipso colligerentur esse distinctæ speciei, quia una respiceret essentialiter aliquid, quod non respiceretur ab altero: verbi gratia dissimilitudo albi ad nigrum, & similitudo albi ad

albus distinguuntur specie, quia licet conueniant in fundamento formalis, v.g. in albedine, una tamen respicit essentialiter nigrum, & altera ipsum non respicit, sed aliud album. Deinde à paritate rationis, si essent duæ relationes, quæ respicerent eundem terminum formalem, verbi gratia albedinem, ut similitudo albi ad album, & dissimilitudo nigri ad album respiciunt albedinem istius albi, ad quod referunt sua subiecta) quamvis conuenirent in termino formalis, seu in ratione formalis terminativa, tamen quia una ex ipsis respicit essentialiter albedinem in fundamento, quod refertur, quam albedinem non respicit altera, nimis dissimilitudo, sed potius nigredinem; hinc optimè colligitur quod distinguantur specie.

CONCLVSI O II.

Potest specificatio relationis desumiri vel à termino formalis solo, vel à fundamento formalis solo in hoc sensu, quod eo ipso, quod aliqua relatio habeat terminum formalem distinctam rationis à termino formalis alterius rationis, colligi debet quod utraque relatio sit distincta rationis, non recurrente ad fundamentum; & eo ipso quod aliqua relatio habet fundamentum proximum distinctam rationis à fundamento proximo alterius rationis, utraque relatio debet dici esse distincta speciei.

Probatur, quia si non possit colligi quod duæ relationes sint eiusdem rationis, nisi cognoscantur conuenire in fundamento & termino, ut diximus conclusione præcedenti, sequitur manifeste sufficere vel diuersitatem solius fundamenti; vel solius termini ad diuersitatem relationum.

Probatur secundò, quia eo ipso quod aliquid respicit essentialiter aliquid distinctam rationis, quod non respicitur ab alio, debet necessario esse distinctam rationis ab illo; si enim esset eiusdem rationis, ab utroque respiceretur, ut videtur manifestum: sed ex relationibus habentibus fundamenta proxima distinctam rationis una respicit aliquid essentialiter, quod non respicitur ab altera, & idem est de relationibus respicientibus diuersos terminos: ergo eo ipso quod habent diuersa specie fundamenta, aut diuersos specie terminos, erunt distinctam rationis, quamvis in ceteris conuenirent.

74 Obiicies contra primam conclusionem, Relatio, quam dicit causa ad calorem instantaneum productum & relatio quam dicit ad eundem successivum productum, sunt distinctam rationis, & tamen terminus formalis & fundamento formale sunt eiusdem rationis: ergo unitas specifica relationum non desumitur ad æquate ex fundamento & termino modo explicato in prima conclusione. Simile argumentum potest fieri de relatione, quam dicit causa ad effectum libere productum, & eundem vel similem effectum naturaliter productum.

Respondeo; si istae relationes sunt distinctae speciei, ut supponitur, negando consequentiam, quia terminus formalis relationis, quam dicit causa ad calorem instantaneum productum, non est calor quomodo cumque, sed calor quoad partes omnes simul existentes cum ordine ad non esse immediate præcedens in qualibet parte ex illo pro uno instanti; terminus vero relationis, quam dicit causa ad calorem successivum productum, non est calor quomodo cumque, sed calor constans partibus, quæ simul non producuntur, & de quorum qualibet non est vetum dicere pro uno ullo instanti, quod immediate præcesserit non esse ipsius.

Similiter respectus, quem dicit causa ad effectum libere productum, habet pro fundamento proximo potentiam libertam; respectus autem, quem dicit causa ad effectum naturaliter productum, habet pro fundamento potentiam naturaliter productivam; quæ duæ potentiae sunt distinctae rationis: unde illi duo respectus, quidquid sit an conueniant in termino, non conueniunt in fundamento.

Dixi initio huius responsionis, si respectus seu relationes illæ sint diuersæ rationis, quia fortassis productio instantanea, & productio successiva eiusdem caloris sunt eiusdem rationis intrinsecæ, & solù accidentaliter distinctæ, per hoc scilicet, quod una productio, nimis in-

stantanea, integretur ex pluribus productionibus partialibus simul habentibus primum sui esse: altera vero integratur ex pluribus productionibus non habentibus simul primum sui esse. Vnde eodem modo videntur distingui, quo plures homines successivæ producti, & plures homines simul producti, certum autem videtur quod inter illos hos homines non sit nisi distinctio accidentalis. Hoc tamen patrum facit ad præsens.

75 Obiicies secundò contra utramque conclusionem: Relatio sumit suam specificationem à solo fundamento: ergo terminus nihil facit nec ad unitatem duarum relationum, & sic falsa est prima conclusio; nec ad distinctionem duarum relationum, & sic falsa est secunda conclusio. Probatur antecedens, quia quod dat esse, dat specificationem: sed fundamento solum dat esse rei: ergo dat ipsi specificationem.

Respondeo negando antecedens, ad cuius probationem distinguo maiorem: quod dat esse, dat specificationem, hoc est dat ipsi prædicata sua intrinseca, & essentialia, concedo maiorem; impossibile est enim quod det esse, non dando illa, ex quibus constituitur illud esse: quod dat esse dat specificationem sic, ut ex illo solo debeat colligi quod illa res, cui dat esse, sit talis vel talis speciei distinctæ ab omnibus aliis rebus, nego maiorem: nam Deus dat esse omnibus rebus, & posset se solo producere omnia absolute, aut saltem plurima absolute distinctæ rationis: quorum tamen distinctio specifica non potest colligi per ordinem ad Deum, ut manifestum est. Similiter una causa creata potest dare esse pluribus effectibus distinctam rationis, quorum distinctio non potest colligi per ordinem ad illam causam, unde ista causa non potest specificare illas res sic, ut ex ea possit colligi ipsorum distinctio, quamvis det ipsis suum esse, & speciem. Rursus ex risu proueniente ab aliquo & non potente proueniente ab alio, colligo optime illud, à quo prouenit, esse distinctam speciei ab illo alio, à quo non potest prouenire, & specificat propterea illam rem, à quo prouenit, & tamen risus non dat esse in ullo genere causæ, proprie loquendo, ipsimet homini, verbi gratia à quo prouenit, sed potius recipit esse ab homine: ergo non omne quod specificat rem, debet dare esse proprie loquendo rei, quam specificat, & consequenter quavis terminus non daret esse relationi, proprie loquendo, adhuc posset specificare ipsam.

76 Quod si velit aliquis dicere quod quidquid specificat aliquam rem, det ipsi speciem & esse aliquo modo, quia dare speciem aliquo modo potest esse deducere in cognitionem, quod res sit talis vel talis speciei, erit quæstio de nomine; & id admittendo, negari debet minor, nempe quod solum fundamento det esse & speciem relationis in hoc sensu: nam ex probationibus nostris patet, quod ex termino etiam colligatur non minus quam ex fundamento, relationem esse talis vel talis speciei.

Itaque uno verbo, quando dicitur, quod illud solum det specificationem, seu deducat in cognitionem quod res sit talis vel talis speciei, quod dat esse; si intelligatur hoc de dare esse proprie in genere efficientis, aut materialis, aut formalis intrinsecæ, aut finalis, falsum est; si vero intelligatur quod illud solum det specificationem, quod dat esse, quatenus per ordinem ad ipsum potest cognosci quod res sit talis vel talis speciei, verissimum est, sed non præjudicat nobis: quia non solum fundamento dat esse hoc modo, sed etiam terminus; nec solum terminus, sed etiam fundamento.

77 Obiicies tertio contra utramque conclusionem: Totum esse relationis est ad aliud se habere, quod est ad terminum: ergo solus terminus potest specificare, & nullo modo fundamento, nec partialiter, nec totaliter.

Respondeo distinguendo antecedens; totum esse ipsius est ad aliud ita, ut nihil respiciat essentialiter præter terminum, nego antecedens; quia certum est quod essentialiter fundamento respiciat sic, ut non possit esse sine ipso, magis quam sine termino: ita ut nullum effectum tribuat fundamento, quam referre ipsum ad terminum, concedo antecedens; & nego consequentiam: quia hoc non obstante possit accipere specificationem ab ipso fundamento, quam

quandoquidem essentialiter ordinetur ad referendum ipsum terminum sic, ut non possit ex natura sua referre aliud fundamentum distinctæ rationis ad eundem terminum, nec ad alium.

Pro complemento huius questionis aduertendam, quod quando dicimus posse colligi distinctionem relationum ex terminis, non sit sensus, quod una & eadem relatio non possit habere plures terminos distinctissimæ rationis: nam, ut alias dicemus, quotiescumque fundamentum ita se habet, ut non posset referri ad unum terminum, quin necessario deberet referri ad alterum, nec è contra, posset unica relatione reali referri ad utrumque. Vnde sensus est, quod quotiescumque aliqua una relatio realiter distincta ab alia relatione habet terminum distinctæ speciei ab alio termino, oporteat istas relationes distingui specie, & quod distinctio specifica ipsorum possit colligi ex terminis.

Q V A E S T I O VI.

Virum multiplicatis numero terminis multiplicentur numero Relationes.

78 **O** Stendimus questione precedenti, quomodo possimus colligere, quænam relationes ex illis, quæ realiter distinguuntur inter se comparatae, sint eiusdem vel diversæ speciei: nunc ostendere conabimur, quænam relationes inter se numero distinguantur. Et in primis supponunt omnes, relationes reales simplices, quæ subiectantur in diversis numero subiectis, esse diuersas numero, quia naturaliter idem numero accidentis nequit esse simul in diversis subiectis: & quamvis ex accidentibus absolutis plurima saltem possint esse, successive quidem sine dubio, simul autem probabiliter, ut diximus supra de potentia Dei absoluta in subiectis diuersis; tamen accidentia relationis, quæ seipso inherent subiectis suis, & sunt essentialiter actuales determinationes eorum, nequeunt esse nec successive, nec simul etiam de potentia absoluta in pluribus subiectis. Vnde patet, quod eo ipso, quod cognoscimus hoc numero album habere similitudinem ad aliud album, & aliud album habere similitudinem ad idem album, possimus colligere, illas duas similitudines esse distinctas numero, quare diuersitas fundamenti se solo sufficit ad colligendam distinctionem numericam relationum in illis diuersis fundamentis subiectarum.

Supponunt præterea omnes, idem reale fundamentum posse fundare plures relationes distinctas numero, & distinctæ etiam speciei, ad diuersos scilicet specie terminos; idem enim album refertur per similitudinem ad unum album, & per dissimilitudinem ad nigrum: & istæ duæ relationes similitudinis & dissimilitudinis, sicut sunt distinctæ speciei, ita sunt secundum omnes distinctæ numero, & hinc ad collendum, aliquas duas relationes esse distinctas numero, non requiritur quod cognoscantur esse in diuersis subiectis; nec ad collendum quod sint eadem numero, sufficit quod colligantur esse in eodem subiecto.

79 **D**ifficultas ergo est, an quando subiectum idem refertur ad terminos plures eiusdem rationis, ut unum album ad plura alba; unus pater ad plures filios, sit eadem numero relatio, qua refertur ad omnes; an vero tot sint relationes distinctæ numero in ipso, quot sunt termini distincti numero, ad quos refertur: si enim sint tot numero relationes quod termini, multiplicatis terminis, multiplicantur numero relationes in eodem fundamento, & non poterit ex unitate fundamenti colligi unitas numerica relationum eiusdem etiam speciei, sicut non potest colligi ex unitate eius unitas numerica relationum distinctæ speciei. Si vero non tot numero relationes, sed unica tantum, qua refertur ad omnes, tum non multiplicabuntur relationes in eodem fundamento ad multiplicationem terminorum & ex identitate fundamenti colligi poterit identitas relationum eiusdem speciei, ut pater.

80 **P**rima sententia tenet non multiplicari relationes ad multiplicationem terminorum eiusdem speciei, & colligi præterea unitatem numericam relationum eiusdem speciei, verbi gratia similitudinem ad plura alba, & parentatem ad plures filios ex unitate fundamenti. Hanc tenet D. Thomas tertia distinct. 8. quest. 1. & 3. part. quest. 35. art. 5. quem sequuntur Thomistæ communiter,

Cajetanus, Medina, Capreolus, Ferrar. quos citat & sequitur Cursus Complutensis disp. 14. quest. 7. §. 4. Toletus hic q. 2. Ruinus q. 8. Ioannes à Sancto Thoma q. 27. art. 6. & alij.

Secunda sententia extreme opposita est, ad multiplicationem terminorum multiplicari in eodem fundamento relationes, quibus refertur ad illos terminos. Ita Scotus in 3. dist. 8. quest. un. quodl. 11. & 5. Met. qu. 7. quem praeter suos omnes sequuntur Suar. 5. sect. 8. Fonseca ibid. c. 10. q. 1. sect. 3. Molina 1. par. q. 1. art. 2. Amicus hic tract. q. 7. dub. 8. art. 2.

Tertia sententia media est, quandocumque fundamentum ita refertur ad plures terminos, ad quorum unum nequit referri, quin referatur ad aliquos, non multiplicari in ipso relationes numero distinctas realiter ad illos terminos, sed unica numero reali relatione ipsum referri ad illos terminos, sed quando refertur ad plures terminos, ad quorum unum potest actu referri, quin ad ceteros actu referatur, tum multiplicari in ipso relationes pro multiplicatione terminorum.

*H*ac videtur mihi non esse ullo modo contra authores secundæ sententiae; nam quamvis dicant absolute relationes distingui, ad distinctionem terminorum, tamen sine dubio intelligendi sunt de relationibus illis, de quibus exemplificabant suam doctrinam, & similibus, non autem de aliis diversæ rationis, sed istæ relationes sunt relationes, quibus refertur fundamentum ad terminos, ad quorum singulos actu referri possit, quin ad alios referri debeat actu: & in hoc sensu habeant controversiam cum D. Thoma, qui negabat plures relationes etiam ad tales terminos, ut plures similitudines in uno albo ad plura alba, & plures parentates ad plures filios in eodem patre: ergo de huiusmodi relationibus intelligendi sunt, & non de relationibus, quibus refertur fundamentum ad plures terminos, ad quorum unum non possunt referri, quin necessario debeat referri ad reliquos. Adde esse expresse sententiam Amici supra.

C O N C L U S I O I.

81 Quando subiectum refertur ad plures terminos sic, ut non possit referri ad unum, quin referatur ad reliquos, non multiplicantur in ipso relationes reales numero ad multiplicationem terminorum, sed unica relatione reali ad omnes refertur. Hæc est iuxta tertiam sententiam.

Probatur autem conclusio breuiter, quia non est necessitas multiplicandi relationes in illo casu; & præterea, quia relatio qua refertur ad unum ex ipsis terminis, non esset causa relationis qua refertur ad alterum, nec è contra; nec esset subiectata in distincto fundamento; nec posset esse sine illa altera, aut è contra, ut suppono: ergo non esset ullum principium colligendi distinctionem realē ipsarum. Quæ sane ratio mihi conuincit hanc conclusionem. *Adde*, fundamenta conclusionis sequentis non posse improbare hanc conclusionem: sed alia non sunt, quibus impugnetur: ergo tenenda est.

*S*i queratur autem aliquod fundamentum, quo hoc modo referatur ad plures terminos.

*R*espondeo non esse necesse, ut nos illud afferamus quia non dicimus dari tale; sed si detur, relationes in ipso non esse multiplicandas, si tamen effectus dicat relationē intrinsecus aduenientē ad suas causas, totū physicū quod distinguitur realiter à suis partibus in sententia Scotistarum cōmuniōri, dicet unicā relationem ad partes intrinsecas & essentials v. g. materiam & formam; & idem est de intellectione producta per intellectum & speciem, non enim dicit necessario duas relationes numero distinctas ad illa duo.

Aliud exemplum potest afferri de dissimilitudine quā habet similitudo parietis albi cum alio albo ad utrūq; albū; neq; enim habet duas dissimilitudines ad illa; sed unā, siue illa una sit realiter distincta, siue non ab illa similitudine.

C O N C L U S I O II.

82 Multiplicatis terminis, qui possunt esse sine se innitem, multiplicantur numero relationes. Hæc est authorum secundæ & tertiae sententiae contra primam sententiam.

Probatur primò, quia falsum est fundamentum aduersorium, nempe accidentia individuali per subiectum, ut supra ostendimus.

Deinde

Deinde, quamvis esset verum, non sequeretur ipsorum intentum nimirum plura accidentia eiusdem speciei non posse esse in eodem subiecto: sicut enim plura accidentia diversae speciei, quamvis indiuiduentur secundum ipsos per sua subiecta, possunt esse in eodem subiecto: quare non possent esse plura accidentia eiusdem speciei in eodem subiecto, quamvis indiuiduantur ab ipso?

Praterea, quamvis albedines indiuiduantur à subiecto secundum ipsos, tamen plures albedines successivæ possunt esse in eodem subiecto: ergo nulla est ratio cum plures relationes, quamvis indiuiduantur à subiecto, non possent esse simul in eodem subiecto. *Probatur consequentia*, quia si indiuidatio à subiecto prohiberet ne plura accidentia eiusdem rationis simul essent in eodem subiecto, prohiberet etiam ne successiue essent in ipso.

Denique, quamvis plura accidentia eiusdem omnino rationis non possint esse naturaliter in eodem subiecto, quia scilicet superflueret unum ex ipsis, tamen quoties est inter accidentia aliqua diuersitas sic, ut unus unius non expleatur per alterum, non potest esse dubium, quin possit esse in eodem subiecto etiam naturaliter; sed sic contingit in nostro proposito; nam est tanta diuersitas inter duas paternitates, aut similitudines, ut una sit nata respicere unum terminum, altera alterum sic, ut una non possit alterius vicem supplere: ergo bene poterunt esse simul in eodem subiecto, etiam naturaliter.

83 *Probatur secundò*: quando producitur de nouo unum album, in albo prius existente, resultat relatio similitudinis ad ipsum, tanquam ad terminum: ergo quando producitur aliud album, resultabit alia relatio similitudinis ad alterum illud album tanquam ad terminum. *Probatur consequentia*, quia non est maior ratio quare resultaret relatio ad positionem primi albi, quam ad positionem alterius albi.

Dicunt, esse maiorem rationem, quia quando ponitur primum album, nisi resultaret relatio, non esset forma, à qua denominaretur album præexistens simile, & consequenter debet tum necessariò resultare relatio; sed posito secundo albo esset forma, à qua denominaretur simile illi, nimirum illa similitudo, quæ resultabat ad positionem primi albi.

Contra primò; quia colligitur non fuisse formam, qua referretur ad primum albū, nisi resultaret relatio, ex eo, quod non posset habere denominationem nouam intrinsecā sine forma nova intrinsece recepta: sed ex hoc ipso colligitur non esse formam, à qua referretur ad secundum album, nisi resultaret noua relatio: ergo responsio nulla. *Probatur minor*, quia de nouo est similis intrinsece secundo albo: ergo si non potest esse denominatio noua intrinseca sine noua forma, nisi resultet noua relatio ad secundum album, non erit forma, à qua denominaretur simile secundo albo.

Contra secundò, quia similitudo non potest referri nisi ad suum terminum: sed secundum album non est terminus similitudinis terminat à primū album: ergo illa similitudo non est forma potens referre ad secundum albū. *Probatur minor*, quia relatio intrinsecus adueniens non potest esse sine suo termino: sed illa similitudo, ut patet, erat sine secundo albo: ergo secundum albū non est terminus ipsius.

Confirmatur hoc, quia relatio dependet essentialiter à termino: ergo quandoquidem relatio similitudinis ad primum album fuerit ante secundum album, sequitur, quod non dependeat à secundo albo, & consequenter quod non habeat secundum album pro termino.

84 *Respondet Ioannes à S. Thom.* relationē dependere per se à termino formalī, non tam à termino materiali; unde licet multiplicetur termini materialiter, tamen si formaliter non multiplicetur, manebit eadē relatio. In proposito autem plures filii habent rationē unius termini formalis, licet sint plures termini materialiter. Exemplificat hanc doctrinā in lapide tracto à pluribus; nā dicit sola unā relationē ad illos plures, quia licet sint plures materialiter, formaliter tamen sunt unus terminus adæquatus istius relationis: & quemadmodū lapis ille tractus à decē hominibus, & respiciens illos, ut unū trahentē, posset eadē relatione respicere viginti, si à viginti traheretur, quia illa multiplicatio est multiplicatio materialis, & non formalis termini; ita licet possit una paternitas sufficienter terminati ad unū filium, tamē potest terminari etiā ad viginti, quia illi viginti cōveniunt in una ratio-

ne termini formalis, & solum materialiter essent distincti.

Contra hanc doctrinam sic arguo: In primo filio est una ratio sufficiens ad terminandā istā relationem non solū materialiter, sed formaliter, & actu terminat ipsam sufficienter; sed in secundo filio sunt æquales rationes tam materiales, quam formales ad terminandā relationem talēm: ergo in casu nostro non solum multiplicantur termini materialiter, sed formaliter, quandoquidem sit alia & alia numero distincta ratio terminandi in utroque filio, quarū quælibet, si seorsim poneretur, terminaret relationem. Ad aliud autem exemplum de lapide tracto à pluribus, dico non esse ullo modo simile, quia quando plures trahunt, unus adæquate non trahit, sed partialiter tantum; unde per tractionē partialē cuiusque non traheretur lapis tali tractione, quali trahitur à pluribus, hoc est tam cito aut velociter, imò fortassis unus solus non posset trahere illa ratione lapidem: sed in casu nostro unus solus filius adæquate terminaret filiationē independēter ab ullo alio: ergo non est idē dicendum in utroq; casu. *Deinde* falsū est quod eadē tractione traheretur lapis à decē & à viginti: si enim eadē tractione traheretur ab ipsis, non posset trahi ab illis decē, quin traheretur à viginti, præfertim si existeret isti viginti, quod est absurdū.

85 *Respondent alij* relationē dependere à termino adæquato, & sine illo non posse esse, non tamen dependere à termino inadæquato, & propterea posse esse absque illo, relationē autem similitudinis in albedine habere pro termino adæquato album, ut sic; pro termino vero inadæquato albū in particulari, & propterea licet non possit esse sine albo ut sic, posse esse sine quocumque albo particulari.

Contra: quod est terminus adæquatus & primarius similitudinis ut sic, non est terminus adæquatus similitudinis in particulari: sed album ut sic est terminus adæquatus similitudinis albi ut sic: ergo non potest esse terminus adæquatus albi in particulari, & consequenter similitudo in particulari deberet habere pro termino adæquato & primario album particulare.

Confirmatur hoc, quia ille terminus est censendus primarius, & adæquatus relationis quo posito poneretur, & quo non posito non poneretur: sed non posito albo primo non poneretur illa relatio similitudinis, quāvis poneretur aliud quocumque albū, & eo posito, nullo alio posito, ponetur, ergo album primū est terminus adæquatus relationis. *Probatur minor*, quia destructo albo primo, destruitur illa relatio, ut certum est; & si produceretur aliud album ante illud primum, non resultaret illa similitudo numero, sed alia similitudo, ut facentur aduersarij, ergo posito primo albo ponitur, & non posito non ponitur illa similitudo.

Dices, quod non sequatur illa relatio ad positionē albi particularis, ut particularis est, sed ut includit rationē albi ut sic.

Contra, quia si hoc esset verum, sequeretur illa relatio ad positionem cuiuscumque albi, quia ratio albi, ut sic, includit in quocumque albo tam bene, quam in illo albo.

86 *Probatur tertio*: quia eadē modo quo defenditur relationē posse referri ad plures terminos numero distinctos, posset defendi, quod referatur ad plures terminos distinctæ speciei; sed consequens est absurdum, ut fatentur aduersarij: ergo & antecedens. *Probatur sequela*, quia nullum est principium colligendi pluralitatem illarum relationum, nisi ob pluralitatem terminorum, & ex eo quod daretur relatio ad unum terminum ex ipsis, quamvis alter non existeret: sed hoc nihil probaret secundum aduersarios; posset enim dici, quod colligatur distinctio & pluralitas relationum ex pluralitate terminorum primariorum & non secundariorum, & quod isti plures termini non essent termini adæquati & primarij, sed tantum termini inadæquati & secundarij.

Probatur quartò: non minus intrinsece denominatur album simile secundo albo, quod producitur, quam primo: sed denominatur simile denominatione totaliter intrinseca respectu primi albi: ergo & respectu secundi: sed hoc est falsum in sententia aduersarij: ergo illa sententia est falsa. *Probatur subsumptum*, quia denominatio non debet dici totaliter intrinseca, quæ non potest haberi ab illa forma intrinseca, quantumvis ponatur sine hoc quod ponatur aliquod intrinsecū: sed denominatio similis respectu secundi albi non habetur ab illa forma intrinseca posita nisi etiā pona

ponatur secundum album: ergo non est totaliter intrinseca.
Confirmatur hoc, quia probabiliter nulla forma existens in subiecto potest dare nouam denominationem intrinsecam physicam subiecto, nisi aliter se habeat intrinsece respetu illius: sed similitudo, quæ oritur ad positionem primi albi, non aliter se habet intrinsece respetu albi similis, quando ponitur secundum album: ergo tunc non dat nouam determinationem intrinsecam, & consequenter noua denominatio similis, quam habet album simile ad secundum album, non erit totaliter saltem intrinseca.

87 Responderi posset ad hoc, iuxta principia Thomistarum apud Complutenses hic quæst. 7 quod licet relatio, qua refertur pater ad primum filium, non posset referre ipsum ad secundum absque noua extensione, bene tamen posset hoc facere mediante extensione, sicut per scientiam habitualem, qua facilitatur quis ad unam conclusionem, potest facilitari ad alteram mediante extensione eius.

Contra, quia, præterquam quod exemplum illud de scientia habituali sit æque difficile & falsum, hoc quod dicunt de relatione: præter hoc, inquam, quæro quid sit noua illa extensio? Si sit aliquid reale de novo adueniens, quandoquidem eo posito referatur pater ad secundum filium, & non posito non referatur, nihil impedit, quomodo sit relatio noua, & sic habetur intentum.

Deinde, quemadmodum pater, qui non erat ante pater secundi filij, sit de novo pater eius per illam nouam extensionem, quæ non esset relatio: ita posset dici de novo pater primi filij per aliquam extensionem, quæ non esset relatio. Si non sit quid reale nouum: ergo manet difficultas argumenti integre.

Quod si dicatur esse respectus rationis, propterea significant Complutenses. Contra, quia nullo intellectu cogitante pater sit de novo realiter pater secundi filii: ergo non habet esse talis mediante extensione, quæ esset ens rationis, ut est evidens.

88 Probatur quinto, plures filii habent plures correlationes ad patrem, scilicet plures filiations: ergo pater habet plures paternitates ad ipsas. Antecedens conceditur ab aduersario: & est manifestum, quia una numero relatio non potest subiectari in subiectis realiter distinctis, praesertim taliter, ut possit remanere destruncto quocumque ex ipsis. Probatur consequentia, quia correlationes debent esse simul tempore secundum Philosophum, & omnes: sed si non essent plures paternitates in patre, non essent simul tempore correlationes, nam prius tempore posset esse paternitas illa una, quæ esset in patre, quam esset filiation secundi filii, qui posterius produceretur.

Dicas correlationes adæquatas esse simul tempore, non vero correlationes inadæquatas; illas autem filiations filiorum pluri non esse, nisi correlationes inadæquatas paternitatis.

Contra, quia paternitas una est adæquata correlatio unius filiationis; ergo filiatione una est adæquata correlatio unius paternitatis, & consequenter responsio est falsa. Præterea contra hanc responsionem faciunt ea, quæ supra diximus in probatione secunda & tertia.

89 Probatur ultimo, quia sicut actio est essentialiter modus, per quem aliquid dicitur producere terminum: ita similitudo est essentialiter modus, per quem aliquid referatur ut simile: ergo sicut implicat quod actio sit, & non producatur per eam omnis terminus natus produci per ipsa, ita implicat ponit relationem in subiecto, & non referit subiectum ad omnem terminum, ad quem nata est illa similitudo ipsum referre; ergo similitudo qua refertur parties ad primum album, non est nata ipsum referre ad secundum album: quandoquidem possit existere sine secundo albo.

90 Obiectio primo: Si multiplicarentur similitudines ad multiplicationem terminorum in uno pariete, aut paternitates in uno patre, sequeretur quod unus partis non esset unus simile, sed plura similia, & unus homo plures patres, & non unus pater: si enim ab una similitudine partes habet esse unum simile, quare à duabus similitudinibus non habet esse duo similia?

Respondeo negando consequentiam, quia ad multiplicationem formarum accidentalium non est necesse ut multiplacentur concreta, ut patet exemplis. Si enim quis haberet

plures scientias, Logicam scilicet Metaphysicam, & Theologicam, non diceretur esse plures scientes, sed unus sciens; deinde Sol producens diuersis rationibus, v.g. liquefaciens & obdurans, non dicitur plura agentia, sed unum agens; & ut maneamus in proposito, partes relatae per similitudinem ad aliud paritem, & per dissimilitudinem ad aliud, quamvis secundum aduersarios etiam haberet plures relationes, non diceretur plura relata, sed unum relatum. Itaque ad probationem dico, quod non ab una similitudine præcise habeat partes esse unum simile, sed etiam ex eo quod ipse sit unus: nam si poneretur una relatio in pluribus partibus, essent plura similia, & non unum tantum simile, & similiter non à pluribus similitudinibus præcise habentur plura similia, sed requiritur necessario pluralitas subiectorum seu fundamentorum.

91 Obiectio secundo: Una numero potentia potest respicere plura obiecta & plures actus: ergo una relatio potest respicere plures terminos numero distinctos etiam tales, quorum unum possit respicere non respiciendo alterum.

Respondeo primo, hoc argumentum, etiam post virgini contra aduersarios, quia si quid valet, æque probat unam relationem posse referre ad plures terminos distinctæ speciei, nam una potentia potest tendere in obiecta & actus distinctæ speciei, voluntas enim potest producere amorem & odium, intellectus apprehensionem & iudicium, assensum & dissensum, oculus visionem coloris & nigredinis: ergo si idem sit de relatione & potentia, una relatio poterit respicere plures specie terminos.

Respondeo secundo directe, negando consequentiam: & disparitas est quod relatio dependeat in esse & conservari à termino, quem respicit, quia essentia ipsius consistit in actuali determinatione fundamenti ad illum terminum, & consequenter nequit respicere terminum, à quo ita non dependet: sed si respiceret plures terminos, quorum unum possit respicere actu, non respiciendo actu alterum, non ita dependeret ab omni termino quem respicit, ut patet: ergo nequit respicere tales terminos: potentia vero non dependet nec in fieri, nec in conservari ab illis actibus, & obiectis, quæ respicit, & propter ea non est inconveniens quod respiciat plura talia.

Præterea potentia respicit plura, quatenus est potens producere plures actus, & per illos tendere in obiecta; relatio vero respicit terminos per modum actualis determinationis fundamenti ad illos; facilius autem est sine dubio alicui respicere plura in actu primo per modum potentis, quam in actu secundo per modum facientis aut productoris; unde fit ut una res habeat simul potentiam ad contradictionem, verbi gratia ad amandum, & non amandum, cum tamen contradictionia non possint esse simul in illo.

Adde ad hoc, non esse rationes illas, unde colligatur quod eadem potentia non possit respicere plures actus, & obiecta; immo experientiam & rationem docere contrarium; esse vero rationes, ex quibus colligatur eandem relationem non posse versari circa plures terminos sic, ut possit actu terminari ad unum, & non terminari actu ad alterum;

Q V A E S T I O VII.

Vrum Relatio terminetur ad absolutum, an ad respectuum.

92 Non queritur hic, an relatio possit terminari ad aliam relationem; nam in sententia admittente unam relationem fundati in alia, verbi gratia in paternitate similitudinem ad aliam paternitatem, certum est illam relationem similitudinis terminari ad alteram paternitatem cui paternitas illa, in qua fundatur ista similitudo, est similis:

Verus ergo sensus huius controversiae est, an quando aliqua res refertur relatione ad aliam rem, relatio, qua refertur, terminetur ad correlationem, quæ est in illa alia re; an vero ad ipsam aliam rem, in qua est illa correlation, secundum se & rationem illam, secundum quantum subiectum istam correlationem; verbi gratia, an relatio similitudinis, qua album refertur ad aliud album terminetur ad istud aliud album ut album, an vero terminetur ad correlationem similitudinis, quæ est in illo alio albo, aut ad aliud illud album, ut habet istam correlationem. Si terminetur ad fundamentum correlationis secundum se,

Disparitas
inter potentiam &
relationem quantum
ad respiciendum
plures terminos.

ut abstrahit à correlatione, tum relatio terminatur ad absolutum, siue istud fundatum sit relatio, siue non, quia capimus hic absolutum pro fundamento correlationis; si autem terminetur ad correlationem, seu ad fundamentum quatenus afficitur correlatione formaliter, tum terminabitur ad relativum. Hic est verus sensus huius questionis, & in hoc sensu.

Prima sententia est, quod relatio prædicamentalis omnis terminetur ad relativum formaliter. Hanc tenet *Divinus Thomas* 1. par. quæst. 13. art. 7. & cum eo *Caietanus*, *Bannez*, *Nazarius*, *Zumel*, *Flandria*, *Arauxo*, *Sanchez*, quos citant & sequuntur *Complutenses* hic quæst. 6. qui addunt eam esse procul dubio Aristotelis, & congruentiorem Christianæ Philosophiæ ac Theologiæ, inuitantes scilicet, hoc specioso encōmio ad eam amplectendam, quos rationibus adducere nequeunt.

Secunda sententia est omnem relationem terminari ad absolutum, & non ad relativum formaliter. Ita *Scotus* in 1. dist. 26. quæst. 1. & distinct. 30. quæst. 1. ac eius discipuli, quos sequuntur *Vasquez* 1. par. disputation. 159. cap. 6. *Suar. disput.* 46. *Met. sect.* 2. *Hurtad. disput.* 15. *sect.* 7. *Ogna. Lorinus*, *Valbius*, & ex Thomistis *Capreolus*, *Socinas*, *Sotus*.

Tertia sententia distinguit inter relationes prædicamentales mutuas, & non mutuas, & assertit non mutuas terminari ad absolutum, & non ad relativum, quandoquidem non sit relatio in termino, ad quam referantur; dicit autem mutuas relationes terminari ad relativum, & non ad absolutum. Ita *Ferrar. 2. contra gentes c. 11. Mas. hic quæst. 3. Gallego conir. 29. Kuuius quæst. 7. Vallius 2. par. quæst. 13. & Fonseca*.

CONCLVSI O I.

93 *Relationes non mutuae*, id est que non habent correlationem sibi correspondentem in termino, terminantur ad absolutum, & non ad relativum. Hæc est secundæ & tertiae sententiæ contra primam.

Probatur efficaciter, quia non est illa relatio in termino ratione cuius posset dici quod terminarentur ad relativum: ergo non possunt terminari ad illud. Huius rationis vis magis patebit in exemplo. Itaque ut hic supponi debet, scientia dicit relationem tertii generis ad scibile, scibile autem non dicit relationem prædicamentalem ad scientiam; propterea relatio illa scientiæ dicitur non mutua: quandoquidem ergo in scibili, ad quod terminatur illa relatio scientiæ, non detur relatio alia correspondens rationi illi scientiæ, sequitur relationem scientiæ non terminari ad scibile, ut afficitur alia relatione, & consequenter illam relationem non terminari ad relativum, sed ad absolutum.

Respondet ad hanc rationem Fonseca relationes tertii generis quæ sunt non mutuae, non habere quidem in termino relationem realem sibi correspondentem, habere tamen relationem rationis, verbi gratia in scibili, ad quod refertur relatio scientiæ, non datur alia relatio realis, quæ refertur ad scientiam; bene tamen datur in eo relatio rationis, quod sufficit ad propositum, quia scientia referratur ad scibile, non ut relatum relatione reali, sed ut relatum relatione rationis.

Contra quia hic non querimus de termino rationis, ad quem posset quis imaginari quod referretur relatio, sed de termino reali ipsius. *Deinde* terminus formalis & materialis ut quod & ut quo relationis realis debet esse realis: ergo non sufficit aliquid rationis pro tali termino ipsius.

Contra secundò, quia quando oculus, verbi gratia vider actu parietem, non est necesse ut fingatur ullus respectus rationis in pariete visto, & tamen tum visio refertur actu ad parietem, & relatio visionis vere tum terminatur ad aliquid, non ad ens rationis, cum nullum sit tum, ut suppono: ergo ad aliquid reale: sed non ad relationem realem, quandoquidem non detur, ergo ad ipsum absolutum.

94 *Respondent Complutenses* cum *Caietano*, *Nazario*, & aliis, negando consequentiam: quia quamvis non detur alia relatio in termino relationis non mutuae, tamen ille terminus habet denominationem relativum ab ipsam relatione non mutua: verbi gratia, scibile refertur ad scientiam per ipsam relationem, quæ est in

scientia, & terminatur ad scibile, & ut sic scibile denominatur, & habet esse relativum, terminat relationem scientiæ: & idem est de reliquis huiusmodi.

Hæc doctrina proponitur supra à Complutensis fusæ satis, sed nullo modo satisficit. *Primò*, quia sequentur relationem esse terminum formalem sui ipsius, & eam consequenter ad se terminari, quo nihil absurdius excogitari potest. *Secondò*, quia ideo scibile, verbi gratia, denominatur à relatione scientiæ, quia terminat illam: ergo prius est natura quod illam terminet, quam quod denominetur per ipsam, & consequenter pro illo priori relatio habet terminum sufficientem: sed non habet relatum tum: ergo non determinatur formaliter, & per se ad relativum. *Tertiò*, quia quamvis non consideraremus colorem, ut visibile formaliter, seu ut denominatum per relationem visionis, potuissemus bene intelligere quod terminaret relationem visionis, ergo non est dicendum quod terminet, ut sic denominatur. Probatur consequentia, quia ideo potissimum id diceretur, quia non posset concipi, quomodo terminaret, nisi ut sic denominetur.

Probatur secundò hæc conclusio, quia relationes mutuae non terminantur ad relationem, seu relativum: ergo nec non mutuae. Consequentia patet à fortiori: & admittitur ab omnibus; antecedens patebit ex probationibus conclusionis sequentis.

CONCLVSI O II.

95 *Relationes mutuae*, v. g. *similitudines*, *paternitates*, *equalitates*, terminantur ad absolutum, & non ad relativum. Hæc est iuxta secundam sententiam contra primam & tertiam.

Probatur primò contra tertiam sententiam specialiter, quia relationes non mutuae terminantur ad absolutum: ergo & mutuae. Admittunt aduersarii antecedens. Probatur consequentia, quia eadem prorsus est ratio: nam licet in termino mutuarum relationum sit alia relatio, & non sit in termino relationum non mutuarum; tamen illa relatio est impertinentissima ad terminandum relationem mutuam: tum quia si per impossibile non esset, tam bene posset relatio mutua terminari ad fundamentum eius, quam relatio non mutua terminatur de facto absque relatione; tum quia ipsum absolutum fundamentum istius relationis habet sufficientissimam rationem terminandi ipsam; tum quia non ponitur illa correlatio ad hoc ut possit mutua terminari, sed ad hoc ut terminus referatur intrinsece ad subiectum relationis mutuae, verbi gratia filatio non ponitur, ut substantia filij terminet paternitatem, sed ut illa substantia referatur intrinsece ad substantiam patris.

Probatur secundò absolute: terminus ponitur in definitione relationum mutuarum tanquam additum: ergo & cognitio ipsius requiritur ad cognoscendam naturam unius relationis, quatenus distinguitur ab omni relatione: si quis enim velit cognoscere, an duæ aliquæ relationes, quæ sunt in eodem fundamento, sint eiusdem vel diuersæ rationis, debet necessario recurrere ad terminum formalem, ad quem terminatur relatio: ergo ille terminus formalis, ad quem terminatur relatio, est prior relatione terminata; sed altera correlatio non est prior illa, nec relativum formaliter constitutum per illam, ut sic constitutum est; nam secundum omnes, correlationes mutuae sunt simul natura.

Confirmatur hoc, quia relatio mutua præexigit fundatum, & terminum, ex quorum positione sequitur necessariò per emanationem; sed non præexigit correlationem, nec correlativum formaliter, ut est evidens: ergo terminus illius non est correlativum.

96 *Respondent aduersarij*, & speciatim *Complutenses* ex *Nazario*, terminum qui specificat relationem, quæ præexigitur ipsi, esse terminum radicalem & materiale, non vero formalem.

Contra, quia gratis & sine fundamento vlo dicunt, illum terminum, qui ponitur in definitione relationis, & requiritur ad eius specificationem, & ex cuius positione sequitur relatio, non esse terminum formalem relationis; sed radicalam.

Deinde

Deinde ille est terminus formalis, qui sufficeret, si per impossibile tolleretur quodcumque aliud, ad terminandum relationem: sed ille terminus, quem ipsi vocant radicalem & materialem, v.g. substantia filij supposita generatione passua, quamvis non haberet correlationem, ut si per possibile, aut impossibile tolleretur ab ipso filiatione, esset sine dubio sufficiens ad terminandam paternitatem, imo terminaret ipsum actu: ergo ille terminus est terminus formalissimus paternitatis, & ad rationem ipsius, ut talis est, impertinentissima est illa correlatio: & hinc dixi supra, quod sit eadem ratio de mutuis & non mutuis, quantum ad terminationem eorum ad relatiuum.

Confirmatur hoc, quia non ideo ponimus correlationes mutuas, ut terminus possit terminare formaliter relationes mutuas, nam potuissemus dicere, quod isti termini terminarent illas absque correlatione mutua, sicut termini non mutuarum terminant illas: & hinc sane, si dicendum esset, quod relatio terminaretur ad relatiuum necessario, non tamen dicendum esset quod relatio mutua terminaretur ad relatiuum constitutum per relationem oppositam, sed ad relatiuum constitutum eo modo, quo relatiuum, quod est terminus relationis non mutuae, constituitur, nimirum vel per respectum rationis; ut tenet Fonseca, vel per denominationem extrinsecam desumptam à relatione terminata, ut dicunt Complutenses.

Si autem queras, quare ergo ponatur correlatio mutua: Respondeo, quod finis ponendi ipsam sit, ut terminus referatur intrinsece ad alterum extremum, quemadmodum alterum extremum intrinsece refertur ad illum. Ideo autem ponitur effectus ponitur altera relatio, quia toties applicatur causa sufficienter productiva, aut emanativa, ut ita dicam, ipsius, non minus, quam applicatur causa productiva, seu emanativa alterius relationis; unde tam una, quam altera debet poni simul, & si una nequit impediri, altera etiam eadem ratione impediri nequit.

97 Probatur tertio, & confirmatur predicta probatio: fundamentum quod ponitur in definitione relationis, & ex cuius positione sequitur, est fundamentum formale, & non radicale, & non constitutum in esse tali per relationem ullam ex correlationibus: ergo terminus qui ponitur in definitione relationis, & ad cuius positionem sequitur, est terminus formalis, nec debet constitui per relationem. Antecedens videtur evidens. Probatur consequentiam à paritate rationis; tum, quia eodem modo loquuntur absolute Philosophus, & alii Doctores de fundamento & termino: ergo si per fundatum intelligent fundatum formale, per terminum intelligunt terminum formalem; & sane satis æquioce & imperfecte procederent, si dum dicunt relationem oriti ex fundamento & termino, intelligerent per fundatum, formale fundatum, & per terminum, non formale, sed fundatum terminum, seu radicalem.

Confirmatur, & fere tecidit in idem, quia ante relationem debet fundatum intelligi constitutum non solum radicaliter, seu fundamentaliter, sed formaliter: ergo etiam ante ipsam debet terminus intelligi constitutus formaliter, & non sufficit, quod intelligatur constitutus radicaliter.

98 Assignant disparitatem Complutenses, quod relatio exigat fundatum ex communi ratione accidentis, seu ut dicit esse in, & ideo comparatur ad fundatum, ut ad causam, & debet præexistere ipsum formaliter constitutum; comparatur vero ad terminum ex propria ratione particulari, quatenus relatio est, seu dicit esse ad: ex qua parte, inquit, relatio non habet esse in rerum natura formaliter loquendo, sed solum habet oppositionem ad relatiuum, ac proinde non præexistit terminum formaliter constitutum in ratione termini.

Hac doctrina mihi difficilior videtur ipsam sententia, ad quam defendendam adducitur. Impugnatur primo, quia non solum ex ratione accidentis, ut sic, præexistit relatio fundatum, sed ex ratione sua particulari; unde si non daretur illa ratio accidentis ut sic, communior relatio, ut si non esset possibile illum aliud accidens præter re-

latium, sed ens ut sic immediate contraheretur ad substantiam & ens relatiuum, profecto ens relatiuum præexistet fundamentum quatenus relatiuum est. Deinde non ex ratione accidentis, ut sic, præexistit fundamentum, ex damentum quo necessario emanet posito termino, quia alijs omnia ex ratione accidentia deberent sic emanare ex suis fundamentis, quod falsum est; sed ex ratione sua particulari id exigit, ergo falsum est, quod ex sola ratione accidentis, ut sic, præexistat fundamentum.

99 Impugnatur secundo, quia falsum est, quod relatio quatenus dicit esse ad, non sit quid reale existens in rerum natura, quia ipsa relatio secundum esse suum proprium distinctum ab esse absoluto & ab esse entis ut sic, communis enti absoluto & respectivo, est quid reale existens in re natura; similitudo enim, ut similitudo, existit in re simili, & paternitas in patre ergo existunt realiter prædicta constitutiva eius: sed esse ad est prædicatum constitutivum eius non minus quam rationalitas est constitutivum hominis, ergo etiam in quantum dicit esse ad, est quid reale existens in rerum natura. Nec sane capere possum, quid sibi velint prædicti autores, dum hoc negant & licet citent pro se sanctum Thomam, vel exponentem sanctus Doctor ad aliquem alium sensum, vel certe doctrinam ipsius hac in parte nequit subsistere.

Impugnatur tertio, quia certum est, non minus debere præsupponi terminum aliquem ad relationem quam fundamentum: ergo præsupponit terminum constitutum formaliter sub illa ratione, sub qua præsupponitur, non minus quam præsupponit fundamentum.

100 Probatur quartò conclusio, quia ideo album ut albus non posset terminare relationem similitudinis fundatæ in altero albo, sed debet ipsam terminare sub conceptu relatiui, quia potest esse in rerum natura absque eo quod terminet, & quia eo ipso quod concipitur terminare aliud, concipitur modo relatiuo: sed fundamentum potest esse in rerum natura absque eo quod fundet, & eo ipso quod intelligitur fundare relationem ad aliud, intelligitur tam bene per modum relatiui, quam intelligitur terminus per modum relatiui, quando intelligitur terminare: ergo si hoc non obstante fundamentum fondat sub ratione absoluta, terminus etiam terminabit sub ratione absoluta, quæ ratio mihi videtur valde urgere.

Probatur quinto, quia illud est formaliter terminus relationis, ad quod relatio refert fundamentum: sed refert ad absolutum: ergo absolutum est terminus formalis ipsius, & non relatiuum. Probarur minor, quia non dicitur pater esse pater filij, protus filius dicit formaliter relationem filiationis; nec album esse dissimile nigro, protus nigrum dicit dissimilitudinem ad ipsum; imo quantum ad hoc sunt similia, quia utrumque dicit similitudinem: sed pater dicitur pater istius personæ, quæ habet filiationem illam, & album dicitur dissimile nigro, ut nigrum est.

Quod confirmatur, quia, ut supra dixi, referretur ad nigrum, quamvis non esset alia dissimilitudo in nigro.

101 Obiectus primo, pro Complutensibus, secundum Philosophum hic: Relativa omnia dicuntur ad conuentiam. Verba Philosophi sunt: Amplius siquidem conuenienter assignatur ad quod dicitur, omnibus alijs sublatiis, quicumque accidentia sunt: relicto autem solo illo, ad quod assignatum est, conuenienter semper ad ipsum dicitur; ut si seruus ad hominem dicitur, circumscriptis omnibus, que accidentia sunt domino, ut esse bipedem vel hominem, relicto vero solo quod dominus est, semper seruus ad ipsum dicitur, & paulo post: Circumscribatur ab homine esse dominum, non sane amplius seruus ad dominum dicitur: cum enim dominus non sit, nec seruus dicitur. Quibus verbis, inquit Complutenses, manifeste docet Aristoteles, quod sublata à termino relationis quacumque ratione absoluta si maneat relativa denominatio, vere termina relationem ergo relatio terminatur ad relatiuum uniuersaliter: uniuersaliter enim loquitur Philosophus. Hoc videtur fundamentum Complutensium ad dicendum quod sua sententia sit conformior Aristotelii.

Sed facile respondetur concedendo, quod relative dicantur ad conuentiam, quia quoties est verum, quod Petrus sit

dominus Pauli, certum est, quod Paulus sit seruus Petri, & si album sit dissimile nigro, nigrum erit dissimile albo, & si homo sit sciens conclusionem, conclusio erit scita ab homine; nec ullus de hoc dubitat. Concedo etiam, quod ablata quacumque ratione accidentaliter termino relatiui, praeter denominationem relatiui, relatiuum dicetur ad illum terminum. Sed nego hinc sequi, quod relatio terminetur ad terminum, ut habet istam denominationem relatiui: sicut enim omnes concedent, quod fundamentum non fundaret actu relationem, nisi esset actu relatio, & positio quod sit relatio, necessario fundat ipsam circumscripto quocumque alio, & tamen hoc non obstante fundamentum non habet formaliter fundare ab ipsa relatione ita quamvis non referretur pater ad filium, nisi filius haberet filiationem, & posita filiatione, circumscriptis quibuscumque aliis, referretur ad ipsum, non sequitur, quod filius formaliter terminet relationem patris, ut habet denominationem illam relatiui. Solum ergo sequitur, quod ista denominatio relativa sit concomitans, aut sequens necessario terminationem relationis sic, ut a posteriori possit ex ea colligi, quod relatiuum terminetur, vel non terminetur.

102 Obiectio secundo: Non potest intelligi relatio sine eo, quod intelligatur correlatio, correlationes enim ex Philosopho sunt simul natura & cognitione: sed hoc non esset verum, nisi unum ex illis esset terminus alterius, vel formalis vel materialis.

Respondeo primo, negando maiorem: probabile enim est, quod quis posset cognoscere aliquem habere relationem paternitatis, antequam cognosceret alium aliquem habere relationem filiationis: quamvis enim duderet ex noua denominatione patris debere esse paternitatem in illo, qui sic denominatur, non videtur adeo necessarium, quod talem discursum applicet statim ad inferendum, quod daretur similiter filiationis relatio in filio.

Quod confirmatur, quia sicut potest quis intelligere relationem tertij generis, non intelligendo correlationem, eodem modo posset etiam intelligere similitudinem albi ad album non intelligendo aliam similitudinem in altero albo; imo debet necessario applicare alium discursum, ad collendum, quod sit alia similitudo mutua. Ad probationem autem maioris dico non esse sensum Philosophi, quod relationes simul necessario cognoscantur, sed quod neutra ex natura sua praexigat cognitionem alterius.

Respondeo secundo, supponendo veritatem maioris, negando minorem: quia ratio cur relatio non possit intelligi sine correlatione non est, quod correlatio esset terminus eius; sed quod causae determinantes intellectum, ad intelligendam relationem, sunt sufficienter applicatae ad determinandum ipsum ad intelligendam correlationem, & propterea, cum sint causae naturales, necessario determinant ipsum.

103 Obiectio tertio: In Divinis paternitas habet pro termino filiationem, aut saltem filatio est de ratione intrinsecè constitutiva termini ipsius: ergo similiter in creatis. Propter hanc obiectiōē Complutenses videntur existimasse suam sententiam congruentiorem Christianæ Philosophiæ, & Theologiæ.

Respondeo negando consequentiam: & ratio disparitatis est, quod filatio sit constitutiva filij in esse personæ realiter distinctæ à patre; & cum terminus debeat esse realiter distinctus à re relata, hinc filatio intrinsecè ingreditur constitutionem termini paternitatis: in creatis vero filatio non est, quæ constituit rem, quæ est filius, in esse personæ realiter distinctæ, & propterea non est necessarium, ingrediatur constitutionem termini paternitatis. Falsum autem est, quod dicunt Complutenses, ex ratione relationis ut sic, oriri, ut terminent se inuicem, cum ex dictis, cum etiam quia si ex ratione relationis ut sic oriretur, ut relatiuum deberet referri ad aliud relatiuum constitutum per aliam relationem, quemadmodum refertur Pater divinus ad Filium, sequeretur, quod relationes tertij generis, sic deberent referri, quod falsum est secundam omnes: nam licet referantur ad relatiuum secundum autores primæ sententiæ, tamen non referuntur ad relatiuum con-

stitutum per aliam relationem, alias essent mutuae relationes. Itaque, quod relationes diuinæ referantur ad se inuicem, non oritur etiam ex eo, quod sint diuinæ, & substantiales, ut aliqui dicunt, quia relatio similitudinis, quam dicit pater ad filium, non terminatur ad correlationem; & tamen est diuina, & substantialis, & infinita: oritur ergo ex ratione iam dicta, quia ipsæ sunt constitutiva intrinseca extremitorum in esse realiter distinctorum; & consequenter, quandoquidem relatio omnis terminetur ad terminum realiter distinctum à suo fundamento, paternitas diuina debet terminare filiationem diuinam, per quam constituitur filius realiter distinctus à patre.

Confirmatur, quia relatio in diuinis constituit suum fundamentum in esse realiter distincto à termino, & non presupponit fundamentum à termino realiter distinctum, quamvis relatio creata hoc non habeat: ergo posset relatio in diuinis terminari ad relatiuum; licet relatio creata sic non terminaretur.

104 Obiectio quartò: Sequeretur, quod Deus ponetur sub propria ratione absoluta in definitione creature ordinis naturalis, & sic aliqua creatura ordinis naturalis esset naturaliter incognoscibilis; quia non posset cognosci, nisi cognito Deo sub illa ratione: sic autem nequit cognosci naturaliter.

Respondeo, sub quacumque ratione referatur creatura ad Deum, Deum debeat ponī in definitione creaturæ, & si illa ratio nequit naturaliter cognosci, nec creatura etiam ut sic relata, cognosci poterit, & ut sic etiam erit incomprehensibilis; quatenus tamen refertur ad Deum sub conceptibus, quos possumus habere naturaliter de ipso, sic poterit cognosci naturaliter.

Præterea hoc argumentum virgeri potest contra Complutenses qui eo vtuntur: nam certum est, ut cognoscatur relatio aliqua, sive terminetur ad absolutum, ut nos tenemus, sive ad relatiuum, ut tenent aduersarij, debere necessario cognosci terminum, qui terminat ipsam non solum secundum esse relatiuum formaliter, sed secundum esse absolutum, quod denominatur relatiuum: verbi gratia ut cognoscatur similitudo fuodata in albo, debet necessario cognosci album, quod terminat ipsam: & non solum sufficit cognoscere, quod terminet; sed debet cognosci sub ratione albi, alias non sciimus illam relationem, quæ in albo fundatur, esse similitudinem potius, quam dissimilitudinem, ut est evidens: tunc sic: ergo si aliqua creatura dicat relationem ad Deum, debet cognosci Deus non solum sub denominatione relativa, sed sub ratione illa, quæ praexiguntur in ipso, ut habeat illam denominationem, & sic corrigit tota difficultas obiectiōē, ut manifestum appetat.

105 Obiectio quinto: Illud est terminus relationis, quo posito ponitur, & quo ablato aufertur: sed posita correlatione ponitur, & ea ablata aufertur: ergo.

Respondeo, distinguendo maiorem: si sit aliquid prius, transeat, si non sit, nego maiorem: correlatio autem non est prior relatione.

Respondeo secundo, simpliciter negando maiorem, quia sic fundamentum proximum esset terminus, quia eo posito & ablato ponitur & aufertur relatio.

Obiectio sexto: Datur oppositio inter correlativa, quæ talia formaliter: ergo unum correlatiuum formaliter terminatur ad alterum formaliter.

Respondeo, negando consequentiam, solum enim sequitur, quod unum ex ipsis sit distinctum realiter ab altero, & quod terminetur ad aliquid, ad quod non terminatur alterum, & quod non possit esse in eodem fundamento cum altero, quod non est contra nos.

Respondeo tertio, distinguendo consequens, quatenus sunt opposita, transeat; quatenus referunt fundamenta sua alio modo, nego.

QVÆSTIO VIII.
Virum una Relatio possit fundare aliam relationem.
106 Sensus huius questionis est, an quemadmodum unum albū refertur ad aliud per relationem similitudinis, distinctam realiter aut modaliter ab extremitate, ita etiam illa similitudo refertur per aliam relationem similitudinis.

litudinis ad aliam similitudinem, aut per relationem dissimilitudinis ad paternitatem, aut alias relationes, quibus est dissimilis.

Prima sententia est negativa. Ita D. Thomas 1.p. quæst. 42. ar. 1. *Caret. Canariensis, Vasq. Molin. Ferrar. 4. contra gentes, Soncin. 5. Metaph. quæst. 29. Didacus à Iesu disp. 14. q. 3. & alii.*

Secundam sententiam extreme oppositam & affirmatiuam tenet Doctor in 2. dist. 1 q. 4. & in 4. dist. 6. q. 10. quem præter suos sequuntur *Suar. disp. 47. Metaph. sect. 1. Ruyus quæst. 11. huius predicationi.*

CONCLVSI O.

107 Hac secunda sententia, tenens unam relationem posse fundare aliam relationem, est vera.

Probatur primo, quia duæ paternitates sunt eiusdem speciei, & possunt esse sine se inuicem: ergo tam bene dicunt relationem similitudinis ad se inuicem, quam duo homines, vel duæ albedines. Probatur consequentia, quia ideo duæ albedines dicunt relationem similitudinis superadditam, quia sunt eiusdem speciei, & possunt esse sine se inuicem.

Respondent aliqui, duas paternitates non esse eiusdem speciei proprie loquendo. Contra quia sic posset dici, quod duæ albedines, aut duo homines non essent eiusdem speciei proprie loquendo; eadem enim est ratio de utrilibus.

Dices disparitatem esse, quia ex eo quod paternitates essent eiusdem speciei proprie loquendo, sequeretur inconveniens, nimirum processus in infinitum; hoc autem non sequeretur ex eo quod Petrus, & Paulus essent eiusdem speciei proprie loquendo.

Contra primo, quia falsum est sequi illud inconveniens, vt patebit ex solutione obiectionis.

Contra secundum, quia quidquid inconvenientis sequitur ex eo, quod relationes essent eiusdem speciei proprie loquendo, sequitur etiam ex eo, quod quæcunque alia individua essent eiusdem speciei, est enim eadem ratio colligendi de uno, ac de aliis, & propterea si sequatur inconveniens ex eo quod aliqua ex illis sint eiusdem speciei, sequitur etiam ex eo quod illa ex illis sint eiusdem speciei.

Confirmatur, quia qui soluet argumenta contra identitatem specificam relationum, potest argumenta soluere contra identitatem specificam hominum: ergo debet negare talem identitatem inter homines etiam.

Confirmatur secundum, quia non potest assignari quid sit esse eiusdem speciei proprie loquendo, nisi duæ paternitates sint eiusdem speciei proprie loquendo.

108 Respondent ergo alii, duas paternitates esse similes essentialiter, & dissimiles etiam aliis relationibus, non tamen per relationem à se realiter distinctam; & consequenter ex identitate, seu similitudine duarum relationum non colligi quod una relatio possit fundare alteram à se realiter distinctam.

Contra hoc replicant aliqui Scotistiæ, quod inde sequetur eandem relationem esse primi, & secundi generis, esse similitudinem, & dissimilitudinem: sed hoc est absurdum, quia similitudo, & dissimilitudo sunt species completae relationis essentialiter oppositæ: ergo non possunt identificari realiter, & consequenter una relatio non possit esse realiter similitudo, & dissimilitudo primi, & secundi generis.

Vrum hac replica non videtur multum vigere in sententia ipsiusmet Scoti, & horum Scotistarum, quia relatio similitudinis albi ad album est dissimilis ipsi albo, quod refert, & tamen non per aliam relationem, & consequenter est realiter similitudo, & dissimilitudo. Similiter relatio, in qua ponunt Scotistiæ hi cum Scoto statum ita ut non possit fundare aliam relationem, est similis & dissimilis aliis relationibus, & tamen non per relationem à se realiter distinctam: ergo non est absurdum, quod eadem relatio sit realiter similitudo & dissimilitudo respectu diversorum terminorum, aut quod sit relatio priuata secundi generis. Ad id autem quod opponitur in

R. P. Ioan Ponci Curs. Philosoph.

replica nimirum similitudinem, & dissimilitudinem esse species completas relationis, vt sic, concedendum est de similitudine & dissimilitudine realiter distinctis, ne-gandum vero de similitudine & dissimilitudine realiter identificatis; aut certe fatendum est species completas & distinctas posse identificari realiter.

109 Contra ergo illam solutionem aliter: Quidquid est Melior refutatio respon-sionis.
seipso tale, non potest esse quin sit tale: sed paternitas potest esse & non esse similis alteri paternitati, quando scilicet altera non existet: ergo non est similis alteri paternitati seipso, sed per similitudinem à se distinctam. Probatur maior à posteriori, quia colligimus aliquid non esse seipso tale ex eo, quod possit esse, quin sit tale: ergo quod potest esse quin sit tale, non est seipso tale. Probatur etiam à priori, quia quidquid habet necessario formam, à qua denominatur tale, necessario est tale semper: sed quidquid est seipso tale, habet necessario & semper formam à qua sic denominatur, nimirum suam entitatem: ergo necessario est semper tale.

Confirmatur hoc, quia eodem modo quo dicitur paternitas esse similis alteri seipso, posset dici quod albedo esset similis seipso: sed consequens est falsum secundum aduersarios: ergo & antecedens. Ut autem vis huius rationis nostræ melius capiatur, & tota hæc materia.

110 Aduertendum est, præcipuum, imo solum fundamentum asserendi, & probandi, quod dentur relationes realiter distinctæ à fundamento, esse novam denominationem intrinsecam, quam possit res habere & non habet: illa enim noua denominatione, si sit ad aliud, erit relativa, & consequenter proueniet à relatione, & si possit esse fundatum sine tali denominatione, inde colligitur quod relatio, à qua prouenit, sit realiter distincta à fundamento. Quod si fundatum non possit esse sine aliqua tali denominatione, etiam relativa, quam haber, certe nullum superest fundatum colligendi, quod relatio, à qua prouenit talis denominatione, sit realiter distincta ab illo fundamento: & hinc optime concludit Scotus, quod omnis relatio creaturæ ad Deum, sine qua nequit esse creatura, sit identificata realiter creaturæ.

Hoc bene animaduerso non erit difficile scire quænam relationes realiter identificantur suis fundamentis, & quæ non. Cum ergo paternitas possit esse sine denominatione similis ad aliam paternitatem, optime colligitur quod illa similitudo, à qua sic denominatur, sit realiter distincta ab ipsa, & consequenter quod una relatio possit fundare aliam relationem.

111 Obiectio primæ: Ideo in communi & vera sententia vno materiæ ad formam non vnitur materiæ per aliam vniōnem, quia ipsam est ratio formalis vniendi, & similiter inherentia actualis accidentis ad subiectum non inheret accidenti per aliam inherentiam, sed seipso, quia est ratio formalis inherendi, hoc est ratio, à qua formaliter habet accidens inherere: ergo quandoquidem paternitas sit ratio formalis referendi patrem, non debet ipsa per aliam relationem referri.

Respondeo distinguendo consequens: ad patrem, seu ad filium, concedo consequentiam; ad aliquid aliud, nego consequentiam. Itaque ex hac obiectione solum habetur quod quemadmodum vno materiæ ad formam non vnitur ipsi materiæ aut formæ per aliam vniōnem, quia ipsa est ratio essentialis vniendi ipsa, ita etiam paternitas, quia est ratio essentialis referendi patrem ad filium non potest referri ad patrem aut filium per ullam aliam rationem: & totum hoc est verum, & fundatum in doctrina iam præmissa, quod scilicet non est necessarium, vt denominatio, sine qua subiectum nequit esse, proueniat à forma realiter distincta à subiecto. Hinc enim sequitur quod, quādoquidem vno nequeat esse quin sit vniita materiæ, & formæ, eo modo quo vnitur ipsis, non habeat denominationē vniū ad ipsa per aliam vniōnem à se realiter distinctam: & idem de inherentia accidentis ad subiectum, & de paternitate etiam comparata ad patrem & filium. Quod si vno possit vniiri alicui, sine quo posset esse, certe deberet vniiri ipsi per aliquid aliud, & non seipso, vnde si vniōnes partiales animæ ad corpus vniāntur inter se, certe debent vniū per

vniō superadditam ipsis, quia potest quālibet ex illis esse sine eo quod vniatur alteri, nimirum vniō partialis animae ad caput potest esse sine vniō eius ad brachium. Cum ergo paternitas possit esse sine similitudine ad aliam paternitatem, sequitur quod, si sit similis ipsi, hoc habeat ab aliquo alio realiter distincto.

Cur vniō nequeat vniō per aliam vniō, relatio vero possit referri alia relationē.

112 Quod si queras, quare, si similitudo vna potest esse similis alteri similitudini per relationem distinctam, similiter vniō materiae ad formam non possit vniiri aliis extremis per aliam vniō.

Respondeo solutionem huius non spectare ad propositum, quia ad propositum solum spectat scire, vtrum si vnitetur, vniretur per formam à se distinctam, an seipsa; an autem possit vniiri vel non possit, est alterius considerationis.

Confirmatur hoc, quia aduersarii fatentur vnam similitudinem esse similem alteri, licet non per similitudinem à se distinctam, & tamen non concederent vniō materiae ad formam esse posse vitam aliis extremis, nec per seipsum, nec per formam à se distinctam, ergo non ex eo quod relatio possit referri ad alia quam ad illa extrema, quae refert, potest colligi quod vniō possit vniiri aliis extremis, quam illis quae vniū; ratio autem huius, vt dixi est alterius considerationis, & impertinens ad propositum.

Tamen vt hoc etiam sciatur, Respondendum est rationem esse, quod vniō habet ex natura non posse esse in aliis extremis, nisi vniat, quia hoc est officium & essentia eius vniō extrema, inter quae reperitur; quare si vnitetur aliis extremis quam materiae & formae, deberet vniō illa extrema: & consequenter esset ratio essentialis vniendi illa: sed hoc est falsum, quia sic non posset esse, quin reperiretur inter illa, & quin illa vnitetur, quod est absurdissimum.

113 Obiectio secundò principaliter: Si relatio fundaret relationem, sequeretur processus in infinitum, quia sicut vna fundaret vnam, sic alia alteram, & sic in infinitum; non est enim maior ratio, quare similitudo albi ad album esset similis alteri similitudini per similitudinem à se distinctam & in se fundatam, quam illa similitudo in ipsa fundata esset similis per alteram similitudinem, & sic in infinitum.

Respondent ad hoc, quod est fundamentum principale oppositae sententiae, quidam Scotista, quod non daretur processus in infinitum, quia cum fundamentum relationis debeat esse perfectius relatione in ipso fundata, aliquando deueniretur ad aliquam relationem, quae esset tam exiguae entitatis & perfectionis, vt non posset fundare aliam relationem.

Sed hæc responsio non placet, tum quia fundamentum rei subiectaræ non debet semper esse perfectius illa re, vt supponit responsio, nam qualitas secunda communem omnium sententiam est perfectior quantitate, & tamen subiectatur in ipsa; tum etiam & præcipue, quia si potest in illa relatione, quae est tam exiguae perfectionis, saluari noua denominatione sine noua forma, potest in quacunque alia re, & sicut soluerentur argumenta in uno, ita soluerentur in omnibus.

Confirmatur primò, quia si est tam exiguae entitatis, vt non possit fundare aliam formam relatiuam: ergo non debet habere denominationem talis formæ, nihil enim debet habere denominationem formæ, cuius est incapax: hinc enim Angelus non potest habere denominationem quanti, quia non potest habere ipsam quantitatem molis, à qua prouenit talis denominatio.

Confirmatur secundò, quia si potest saluari denominatio noua absque noua forma, ex eo quod fundamentum sit iam exiguae entitatis, vt non possit recipere nouam formam, posset dici quod prima relatio esset tā exiguae perfectionis, vt non posset fundare alteram, & non est illa ratio, quae probaret oppositum, quia omne argumentum quod posset fieri ad probandum quod esset perfectio sufficiens in prima relatione, posset solvi sicut solueretur ab aduersariis de ultima relatione.

Confirmatur tertio, quia satis probable est nullam relationem dicere perfectionem aliquam præter perfectionem quae est bonitas entis vt sic, quae etiam reperiretur in

quocumque ente, atque adeo in ultima relatione, in qua esset status.

114 Respondet ergo Suarez primò non esse absurdum quod darentur infinitæ relationes actu; relationes enim sunt minimæ entitatis. Sed reuera contra infinitatem categorematicam relationum faciunt omnia argumenta, quæ probant non dari infinitum actu in multitudine: nam ad huiusmodi infinitum, vt tale, impertinens est perfectio aut imperfectio entitatum, ex quibus consistit. Deinde vt postea ostendemus, falsum est quod sequeretur ex conclusione dari istum processum in infinitum.

Respondent etiam secundò negando sequelam, quia licet vna relatio fundare possit aliam relationem distinctæ denominationis, v. g. paternitas similitudinem, similitudo dissimilitudinem; tamen vna relatio nequit fundare aliam relationem eiusdem denominationis, v. g. similitudo nequit fundare aliam similitudinem, nec paternitas paternitatem: non dantur autem tot relationes diuersarum denominationum, quot sufficiunt ad processum in infinitum.

Verum neque hac etiam solutio placet propter duo, primum est, quia si potest similitudo esse similis de novo sine alia forma superaddita, quare etiam paternitas non posset esse similis de novo sine forma superaddita.

Dices: Quia nihil potest dare denominationem similis nisi sit similitudo, vel habeat similitudinem: paternitas autem est similis: ergo cum non sit similitudo, debet habere similitudinem à qua sie denominetur: similitudo autem est similitudo, & propterea potest habere denominationem similis à seipso.

Contra, quia vt supra dixi, implicat quod aliquid sit se ipso tale, nisi sit necessario tale: ergo si similitudo non sit necessario similis alteri similitudini, sine qua potest esse, non erit seipso similis ipsi. Deinde vnde colligitur, quod paternitas non sit realiter similitudo, non quae denominat aliud simile, sed quae denominat seipsum similem, si similitudo sit similitudo, à qua ipsa denominatur similis? Vt aduertatur autem vis huius ultimæ replicæ, aduertendum in sententia Suarei, similitudinem posse considerari duplitter, & vt denominat aliud simile, & vt denominat seipsum similem, & secundum utramque rationem est similitudo. Vis ergo replicæ consistit in hoc, quod non possit assignari ratio, cur paternitas non possit habere rationem similitudinis posteriori modo, licet non possit habere rationem similitudinis priori modo.

Secundum est, quod non saluat processum in infinitum, quia, licet similitudo non possit fundare similitudinem, tamen potest fundare dissimilitudinem, & dissimilitudo illa potest fundare similitudinem alteram, & illa alia similitudo aliam dissimilitudinem, & sic in infinitum.

115 Itaque Respondeo, alij ex principiis Doctoris nostri negando sequelam, quia, vt antea dixi, nulla res refertur ad aliam rem, sine qua nequit esse, per relationem à se realiter distinctam; non enim potest habere ad tales rem nouam denominationem; noua autem denominatione est vniqa & potissima via colligendi relationem distinctam realiter à fundamento. In processu vero multarum relationum aliquando venietur ad relationem aliquam, quae non habebit aliquem terminum, sine quo posset esse, ad quem referretur per relationem aliam à se realiter distinctam, & consequenter in illa relatione dabatur status, v. g. paternitas Ioannis est similis paternitati Petri similitudine à se realiter distincta, illa ratiō similitudo non est similis similitudini, quae fundatur in paternitate Petri per similitudinem à se distinctam, quia nequit esse similitudo paternitatis Ioannis ad Petri paternitatem, quin sit similitudo paternitatis Petri ad paternitatem Ioannis.

116 Dices: Hinc habetur, quod similitudo illa nō possit per aliam referri ad similitudinem sibi correlatiue oppositam, sed non habetur quin possit referri aliquid aliud per relationem à se distinctam.

Respondeo posse referri ad quemcumque alium terminum, sine quo nequit esse, per relationem à se distinctam: sed non sunt infinita actu existentia, ad quae sic referri possit, & consequenter non habebit infinitas relations.

Dices adhuc: Sicut illa potest habere similitudinem ad illud

aliud, ita similitudo in ipsa fundata potest rursus ad aliud habere similitudinem.

Respondeo, semper hoc esse verum, antequam veniat ad relationem illam, quæ non haberet aliquid, sine quo nequicet esse: quod autem aliquando veniretur ad talem, pater, quia semper in progrediendo debet assignari pro termino, ad quem referretur relatio, aliquid distinctum à terminis relationum præsuppositorum: nam nequit esse sine illis terminis, & consequenter ad illos non referretur per relationem à se distinctam; cum ergo non sint termini in infinitum actu distincti, non ibit in infinitum in relationibus.

117 *Sed queres*, adhuc quare saltem fundamentum ultimum istius ultimæ relationis, nimirum Ioannes, aut Petrus, non referretur relatione reali ad illam ultimam relationem; videtur enim, quod possit sic referti, quia potest esse sine illa: quod si possit, sequitur de facto dari infinitas relationes, quia si Ioannes dicat relationem dissimilitudinis ad paternitatem, similiter dicet aliam relationem dissimilitudinis ad illam dissimilitudinem, & aliam ad illam, & sic in infinitum, quia potest esse sine omnibus illis.

Respondeo, nullum subiectum referri ad relationem in se subiectatam, sive mediate, sive immediate per relationem distinctam ab ipsa, quamvis possit esse sine ipsa: sicut enim relatio subiectata in subiecto potest referre ipsum ad alia, ita etiam potest ipsum referre ad seipsum; & hoc colligitur etiam ulterius ex eo, quod non esset signum aliquid distinctionis realis inter relationem qua referretur Ioannes ad paternitatem suam, & paternitatem: ergo non debet dici, quod refertur ad paternitatem per relationem realiter distinctam ab ipsa.

Deinde non ex denominatione noua quomodo cumque colligitur relatio realis distincta ab extremis, quæ ad se inuicem denominantur, sed ex denominatione noua, quæ posset non esse, quamvis quodlibet ex extremis existet. Cum ergo relatio subiectata in subiecto non possit existere, quin subiectum habeat necessario omnem illam denominationem, quam ad ipsam habet, optime colligitur, quod illa denominatio non proueniat ab aliquo realiter distincto ab illa relatione.

118 *Obiectio ultimo*: Sequeretur, quod totum esse relationis non esset ad aliud se habere, quia scilicet præter hoc, quod est referre fundatum, adhuc esset subiectum alterius relationis.

Respondeo breuiter negando sequelam, & ad probationem dico, quod esse subiectum alterius relationis duobus modis potest intelligi, actu scilicet, vel aptitudine: & quovis modo intelligitur, non est de essentia relationis; non si intelligatur actu, quia relatio potest esse sine eo, quod actu subiectum aliam relationem; non etiam si intelligatur aptitudine, quia illa aptitudo non est nisi proprietas relationis, proprietas autem non est de essentia rei. Deinde quando dicitur, quod relatio habet totum suum esse ad aliud, sensus est quod nihil aliud faciat circa subiectum suum, quam actu ipsum referre, & quod non possit esse quin ita ipsum referat: hoc autem est verum, quamvis sit subiectum alterius relationis: ergo esse subiectum alterius relationis non tollit, quo minus tota eius essentia sit ad aliud se habere in sensu, in quo illud debet intelligi.

Q V A E S T I O I X.

Quoniam sit supremum genus Prædicamenti Ad aliquid;
& quoniam sint Proprietates Relationum.

Hanc difficultatem magis intricatam, quam utilem, absque enumeratione modorum dicendi expediam:

C O N C L U S I O.

119 *Summum genus huius prædicamenti est relatio intrinsecus adueniens realiter separabilis à fundamento, communis uniuoce omnibus talibus relationibus.* Hæc in te est communis. *Probatur*, quia aliquid debet assignari; nihil autem conuenientius assignari potest quam talis relatio.

Obiectio: Non potest abstrahi ab omnibus relationibus huius prædicamenti aliqua ratio communis prædicamen- talis: ergo non debet assignari aliquid unum supremum genus huius prædicamenti. *Probatur* antecedens, quia

R. P. Ioan Ponci Curs. Philosoph.

non potest abstrahi ab omnibus fundamentis relationum particularium aliquid unum fundamentum vniuersum ipsis: ergo neque potest abstrahi à relationibus illis particularibus aliqua relatio una, ipsis vniuersa. *Probatur* consequentia, quia illa relatio deberet habere unum fundamentum abstractum à fundamentis aliarum relationum.

Respondeo negando antecedens cum consequentia suæ probationis, & probatione eiusdem: quia cum relationes possint fundari in rebus primo diuersis, v. g. in rebus diversorum prædicamentorum, quæ non conueniunt in aliquo conceptu communi prædicamentali, non est necesse ut relatio, ut sic, habeat fundamentum unum prædicamentale; & eadem etiam ratione sequitur, quod non debet habere aliqua unum terminum prædicamentale. Itaque fundamentum relationis ut sic non debet esse aliquid unum determinatum, sed sufficit ut sit indeterminatum.

Dicere: Relationes sumunt speciem à fundamento & termino: ergo relatio ut sic, debet habere aliquem unum terminum & aliquid unum fundamentum. *Respondeo* distinguendo antecedens: relationes, quæ distinguuntur specie, aut numero ab aliis, transeat; quæ non sic distinguuntur, nego antecedens: relatio autem ut sic non distinguuntur specie, aut numero ab aliis, quandoquidem includatur in omnibus illis essentialiter.

120 *Obiectio secundo*: Relationi omni debet correspondere correlatio: ergo & relationi ut sic, & consequenter non datur una aliqua relatio, quæ sit supremum genus huius prædicamenti. *Probatur* hæc consequentia, quia relatio, quæ est supremum genus, est communis omnibus aliis relationibus, & superior illis: sed relatio habens correlationem non est superior illa: ergo quandoquidem nulla possit dari relatio sine correlatione, non potest assignari relatio quæ sit supremum genus.

Respondeo negando antecedens, quia relationes tertii generis non habent correlationes secundum communem sententiam, ex quo patet manifeste quod relatio ut sic, quæ est supremum genus huius prædicamenti, correlationem non habeat: quia si haberet, necessario omnis relatio contenta sub ipsa, deberet habere correlationem.

Respondeo secundo distinguendo antecedens: relationi cuique particulari, transeat; relationi, ut sic, abstractæ ab omni relatione, nego antecedens.

121 *Hæc de prima parte quæstionis sufficient;* quantum autem ad secundam, *Prima proprietas relatiuum* est habere contrarium. *Hæc autem*, si de contrario proprie dicto intelligatur, non conuenit omnibus relatiuis, imo nullis formaliter ut talibus conuenit, sed solum ratione fundamenti; nunquam enim una relatio potest formaliter ratione sui expellere aliam relationem; sed ex eo quod fundamentum proximum relationis vius expellat formaliter fundamentum proximum alterius relationis; tanquam suum contrarium, dicitur etiam relatio, quæ sequitur ad ipsum, expellere relationem sequentem ad alterum fundamentum, quod expellitur; v. g. dissimilitudo, quam habent duo patentes in albedine & nigredine, dicitur habere pro contrario similitudinem in albedine aut nigredine, quia, si introducatur albedo in extremo nigro, aut nigredo in extremo albo, expelleretur illa dissimilitudo, & loco ipsis esset similitudo.

Confirmatur hoc, quia *Philosophus* cap. de Quantitate dixit relationes non habere contrarium: ergo cum hic dicat quod habent contrarium, debet intelligi in sensu fundamentali, non formalii, modo iam explicato.

122 *Secunda proprietas* est suscipere magis & minus: quod etiam intelligendum est fundamentaliter, seu ratione relationis fundandi, aut terminandi, nam similitudo intenditur aut remittitur non per se, sed ex remissione aut intentione albedinis, v. g. siue ex parte fundamenti, siue ex parte termini: & ratio huius est, quia sicut relationes huius prædicamenti non producuntur per se, hoc est, actione ad illas immediate terminata: ita neque intendi, nequemitti possunt per se, sed tantum ratione alterius. Sed controuertitur hic, utrum quando intenditur similitudo v. g. acquiratur aliqua noua entitas relativa; an vero prior

Relatio ut sic non debet habere fundamentum unum ut sic sibi correspōdens.

Relatio ut sic non debet habere correlationem.

Prima proprietas relatiuum est habere contrarium.

Secunda proprietas est suscipere magis & minus.

similitudo destruatur, & alia destruta succedat ipsi. Quia in re nihil video certi, sed utrumque existimo esse probabile, cum non sit ratio virginis contrarium; utrumque tamen res est patui momenti. Magis tamen probabile puto quod non destruatur relatio praecedens quando intensio sit per additionem gradus ad gradum in fundamento eius, v. g. in albedine: nam tum sufficit pars similitudinis subiecta in novo gradu, in quo si produceretur tota similitudo de novo, deberet pars eius subiectari, quando etiam similitudo intendetur per ablationem alicuius gradus fundamenti non deberet similiter tota destrui, sed pars correspondens isti gradu, nec illa nova deberet produci. Si vero intendatur per destructionem totius rationis fundandi, aut rationis terminandi, & productionem nouae, similitudo totaliter destruetur, & alia totalis succedit.

Tertia pro-
prietas, dici
ad conuer-
tentiam.

123 Tertia proprietas est quod dicantur ad conuentiam, id est, quod sicut unum relatum dicitur ad alterum, ita alterum dicatur ad ipsum: sic pater dicitur filij pater, & filius dicitur patris filius: & hoc etiam habet locum in relatiis tertij generis, quia sicut intelligens dicitur intelligens tale obiectum, ita obiectum dicitur obiectum talis intelligentis, quamvis non habeat relationem realem ad ipsum.

Quarta pro-
prietas, esse
similis natura.
Quarta pro-
prietas, esse
similis natura.

Quarta proprietas est quod sint simul natura, hoc est, quod illa correlativa, quae dicuntur ad conuentiam, sint talis naturae, ut cum unum non sit causa, aut principium alterius, nec identificatum ipsi realiter, unum tamen non possit existere sine altero, nec e contrario. Nihil enim aliud denotat simultas naturae correlativorum, quam hoc.

Dices patrem causare filium. Respondeo patrem formaliter non causare filium, sed patrem fundamentaliter.

Quinta pro-
prietas, esse
similis cogni-
tione.

Quinta proprietas est quod sint simul cognitione, id est quod unum ex natura sua non perat cognosci ante alterum, sed aequi unius cognitio exigatur ad cognitionem alterius, sicut alterius ad cognoscendam ipsam.

Advertendum autem, has non esse proprietates quarto modo: quædam enim non conueniunt omnibus, & quædam non conueniunt solis. Et hæc de Relatione.

DISPUTATIO XVI.

DE QUALITATE.

NON longius differendus Qualitatis tractatus, quæ, si perfectio consideraretur, secundum locum post Substantiam occupare deberet.

QVÆSTIO I.

Quid sit Qualitas, & utrum sit perfectior Quantitate.

Non queritur de Qualitate, prout qualitas significat quæcumque formam actuante, seu informantem, seu inherenterem, sive sit essentialis, sive accidentalis, sic enim qualitas non est alicius determinati prædicamenti, sed quædam qualitas est de prædicamento substantiae, quædam de prædicamento qualitatis, quædam de ceteris prædicamentis omnibus: omne enim, quod in quale prædicatur est qualitas in hoc sensu; & propterea cum differentia & accidentis quocunque prædicentur in quale, erunt etiam qualitates. Sed queritur de qualitate prout dicit determinatum genus entium, quæ ponuntur in uno solo prædicamento distinto à ceteris nouem prædicamentis.

In explicanda autem natura qualitatis ut sic in hac acceptione, varijs sunt modi dicendi: & quidem ipsemet Philosophus hic definit, seu describit qualitatem esse, qua tales dicimur. Sed contra hanc descriptionem statim occurrit difficultas communis, quod idem describatur per ordinem ad seipsum: nam quale formaliter dicit ipsam qualitatem, & quemadmodum ridiculum esset ignorantia naturam albedinis explicare ipsam per ordinem ad album, ita hæc descriptio non satis apta videtur.

Confirmatur, quia qui ignorat qualitatem ut sic, ignorabit etiam quid sit quale ut sic: ergo non poterit manuci ad cognoscendam qualitatem proponendo ipsi, quod sit constitutivum qualis ut sic.

2 Propter hæc reprehenditur prædicta definitio ab **Hurtado** & aliis, sed defenditur à **Complutensibus**, qui addunt, quod vix potuit commodius explicari qualitatis ut sic natura, quam per eius effectum formalem, significatum nomine sui concreti; quod nobis est aliquantulum notius, quam in abstracto, supponunt autem quale esse notius, quam qualitatem; unde etiam negarent antecedens confirmationis.

Sed contra, quia falsum est quod ulli possit esse notius album, quam albedo, aut quantum quam quantitas: cum enim impossibile sit concipere quantum, nisi per modum habentis quantitatem, aut quale nisi per modum habentis qualitatem, profecto impossibile est ut sit notum aliqui, quod aliquid sit quantum, aut quale, nisi sit notum illi, quid sit quantitas, aut qualitas.

3 Melius explicaretur Philosophus dicendo quod descriperit natura qualitatis hoc modo, supponendo quod non dicemur quales à quantitate, aut illa relatione, & quod ex institutione communi vocis huius nemo intelligeret quantitatem, aut illam relationem adhærere rei, quæ denominaretur qualis; sed quod intelligeretur per hoc aliam aliquam formam accidentalem adhærere ipsi: hoc enim supposito, non male dixit qualitatem ut sic, esse illam formam, à qua habent res denominationem qualis. In re autem conueniret hæc descriptio hoc modo explicata cum alia, qua diceretur quod qualitas est accidentis, quod nec est quætitas, nec relatio intrinsecus adveniens, nec relatio illa ex sex ultimis prædicamentis. Quæ descriptio, licet non significaret nobis positivè naturam qualitatis, ita tamen describeret eam, ut per hanc descriptionem posset facile quis cognoscere omnem formam in particulari propositam esse, vel non esse qualitatem: nam si cui proponeretur albedo, eo ipso quod videret quod non esset quætitas, nec relatio illa, posset colligere, quod esset qualitas. Et similiter eo ipso, quod cognosceret quod intellectio non esset quætitas, aut relatio, posset colligere quod esset qualitas & sufficiebat Philosopho dare talem descriptionem qualitatis, per quam de qualibet forma particulari, de qua dubitari posset, facile esset iudicium ferre, an esset qualitas, nec ne.

Solum occurrit difficultas, quod ut quis cognosceret iuxta hanc descriptionem aliquid esse qualitatem, deberet cognoscere naturas omnium rerum quæ spectant ad cetera prædicamenta accidentalia. Sed hoc non impedit quo minus descriptio sit bona, dat tamen occasionem inquistandi meliorem aliquam, per quam sine recurso ad cetera omnia prædicamenta possit quis cognoscere naturam qualitatis.

4 S. Thomas duas descriptiones assignat qualitatis, priam 1. p. q. 28. art. 2. dicens eam esse dispositionem substantie. Secundam 1. 2. q. 49. vbi docet qualitatem esse modum accidentalem substantie, seu, ut explicant Complutenses, accidentis modificativum, seu determinatum, vel imponens modum, aut denominationem substantiae. Has duas explicationes coincidere dicunt Thomista communiter, & ex nostris eas approbat quidam recentior hic.

Sed certè mihi videntur ex se satis obscura, & insufficientes ad declarandam naturam qualitatis; nam quantum ad modum loquendi, certum est, Vbi esse modum substantiae, seu accidentis determinatum ipsius ad tales locum, sicut & Quando ad tale tempus; cum enim Petrus sit indeterminatus ad hunc & illum locum, hoc & illud tempus, determinatur ad hunc locum per hoc vbi, & ad hoc tempus per hoc quando; vnde secunda definitio conueniret vbi & quando, & consequenter non esset descriptione qualitatis: & idem esset dicendum de prima, si conueniret cum secunda descriptione, ut pater.

Rursus certum est, substantiam disponi aliquo modo per quantitatem ad recipiendas qualitates, & ad agendum ac patiendum ab agentibus corporeis, quæ in rem non quantam nequeunt agere. Præterea applicatione locali disponuntur res ultimæ ad agendum in passum, quæ applicatio non est qualitas. Itaque ut prædictæ descriptiones sint bona, debet specificari in particulari quo modo disponat qualitas ut sic, aut modifcat substantiam, alii non cognoscimus naturam eius, prout distinguunt à ceteris accidenti-

Explicatio
qualitatis
assignata à
Philosopho.

Difficultas
prædictæ ex-
plicationis.

accidentibus, quæ disponunt & modificant aliquo modo.

5 Nec satis faciunt Complutenses longo discursu, quo conantur ostendere, quod omnes qualitates disponant substantiam determinando eius indifferentiam ad plura; nam licet ipsi dicant id non competere aliis accidentibus, & addant id consideranti patere; reuera tamen potius patet cōsideranti, quod id etiam competit aliis accidentibus, nam quantitas disponit substantiam ad agendum & patiendum; & hoc ubi disponit substantiam ut sit in hoc loco, si idem sit disponere ac determinare indifferentiam rei, quæ ex se est indifferentia; & idem ubi modificat etiam substantiam, & est modus eius in sensu, in quo illi explicant, quo modo particulari conueniat qualitati modifica- re. Et licet forte non conueniat ubi esse modum substantiae locatae in eo sensu, quo iuxta phrasim Hispanam dicitur; *Tiene modo, aut tiene buen modo*, qua phrasim significans secundum Complutenses exprimitur particularis ratio, quæ competit qualitati, ob quam describitur bene esse modus; tamen non videtur etiam id competere omni qualitati, nec enim potest bene dici de re calida aut frigida, ut sic præcise, *Tiene buen modo, aut eient mal modo* iuxta phrasim Hspanicam; vnde esse modum substantiae iuxta sensum istius phrasis, non videtur conuenire qualitati, ut sic, licet conueniat alicui particulari qualitati. Præterea ista phrasis Hispanica videtur significare artem, vel facultatem aliquam rationalem, qua aliquis nouit viam faciendi aliquid cum quadam gratia & solum videtur dici posse de hominibus, aut Angelis, quibus tales artes possint conuenire, ergo non bene explicatur natura qualitatis ut sic per illam phrasim.

Confirmatur tota hæc impugnatio, quia ipsi concedunt quod utraque illa descriptio conueniat formæ & figuræ, sed eo ipso conuincuntur esse malæ, quia, ut postea ostendemus, nec forma nec figura sunt qualitates huius prædicamenti.

6 Suarez disp. 42. Met. sect. 1. describit qualitatem esse accidens quoddam absolutum adiunctum substantie creata ad complementum perfectionum eius tam in existendo quam agendo. Hanc descriptionem tanquam continentem multas particulas superfluas, & non explicantem sufficienter naturam qualitatis, reiiciunt Complutenses. Et quamvis non approbem omnes impugnationes eorum; præsertim dum conantur ostendere quod ly *absolutum* superflue ponatur, postea enim ostendemus id esse falsum; tamen existimo cum ipsis reuera definitionem esse satis prolixam, & continere alias particulas superfluas, ut ly *quoddam*, ly *adiunctum substantie creata*; nam eo quod dicitur accidens, significatur quod sit adiunctum substantie creata; neque enim increare adiungi potest accidens; nec debet esse per se, alias esset substantia.

Præterea cum iisdem sentio, quod non bene explicet naturam qualitatis ut sic, quia quando dicitur quod sit complementum perfectionum substantiae tam in essendo, quam in agendo, aut hoc intelligitur collectiue ita, ut qualitati ut sic conueniat utrumque simul, & hoc falsum est, quia alias omni qualitati deberet conuenire utrumque, quod ipse Suarez non affirmit verum esse. Aut intelligitur disiunctiue sic, ut qualitas ut sic necessario debeat habere alterutram rationem ex illis, & quælibet etiam qualitas particularis: & licet id esset verum, tamen definitio non esset una definitio bona, sed plures definitiones contineret, alias posset quis definire animal ut sic bene, dicendo quod esset viuens rationale aut irrationale; quod est absurdum, Præterea alia accidentia sunt complementa perfectionum substantiae, v. g. quantitas, & figura, & forma, quæ tamen non sunt qualitates.

7 Hurtadus describit qualitatem esse accidens absolutum à quantitate distinctum. Hanc reiiciunt Complutenses, quia sex ultima prædicamenta sunt accidentia absolute à quantitate distincta. Sed postea ostendemus id esse falsum, & consequenter hæc impugnatio non valet in re, quidquid sit an valeat ad hominem. Impugnari posset præterea, quia non declarat essentiam qualitatis ut sic, nisi per ordinem ad quantitatem, cum tamen non magis de-

pendeat à quantitate quam alia accidentia, & consequenter nemo posset cognoscere naturam ipsius, nisi cognoscendo naturam particularem quantitatis: hoc autem est inconveniens, præsertim si alio modo explicari possit sine recursu ad naturam quantitatis: potest autem alio modo explicari, ut patebit ex dicendis.

Arraga disp. 5. Met. num. 28. putat qualitatem ut Descriptio sic bene describi esse accidens absolutum. *Contra primò*, Arraga re- quia quantitas est accidens absolutum, & tamen non est qualitas. *Contra secundò*, quia secundum ipsum, ubi est accidens absolutum, & quidem separabile ac conservabile absque re ubicata, & tamen non est qualitas: ergo male hoc modo describitur qualitas.

8 Mastrinus disp. 7. Log. art. 1. dicit qualitatem ut Descriptio sic esse accidens absolutum, ratione cuius subiectum qualificatum potest intendi & remitti. *Contra*, quia quamvis qualitas non esset intensibilis aut remissibilis, adhuc haberet rationem qualitatis. *Deinde* non quælibet qualitas est intensibilis; nam certe una intellectio numero non potest intendi aut remitti. *Deinde* esse intensibile & remissibile non magis conuenit qualitati tanquam proprietas, quam habere contrarium: ergo tam bene potest describi esse accidens absolutum habens contrarium, quam accidens absolutum intensibile ac remissibile.

CONCLUSIO I.

9 Qualitas optime explicatur esse accidens absolutum Qualitas est accidens ab- penetrabile. Hæc in terminis est nullius, quod sciam. solutum pe- Probatur autem, quia omni & soli qualitati conuenit hæc penetrabile. descriptio, & euadit difficultates aliorum modorum di- cendi, quos reiecit. Dicitur *accidens*, ut distinguatur à substantia; dicitur *absolutum*, ut distinguatur à relatio- nibus intrinsecus aduentibus, pertinentibus ad prædicamentum. Ad aliquid, & à relationibus extrinsecus aduentibus, spectantibus ad sex ultima prædicamenta. Dicitur *penetrabile* seu compatibile ex se cum aliis rebus in eodem loco, ut distinguatur à quantitate. Ex quo pa- tet quod omni & soli qualitati conuenit prædicta descri- ptio: quod autem evitit difficultates obiectas contra alios modos dicendi, patet discurrenti per singulas.

Dices cum Complutensibus: Ly *absolutum* non significat gradum aliquem positivum inter quantitatem & qualitatem, sed significat solum negationem relationis imme- diate fundatam in proprio uniuscuiusque ex illis consti- tutuio, sicut irrationale non significat gradum aliquem positivum inter animal, equum, & leonem, sed negationem hominis, quæ immediate fundatur in propria unius- cuiusque differentia: ergo sicut superflue definiret equus dicendo, equus est animal irrationale hinnibile, ita superflue ponitur ly *absolutum* in definitione quantitatis, aut qualitatis.

10 Contra hanc doctrinam duo mihi præcipue occur- runt: primum quod probabilius videatur quantitatem & qualitatem, sicut conueniunt siue uniuoce, siue analogice in ratione accidentis ut sic, ita etiam conuenire in ratione aliqua positiva communia ipsis, ratione cuius conuenit utrisque illa negatio relationis, & quod illa ratio positiva significetur per ly *absolutum*; vnde tam bene ly *absolutum* potest ponи in definitione ipsarum, quam ly *acci- dens*. Secundum, quod quamvis ly *absolutum* significaret talem negationem, & hæc sequeretur ad differentiam pro- prie constitutuam qualitatis, adhuc optime deberet ponи in definitione qualitatis, non quod ipsam negatio esset de essentia qualitatis, sed quod per eam significaret par- tim natura istius constitutivi, & hoc maxime locum ha- bet, quando differentia constitutiva non sufficienter con- stat nobis secundum quod distinguitur à ceteris omnibus differentiis, nisi quatenus ad eam sequitur talis negatio, ut contingit in proposito nostro: nam non sufficeret ad cognoscendam differentiam qualitatis scire, quod esset accidens penetrabile, quia alia accidentia sunt penetrabili, ut actio, passio, unio, &c. ergo necessariò debet addi, quod sit accidens absolutum penetrabile.

11 Dices secundò: Per hanc descriptionem non signifi- catur natura qualitatis positivæ, seu per ordinem ad effe-

Etum positivum eius, sed per ordinem ad negationem virtutis expulsuæ aliarum retum ab eodem loco: ergo non est bona.

Respondeo, negando consequentiam (quidquid sit de antecedente) quia sicut bene explicatur natura substantie per negationem aptitudinis ad inherendum, cur non bene explicaretur natura qualitatis per negationem aptitudinis ad expellendum alia à loco?

Quod si queratur, cur non possit dari aliqua definitio qualitatis ut sic, per ordinem ad effectum positivum, quæm tribuit substantiae, sicut potest dari de relatione & quantitate.

Respondeo, hoc oriri ex improbatione quam habet intellectus noster cum natura illa qualitatis in ordine ad eam cognoscendam, quæ improprio colligitur experientia.

CONCLUSIO II.

Qualitas est perfectior quantitate.

12 *Qualitas ut sic, est perfectior quam quantitas ut sic.* Hæc est communis cum Doctore in 4. dist. 12. quæst. 2.

Probatur primò, quia reperitur in subiecto nobiliori, verbi gratia in Angelo; *secundò* contrahitur ad perfectiores differentias: nam certum est differentiam, qua contrahitur qualitas, ut sic ad intellecationem, esse perfectiorem quam illa differentia contractua quantitatis ut sic. Quæ duæ rationes probant sine dubio conceptum qualitatis ut sic, esse perfectiorem conceptu quantitatis ut sic, & probant etiam dari aliquas qualitates, nimirum spirituales, quæ sint perfectiores quamque quantitate.

Sed non videntur sufficere ad probandum, quod quæcumque species qualitatis sit perfectior quamque specie quantitatis, & speciatim dubitari posset de qualitatibus corporalibus, subiectatis præsertim in ipsa quantitate, & dependentibus ab ipsa. Sed ex his etiam videtur certum, quod quæ sunt actiuae, & possunt producere aliquam qualitatem positivam realiter, ut calor, frigus, species impressæ, & qualitates sensibiles, quæ natæ sunt immutare sensum, sint perfectiores quantitate, si hæc etiam non habeat talē virtutem, quia actiuitas est maxima accidentium perfectio; at si quantitas habeat talē virtutem immutandi sensum, hæc ratio de actiuitate non sufficienter probat albedinem, v. g. esse perfectiorem quantitate, & quantum ad me non habeo principium, quo universaliter hoc probem, nisi supponendo, quod quandocumque aliqua ratio generica, & superior, est perfectior alia ratione generica & superiori, quod etiam differentiae omnes contractuæ illius debent esse perfectiores differentiis omnibus contractiis huius: quod principium non adeo mihi certum appareat.

Si autem teneatur omnem qualitatem esse perfectiorem omni quantitate, & obiectatur, quod plures qualitates recipiantur in ipsa quantitate, ut calor, frigus, &c. & ab ipsa dependeant: ergo sunt imperfectiores; *Respondendum est*, negando consequentiam: quia quamvis forma substantialis dependeat materialiter à materia, tamen non propterea admittitur esse imperfectior: & quamvis visio albedinis: aut etiam intellectio intuitiva eius dependeant ab albedine, non tamen sunt imperfectiora albedine. Itaque licet, in quantum est independens qualitate, & qualitas est dependens à quantitate, quantitas sit perfectior, & magis accedit ad substantialiam & Deum; tamen in aliis rationibus maioris perfectionis exceditur à qualitate, ut in spiritualitate à qualitatibus spiritualibus, in actiuitate à calore & frigore.

QVÆSTIO II.

De Divisione Qualitatis Aristotelica.

Quatuor species qualitatis à Philosopho assig- gnatae.

13 *Philosophus dicit Qualitatem ut sic in quatuor species universalis, ad quas, omnes qualitates possunt reduci, & quilibet ex his quatuor speciebus duobus nominibus expressit, modo sane satis insolito. Primam speciem vocabat habitum & dispositionem, secundam potentiam & impotentiam naturalem, tertiam passionem & patibilem qualitatem, quartam formam & figuram. Circa*

cuius divisionis sufficientiam & naturam, ut & circa singularum specierum essentiam, varijs sunt modi dicendi, ex quibus aliquos doctrinæ causa examinabimus: & quia sufficientia & natura divisionis non potest cognosci, nisi cognitis membris diuidentibus, de his prius agemus.

De Habitū & Dispositione.

14 *Certum est non capi hic habitum pro vestitu aut Quid habet ordinem ad vestitum, quia consideratio habitus hoc modo spectat ad prædicamentum ultimum; nec prout habitus capit pro omni forma opposita priuationi; quia sic forma substantialis, quæ non est huius prædicamenti, est habitus; sed capit habitus pro aliqua determinata specie qualitatis. Deinde certum est, quod dispositio non capiatur hic in illa universalitate, in qua significat quidquid quomodo cumque disponit subiectum, quia sic omnis qualitas esset dispositio, quia disponit subiectum aliquo modo; unde Thomistæ describant qualitatem ut sic per ordinem ad disponendum substantiam; sed sumitur etiam pro aliquo determinato genere, aut specie qualitatum.*

Complutenses dicunt essentiam huius primæ speciei, *Explicatio Complutensium* propt̄ comprehendit qualitates illas particulares significatas his duobus nominibus, *Habitus & dispositio*, & prout distinguuntur à ceteris speciebus qualitatis, consistere in hoc, quod sit qualitas bene vel male disponens rem in ordine ad naturam, seu per se primo ordinata ad bene vel male esse naturæ subiecti, vel secundum seipsum, ut ægritudo & sanitas, vel in ordine ad operationem: ut sunt virtutes & vitia, scientia & error.

Hæc explicatio nullo modo placet non solum, quia datur per particulam disiunctivam *vel*, quæ vix in unam bonam descriptionem cadere potest, sed præterea, quia omnis qualitas habet hoc, quod est bene vel male disponere subiectum cui inest, vel in ordine ad naturam ipsius, vel in ordine ad operationem aliquam: & sane nemo negat, quin calor male afficiat aquam in ordine ad naturam, quandoquidem iuvat ad destructionem hominis. *Præterea*: Potentia naturalis & impotentia disponit subiectum ad bene vel male operandum tam bene quam illa qualitas alia, imo melius in sententia Thomistarum, qui putant illam potentiam & impotentiam esse facultates illas, sine quibus res nequeat operari.

15 *Nec valet ad hoc responsio*, quæ posset dari ex doctrina *Complutensium*, nempe, quod potentia naturalis detur ad operandum, non curando an bene, vel male afficiat subiectum in ordine ad se, aut suas operationes: nam si habitus scientificus, verbi gratia, detur ad operandum bene, quia inclinat ad scientiam, quæ est operatio, & si habitus erroneus detur ad operandum male, quia ex se inclinatur ad operationem malam erroris, quandoquidem potentia naturalis; verbi gratia intellectus (loquor in sententia aduersariorum) ex se habeat posse concutere aliquando ad operationes bonas, aliquando ad malas, cur ex se non dicatur dari ad exercendas operationes bene, & male? *Deinde* siue detur in ordine ad hoc, siue non detur, patet saltem, quod ex se habeat hoc facere: ergo ex se habet realiter loquendo rationem illam essentialē primæ speciei, & sic non erit realiter loquendo species distincta à prima specie, quod est contra aduersarios.

16 *Confirmatur*: quando dicitur, quod prima species ordinet subiectum bene vel male, quæ an sensus sit, quod omnis qualitas primæ speciei ordinet, bene & male subiectum in se, vel in ordine ad operationem; vel quod aliqua qualitas primæ speciei ordinet male, aliqua bene; vel quod prima species sit qualitas illa, quæ abstrahit à qualitatibus ordinantibus bene, & ordinantibus male. Si dicatur primum, falsum est, quia habitus vitiatus non disponit bene, nec virtuosus male. Si dicatur secundum, non significatur una aliqua ratio communis omnibus qualitatibus primæ speciei, sicut nec significaretur aliqua ratio communis his hominibus & brutis, quādo diceretur quod daretur aliquod animal rationale, & aliud irrationalē, & quod nullum daretur animal, quod non esset rationale aut irrationalē. Si dicatur tertium, non declaratur etiam sufficienter ratio essentialis unius qualitatis ut sic, quæ est

CONCLVSI O III.

20 *Dispositio*, ut capitur prout significat qualitates huius prima speciei oppositas habitui, bene describitur esse qualitas insensibilis sensu externo, non innata, facile mobilis. Hæc patet ex precedentibus conclusionibus: nam per descriptionem qualitatis primæ speciei ut sic, distinguitur à qualitatibus cæterarum specierum, & per ly facile mobilis distinguitur à qualitatibus primæ speciei, quæ significantur nomine habitus.

Quid dispositio spectans ad primam speciem qualitatis.

17 Aversa dicit, primam speciem ut sic, comprehendentem habitum & dispositionem, esse illam qualitatem, quæ supponens potentiam operatiuam datur ad operandum: & credo quod hoc intelligat de operatione proprie dicta, quæ est actus immanens & vitalis.

Sed contra tamen est, quod etiam calor & frigus denerunt ad operandum, quatenus conduceant ad operandum aliquo modo sic, ut sine illis in aliqua debita proportione, aut intensione nequeat quis operari vitaliter, & tamen non debent pertinere ad hanc speciem primam secundum viuum. Deinde potentia naturalis, & impotentia sunt accidentia presupponentia potentiam operatiuam, & conduceant ad operandum aut patiendum, nec tamen spectant ad primam speciem: ergo non bene explicatur prima species. Denique ipsæmet operationes intellectus & voluntatis spectant ad primam speciem, & tamen non bene dicuntur conducere ad operandum: ergo male explicatur prima species hoc modo.

CONCLVSI O I.

18 Qualitas ut sic comprehendens dispositionem & habitum, prout significant solum qualitates primæ speciei, bene describitur esse qualitas insensibilis sensu externo, non sequens ex natura subiecti, seu non insita subiecto ex natura. Probatur hæc conclusio, quia omni & soli qualitatibus primæ speciei, ut sic, conuenit hæc descriptio, & absque superfluitate explicat naturam eius, ut patet declarando singulas particulæ. Dicitur qualitas quia in hoc conuenit cum omnibus aliis speciebus. Dicitur non sensibilis sensu externo, ut distinguatur à qualitatibus terriæ & quartæ speciei. Dicitur non sequens ex natura subiecti, ut distinguatur à qualitatibus secundæ speciei: quod totum magis patet ex dicendis.

Dices: Species infusæ Angelis ab initio creationis videntur spectare ad hanc speciem tam bene quam vllæ aliae species impressæ, sed tamen sunt innatae: ergo male dicuntur, quod qualitas primæ speciei ut sic non sit innata.

Respondeo negando antecedens; nam eo ipso quod sunt innatae, non spectant ad hanc speciem.

Dices: Tales species possent non esse innatae, sed tunc spectarent ad hanc speciem: ergo & nunc: alias eadem forma posset spectare quandoque, & non spectare quandoque ad hanc speciem.

Respondeo negando consequentiam, & concedendo sequelam probationis, propter dicenda conclusionem quartæ inferius.

CONCLVSI O II.

19 Habitus spectans ad hanc speciem qualitatis bene describitur esse qualitas insensibilis sensu externo nec innata subiecto, difficulter mobilis. Hæc patet, quia in hac explanatione ponitur totum, quod spectat ad naturam primæ speciei ut sic, & ulterius ponitur quod sit difficile mobilis, per quod distinguitur à dispositione. Ex hac autem descriptione patet omnes illas facilitates quas per frequentes actus acquirimus sive in intellectu, sive in voluntate, & virtutes etiam per se infusas, ac etiam gratiam sanctificantem, si ab illis realiter distinguatur, & species impressæ tam intelligibiles quam phantasticæ, seu spectantes ad potentias cognoscituas interiores, spectare ad habitum in hac acceptione.

Dices: Gratia & virtutes infusæ facile deperduntur, quia unico peccaminoso actu gratia & charitas deperduntur: ergo non spectant ad habitum, ut hic definitur.

Respondeo distinguendo antecedens: facile deperduntur physice, nego; moraliter & demeritorie, concedo, & nego consequentiam, quia in descriptione intelligitur quod habitus non sit facile mobilis, quatenus non possit physice absque demerito facile perdi.

Ad confirmationem concedo consequentiam; spectabit enim potius ad potentiam naturalem, supposito quod sit innatus.

CONCLVSI O IV.

21 Habitus ut sic supra descriptus non distinguuntur spe-
cie à dispositione ut sic supra descripta, sed solum acciden-
taliter. Hæc est Doctoris q. 36. preditamentali cum suis stigmitis
magis communiter S. Thomæ quæst. 7. de malo, Vasq. 1. 2.
disput. 78. cap. 3. Salæ ibidem q. 52. disp. 5. & alidrum
plurium contra Cajet. & Conradum. 1. 2. q. 49. art. 2. vbi
fanet ipsis S. Thomas. Suar. disp. 42. Met. sect. 6. Mon-
tesinum 1. 2. disp. 30. Lorcam ibidem disp. 1. sect. Coma-
plutenses hic q. 3. & alios.

Probatur primò, ex dictis, quia visio beatifica, quæ de facto est difficulter mobilis, spectat ad habitum, si fuisset communicata alicui in via, ut Paulo fuit in rapta pro-
babiliter, quia esset facile mobilis, spectaret ad dispositio-
nem: sed hoc est falsum, si habitus ut sic distinguueretur
specie à dispositione ut sic: ergo non sic distinguun-
tut.

22 Probatur secundò: quia facilitas acquisita per unum actum est eiusdem rationis specificæ cum illa, quæ acquiritur centum actibus: sed hæc spectat secundum omnes ad habitum, illa ad dispositionem: ergo forma eiusdem spe-
ciei variata solum accidentaliter spectat ad habitum &
dispositionem, & consequenter habitus & dispositio, ut sic, non distinguuntur specie.

Confirmatur, quia solum distinguuntur habitus ut sic, & dispositio ut sic, per hoc, quod habitus sit difficulter mobilis, dispositio sit facile mobilis; sed eidem omnino formæ potest competere accidentaliter, quod nunc sit difficile mobilis, nunc facile mobilis: ergo habitus & dispositio, ut sic, non distinguuntur specie necessariò.

Respondent aduersarij, quando dicitur quod dispositio sit facile mobilis, & habitus difficile mobilis, hoc intelligi sic, ut illa sit censenda dispositio, quæ ex natura sua non petat conseruari ita, ut sit difficile eam expellere, & illa qualitas sit censenda habitus, quæ ex natura sua petat connaturaliter sic conseruari, ut non possit nisi difficulter amoueri à subiecto: sed manifestum videtur, quod qualitas sic potens conseruari connaturaliter, & qualitas non potens sic conseruari, sint distinctæ specie, alias una non petet ex natura aliquid, quod ab altera non petetur.

Contra, quia quamvis non dubitem quin quidquid petat aliquid ex natura sua, sit distinctæ nature ab omni quod non petat illud ex natura, tamen falsum est quod omnis forma, quæ est habitus, petat ex natura sua difficulter moueri, & omnis dispositio sua id non petat; consequenter falsum est, quod in definitione habitus id intelligatur,

quod

quod ex natura sua sit difficile mobilis, & in definitione dispositionis intelligatur, quod ex natura sua sit facile mobilis: nam ut dixi inter probandum conclusionem, facilitas acquisita per duos actus, quod fatentur expressè *Complutenses*, est dispositio, & facilitas acquisita per centum tales actus est habitus, & tamen istæ facilitates sunt eiusdem omnino speciei, maxime secundum aduersarios *Thomistas*, qui negant intendi habitum per additionem graduum: ergo facilitas acquisita per duos actus non exigit ex natura sua esse facile mobilis, nec facilitas acquisita per centum actus exigit ex natura sua intrinseca esse difficulter mobilis, aut si una eadem forma simplex exigit quandoque ex natura sua esse difficulter mobilis, & quandoque facile mobilis, falsum est quod difficulter mobilitas exacta à natura, & facilis mobilitas similiter exacta à natura arguant distinctionem specificam formatum, quibus competit, & consequenter ruit totaliter responsio præmissa aduersariorum.

23 Obiicies: Intellectio lapidis in homine, v.g. est dispositio, & facilitas ad illam concurrens cum intellectu est habitus: sed certum est quod intellectio & facilitas illæ sint distinctæ speciei essentialiter: ergo habitus & dispositio sunt distinctæ speciei.

Respondeo distinguendo consequens: habitus ut sic, & dispositio ut sic: nego consequentiam; habitus aliquis particularis, & dispositio particularis, concedo consequentiam. Itaque non intendimus in hac conclusione, quod aliquis habitus particularis ex ratione sua particuli non distinguatur specie ab aliqua dispositione particulari ex ratione particulari ipsius; id enim falsum esse conuincit instantia obiectio: sed quod negamus, est, habitus ut sic & dispositionem ut sic distingui specie inter se, & etiam habitum in particulari ullum distingui abulla dispositione particulari, ex ratione habitus ut sic, & dispositionis ut sic.

Et si queratur, unde colligatur, quod quando aliqua dispositio particularis distinguitur ab habitu aliquo particulari, non distinguatur ratione habitus ut sic, & dispositionis ut sic. **Respondendum** est id colligi manifeste ex eo, quod si competeteret ipsi ratione habitus, aut dispositionis ut sic, sequeretur quod quilibet habitus, & dispositio in particulari distinguerentur specie, quod falsum esse patet ex probationibus nostris.

De Potentia naturali & Impotentia.

Facultas
identificata
rei non est
potentia na-
turalis.

24 Certum est quod non capiatur potentia naturalis hic pro facultate nulla, quæ identificatur realiter rei ad producendum aut recipiendum aliquid: nam talis facultas identificata realiter rei non potest esse accidens eidem rei, nec consequenter qualitas eius: quod autem dentur huiusmodi potentiae naturales, patet evidenter, quia calor habet potentiam productivam caloris, & materia prima habet potentiam naturalem receptivam formæ, & Deus ipse habet omnipotentiam productivam ad extra, & substantia creata habet ex se in sententia longe veriori Scotistarum virtutem productivam alterius substantiarum, & substantia intellectualis creata habet intellectum & voluntatem, quæ sunt potentiae naturales intelligendi & volendi, & tamen identificantur animæ. Itaque intelligitur aliqua alia facultas activa accidentalis superaddita substantiarum.

Impotentia naturalis non non intelligatur negatio potentiae naturalis, quia illa negatio non est qualitas, nec consequenter species qualitatis ut sic; sed intelligitur per eam facultas aliqua accidentalis superaddita substantiarum, quæ est valde imbecillis & parua.

CONCLV SIO I.

25 Potentia naturalis bene describitur esse qualitas insensibilis sensu externo, naturæ innata, qua quis inclinatur multum ad operandum, **impotentia vero naturalis** est qualitas sic insensibilis & innata, qua quis inclinatur parum ad operandum. **Qualitas autem ut sic**, communis potentiae naturali & potentiae solis est qualitas sic insensibilis & innata, qua quis inclinatur ad agendum. **Hæc** est conformis *Doctori*, & suis hic. **Probatur** quo ad omnes partes, quia

omnes illæ descriptiones omnibus & solis descriptis conueniunt, & absque superfluitate explicant ipsorum naturas, quatenus distinguuntur à ceteris qualitatibus, ut consideranti patet; nec aliquid opponi potest, nisi quod descriptio aliqua ex his tribus possit competere alicui qualitati spectanti ad primam speciem; sed ex conclusione sequenti patebit hoc non esse inconveniens: ergo.

CONCLV SIO II.

26 Potentia naturalis & impotentia ut sic non differunt inter se essentialiter, nec etiam ab habitu. **Hæc** est *Docto- ris supra*, & aliorum, quos cum ipso tum citauimus, quos etiam sequitur *Fonseca 5. Met. c. 14.*

Probatur: principalis differentia inter potentiam & impotentiam naturalem, est, quod illa sit magna, hec exigua: sed esse magnum & paruum in qualitatibus, non arguit distinctionem specificam, vt patet: ergo. **Deinde**, principalis differentia, quæ est inter ipsas & habitum, est quod illæ sint inditæ à natura, hic superadditus. Sed hoc non arguit etiam nisi distinctionem accidentalem, quia bene potest una & eadem entitas inseri à natura, & superaddi ipsi: ergo quod addatur naturæ, aut quod indatur naturæ, non arguit distinctionem specificam.

Dices, esse paruum & magnum, & esse insitum à natura, aut superadditum ipsi, non arguere distinctionem essentialiem; sed petere ex natura sua esse paruum, & petere ex natura sua esse magnum, similiter petere ex natura sua esse insitum à natura, & petere ex natura sua esse acquisitum seu superadditum naturæ, arguere distinctionem essentialiem. Cum autem dicatur, quod potentia naturalis sit magna inclinatio, & insita à natura, debet intelligi hoc secundo modo, non primo modo, quatenus scilicet ex natura sua petit esse magna & insita à natura.

Contra tamen, quia licet calor ignis petat ex natura sua prouenire ab igne, & esse ipsi innatus, calor vero aquæ non petat ex natura sua esse innatus ipsi, tamen non propterea distinguuntur specie: ergo. **Deinde** calor magnus & intensus, petit ex natura sua esse intensus, & calor parvus petit non esse intensus, & tamen non distinguuntur specie: ergo quamvis potentia naturalis peteret esse magna, & impotentia parua, & quamvis utraque peteret esse innata, & habitus peteret non esse innatus, non tamen propterea distinguuntur specie.

27 Dices non esse paritatem, quia calor parvus, licet ut parvus formaliter petat esse parvus, non tamen petit ex essentia sua esse parvus: potentia autem naturalis petit essentialiter esse magna, & impotentia esse parva, similiter quamvis calor aquæ non petat essentialiter esse innatus aquæ, tamen petit essentialiter esse innatus igni, cum sit eiusdem essentia cum calore proueniente ab igne; habitus autem ex essentia sua non petit esse innatus ulli, cui petit esse innata potentia naturalis.

Sed contra, quia non potest ostendti, cur potentia naturalis petat ex essentia sua esse magna inclinatio, potius quam calor magnus petit ex natura sua esse magnus. **Deinde** non potest colligi, cur illa entitas, quæ est habitus, non petat ex natura sua esse innata alicui subiecto.

Et confirmatur hoc maxime, quia non potest ostendti nulla differentia essentialis inter promptitudinem quam quis habet ex natura sua ad currendum & illam quam acquireret ex frequenti cursu; & tamen prima esset potentia naturalis, & secunda esset habitus.

Aduertendum autem, quod non intendam per hoc quin aliqua potentia naturalis possit esse distincta ab aliquo habitu essentialiter, & aliqua etiam impotentia naturalis à potentia naturali; sed solum me velle quod illa differentia non proueniat ex ratione potentiae naturalis ut sic, sed ex aliqua ratione particulari.

De Passione & passibili Qualitate.

28 Non accipitur hic *Passio* pro proprietate rei, quæ propria passio eius satis communiter vocatur, quia hæc vagatur per omnia praedicamenta, & in nostra sententia identificatur realiter rei cuius est: nec pro passione, quæ correspondeat actioni agentis, vel in ipsa re producta,

vel

vel in subiecto, in quo producitur, quia hæ spectat ad prædicamentum passionis, & in nostra sententia est respectus extrinsecus adueniens; nec pro affectionibus animæ, quæ ex cognitione aliquorum objectorum in nobis causantur, ut est amor, odium, gaudium, tristitia, & huiusmodi, quia licet fortassis hæ passiones sint qualitates, tamen potius spectant ad primam speciem qualitatis, quam ad hanc tertiam, & certum est aliquas qualitates spectare ad hanc tertiam speciem, quæ non sunt tales animæ affectiones, nam colores & qualitates primæ reales spectant secundum omnes ad hanc speciem, quæ tamen non sunt affectiones animæ. Itaque capitulatur hic *Passio & patibilis qualitas* pro qualitatibus determinatis distinctis à qualitatibus primæ & secundæ speciei, quarum determinatum qualitatum naturam hic breviter explicabimus.

CONCLVSI O I.

29 *Qualitas particularis* ut sic comprehendens omnes & solas passiones & patibiles qualitates spectantes ad tertiam speciem, bene describitur esse qualitas per se sensibilis sensu externo. Hæc est conformis Philosopho & Scoto hic, & patet, quia omni & soli conuenit, & absque superfluitate declarat naturam eius.

Obiicias secundum Philosophum: Ira & dementia spectant ad hanc speciem, & tamen non sunt sensibilia sensu externo: ergo prædicta definitio non competit omnibus qualitatibus tertiae speciei, & consequenter non erit bona definitio qualitatis ut sic comprehendentis omnes qualitates tertiae speciei.

Respondeo cum *Dottore quæst.* 26. *predicamentali*, non ponis eas in hac specie quasi per se spectent ad illam, sed ad exemplificandum naturam hæc qualitatum, quatenus diu durant, aut cito transiunt.

CONCLVSI O II.

30 *Passio* est qualitas per se sensibilis sensu externo cito transiens; *patibilis vero qualitas* est qualitas sic sensibilis diu durans. Hæc est communis, & patet, quia ponitur in his explicationibus ratio communis ipsis, qua inter se conueniunt, & differunt ab aliis qualitatibus; & præterea differentia particularis, qua inter se distinguuntur, nimirum cito transire, & diu durare.

CONCLVSI O III.

31 *Passio & patibilis qualitas*, ut sic, distinguuntur specie à qualitatibus prima & secunda speciei, inter se vero non distinguuntur, nisi accidentaliter. Hæc est communior cum *Dottore supra*, & patet prima pars, quia hæ ex se & ex natura sua sunt sensibiles sensu externo; illæ vero non sunt sic sensibiles: ergo sunt distinctæ speciei tam bene quam color & sonus. *Probatur etiam secunda pars*, quia eadem in specie qualitas sensibilis sensu externo potest aliquando diu manere, aliquando cito transire: sed ut diu manens esset patibilis qualitas, ut cito transiens esset passio: ergo qualitas patibilis, & passio, ut sic, distinguuntur specie, quia alias eadem specie qualitas non posset esse quandoque passio, quandoque patibilis qualitas, ut patet.

Confirmatur, quia calor respectu ignis dicitur patibilis qualitas: respectu verò aquæ dicitur passio. *Confirmatur secundo*, quia nullum est principum distinguendi essentialiter tubedinem ortam ex verecundia, quæ est passio, & tubedinem ortam ex naturali constitutione quæ est patibilis qualitas: ergo non distinguuntur essentialiter utraque tubedo.

Dices vnam habete ex natura sua, quod cito transeat, alteram quod diu perseveret, & hoc sufficere ad distinctionem specificam.

Contra, quia hoc gratis dicitur: ergo non debet asserti.

32 *Obiicias*: Sonus, qui est passio, distinguuntur specie ab omni patibili qualitate, quia repugnat ipsi ex sua natura diu perseverare: ergo patibilis qualitas distinguuntur specie à passione.

Respondeo distinguendo consequens: patibilis qualitas ut sic, à passione ut sic, nego; patibilis qualitas talis à passione talis, vel passio talis ab omni patibili qualitate, transeat consequentia, nec id est contra conclusionem, per

quam non intendimus quin aliqua passio possit distingui specie ab omni patibili qualitate sed quod hoc non competat ipsi ex ratione passionis ut sic, & patibilis qualitatis ut sic.

Ex his patet, omnia obiecta quinque sensuum extenorū, ut calor, frigus, &c. quæ percipiuntur à tactu, colorē, qui percipiuntur ab oculo; sonos, qui ab ore; sapores, qui à gusto; odores, qui ab odoratu; & etiam species visibles colorum, si tamen percipiuntur ab oculo, spectare ad hanc tertiam speciem.

De Forma & Figura.

33 Certum est non capi hic formam, quatenus significat formam substantialem, quæ informat; nec quatenus significat omne accidens, quod inhæret actu, aut aptitudine, quia forma sic accepta non spectat ad hoc prædicamentum particulariter: Et æque certum est quod figura non capiatur hic, prout dicit imaginem rei, aut typum eius, sicut capitulatur 1. Cor. 10. *Omnia in figura contingebant illis.*

Auersæ dicit formam & figuram esse qualitates non sensibiles per se, nec operatiuas: & consequenter dicit ad hanc speciem spectare actus vitales potentiarum sensituarum exteriorum, & characterem spiritualem, qui communicatur nobis per tria Sacra menta Baptismatis, Confirmationis, Ordinis. *Sed hic dicendi modus non placet*, Aversæ rei- tum quia nouus & insuetus, tum, quia illi actus vitales & character, tam spectant ad primam speciem qualitatis, quam alii actus vitales.

Dices: Alii actus vitales sunt operatiui, ut actus intellectus est productiuus habitus. *Contra* quia non ex eo quod sit sic operatiuus ponitur in prima specie, quia certum est quod ponitur in prima specie, quamvis non esset sic productiuus: unde qui negant dari habitus, adhuc ponunt actus illos in prima specie.

Confirmatur, quia secundum magis communem sententiam actus supernaturales in substantia spectat ad primam speciem, & tamen non sunt pruductiui vlli habitus secundum eandem sententiam communiorum, & certe visio beatifica non est productiuus vlli habitus.

Capitur ergo forma hic pro exteriori illa dispositione, à Quid forma qua res materialis dicitur pulchra, & speciosa, aut deformis; figura vero capitulatur pro dispositione aliqua speciali, quam habent partes quantitatis, v.g. illa secundum quam faciunt triangulum, aut quadrangulum, aut circulum. Quo modo accepta forma & figura, certum est quod vel non sunt sensibiles ab ullo sensu externo, vel si sunt, non sunt sensibiles per se, sed ratione aliarum qualitatum annexarum, ut ratione coloris, aut caloris, &c. & hinc distinguuntur à qualitatibus tertiae speciei.

CONCLVSI O I.

34 *Probabilis est non dari aliquam qualitatem particularē*, quæ significatur nomine forma, aut figura, & est distincta à qualitatibus trium specierum iam explicatarum. Hæc videtur mihi expressa mens Scoti in 4. dist. 12. quæst. 4. num. 19. vbi dicit figuram ultra quantitatē non dicere nisi relationem partium ad se inuicem vel terminorum claudentium partes. Et in 1. dist. 17. q. 2. vbi assertit quod pulchritudo non est aliqua qualitas absoluta in corpore pulchro, sed est aggregatio omnium conuenientium tali corpori, puta magnitudinis, figuræ, & colorum, & aggregatio respectuum, qui sunt istorum ad corpus & ad se inuicem.

Nec sufficit quod respondet *quidam Scotista* hic, distinguens duplē formam & figuram; vnam quæ sequitur ad extensionem partium quantitatuarum in ordine ad se, & aliam earundem partium in ordine ad locum; & dicens *Scotum* locis iam citatis loqui de forma & figura in hac posteriori acceptione, non in priori. Non sufficit inquam, hæc responsio, tum quia falsum est dari aliquam formam, aut figuram, quæ sequitur extensionem partium in ordine ad se, quæ sit quid absolutum, aut qualitas; tum quia *Scotus* loquitur absolute de forma, quæ est pulchritudo, & negat eam esse aliquam vnam absolutam qualitatem: quod male sanè faceret, si daretur aliqua forma, quæ esset pulchritudo, & esset qualitas vna, quāvis date

Non datur
qualitas
quantæ spe-
ciei.

date

daretur alia forma, quæ non esset qualitas, & esset pulchritudo. Præter Scotum tenet conclusionem *Martyronius* noster hic passu 4. & ex recentioribus *Hartadus* disput. 14. *Physic.* sc̄t. 4. est autem contra *Thomistas* communiter, quos sequitur hic *prædictus Scotista*.

35 *Probatur conclusio*, quia eo ipso, quod partes quantitatis sic inter se ordinentur & vniuantur, ut si ponantur in loco modo suo connaturali, debeant habere situm quadrangularem, aut circularem absque illa prorsus qualitate, habebit quantitas talet vel talem figuram: & eo ipso, quod partes quantitatim alicuius substantiæ cum tali, vel tali extensione & magnitudine ac figura vniuntur inter se, ac habent tantum huius coloris in una parte, & alterius coloris in altera, res erit pulchra vel deformis, & habebit consequenter formam in explicatione præmissa, in qua sola potest spectare ad quartam speciem qualitatis; nec est ullum vestigium ullius unius qualitatis, à qua res haberet esse talis, vel talis figuræ, aut formæ in hac acceptione: ergo cum non sint multiplicanda entia sine necessitate, non debet dici quod detur aliqua qualitas una, quæ sit forma, aut figura distincta à qualitatibus omnibus aliatarum specierum, quod est intentum conclusionis.

Obiicies: Philosophus enumerauit illas ut qualitates, ergo tales sunt censendæ.

Respondeo negando consequentiam, quia non enumerauit ipsas, vt qualitates veras ex sua propria sententia, sed solum quia ita communiter existimabantur, nec spestabat ad ipsius propositum determinare, an id verum esset nec ne; aut quia sunt qualitates secundum dici.

De adæquatione diuisionis Qualitatis in prædictas Species. Suppositis dictis, erit facile soluere hanc difficultatem.

CONCLV S I O I.

Qualitas
adequate di-
uiditur in
species enu-
meratas à
Philosopho.

36 *Qualitas ut sic adæquate & bene diuiditur in prædictas quatuor species* (supposito quod forma & figura essent qualitates) in hoc sensu, quod nulla sit qualitas, quæ non spectet ad aliquam ex illis, & quod qualitas spectans ad quacumque unam speciem, habet aliquam differentiam à qualitate quacumque spectante ad alias species, vel essentiali vel accidentalem. Hæc debet esse communis.

Probatur, quia omnis qualitas aut est insensibilis sensu externo, aut sensibilis; si sensibilis, aut est per se sensibilis, & sic spectat ad tertiam speciem, aut per accidēs, & ratione alterius sensibilis & sic spectabit ad quartam speciem: si insensibilis sensu externo, aut est innata rei, & sic spectat ad secundam; aut non innata, & sic spectat ad primam, ergo nulla est qualitas, quæ non spectet ad aliquam ex illis speciebus. Quod autem qualitas spectans ad quacumque speciem habeat aliquam differentiam à qualitatibus spectantibus ad alias species patet ex descriptionibus earum præmissis. Dixi autem supposito quod forma & figura sint qualitates, quia si non sint qualitates, tum qualitas vt sic adæquate diuiditur in tres primas species, vt facile ex iam dictis constat.

Obiicies: Rarum & densum sunt qualitates, & tamen non spectant ad ullam ex his speciebus. *Respondeo*, si sint qualitates, eas spectare ad tertiam speciem aut quartam, quia secundum Philosophum 7. Met. sunt sensibilia, quod si non sint sensibilia, aut spectabunt ab primam speciem, si scilicet non sint innata, aut ad secundam, si scilicet sint innata. Dixi autem: ex suppositione quod sint qualitates, quia incertum valde est an sint tales, & quidem ipsem哲 Philosophus aliquando affirmit, aliquando negat, sed non spectat ad præsens vitrum sint necne.

CONCLV S I O II.

Divisio ra-
men non est
generis in
species.

37 *Qualitas ut sic non recte diuiditur in illa quatuor etas*. Hæc est conformis Doctori, quem præter suos multi alii sequuntur, & patet ex dictis non solum, quia forma & figura non sunt qualitates, sed quia una & eadem qualitas ob diversitatem accidentalem potest spectare ad diuersas species ex illis. Nec refert, quod Philosophus qualitatem vt sic in has qualitates tanquam in species numerauerit absolute, quia loquitur de speciebus impropriis

quatenus scilicet tales dicuntur, quæ habent aliquam differentiam, plusquam numericam, sicut dicitur quoddam genus hominum esse laboriosum, quoddam ignavum, cum tamen non dentur homines diuersæ speciei.

Confirmatur hac responsio, quia in fine capituli, enumeratis illis quatuor speciebus, subiunxit: fortassis quidam alius quispiam modus qualitatis apparebit. Ex quibus verbis satis datur intelligi, quod ipse non existimauerit species à se enumeratas esse veras species & essentialiter distinctas, quia si sic existimaret, non diceret quidam alius modus, sed quædam alia species.

Dices: Ergo non satisfecit suo muneti, quia debebat dividere qualitatem in veras species.

Respondeo negando sequelam, & ad probationem dico quod sufficiebat ipsi sic enumerare qualitates, vt omnes comprehendenderet.

38 Est autem pro complemento huius quæstionis aduentendum, quod qualitas possit alio modo diuidi in suas species, quæ veræ sint species realiter & essentialiter inter se distinctæ: nam imprimis qualitas, vt sic diuiditur adæquate in spiritualem & materialem; & spiritualis diuiditur in actus seu operationes, & qualitates spirituales, quæ sūt principia talium operationum. Ex his etiam qualitas, quæ est actus vt sic, potest diuidi in actus naturales in substantia, & supernaturales in substantia; & actus naturalis in substantia potest diuidi in actus intellectus & voluntatis; & similiter potest diuidi actus supernaturalis in substantia. *Præterea* actus naturalis intellectus potest diuidi in primam apprehensionem, iudicium simplex, & discursum, & discursus potest diuidi in varias alias species scientiarum, opinionum, & artium. Actus etiam voluntatis naturalis in substantia potest diuidi in varias species actuum diuersorum, quos voluntas potest habere, & longissimum esset singularum specierum catalogum hic texere. *Præterea* actus supernaturales intellectus & voluntatis possunt etiam diuidi in varias species. *Deinde* qualitates spirituales, quæ sunt principia actuum, possunt diuidi in naturales qualitates, & supernaturales qualitates, quæ sunt talia principia. Qualitates supernaturales huiusmodi possunt diuidi in plures species, vt in principia spectantia ad intellectum, & illa quæ spectant ad voluntatem; & similiter diuidi potest qualitas huiusmodi naturalis ordinis: & qualitas spectans ad intellectum potest diuidi in qualitatem, quæ supplere potest concursum obiecti, & quæ non supplet: primi generis erunt species intelligibiles, secundi generis erunt habitus generati per actus, & facilitantes ad ipsas. Qualitas huiusmodi naturalis spectans ad voluntatem diuidi potest in varios habitus, quos voluntas acquirere potest.

39 *Qualitas non spiritualis* potest diuidi in intentionalem, & realem: intentionalis est, quæ ex natura sua ordinata est per se primo ad perfectionem potentie vitalis materialis; realis est quæ non est sic instituta: prima diuidi potest in cognoscitiam materialem; & appetitiam materialem: cognoscitiva diuidi potest in actus & principia actuum; appetitiva in actus & habitus, si dentur in eo habitus. Realis diuidi potest in qualitatem primam & secundam, prima diuidi potest in quatuor primas, secunda in varias alias iuxta varietatem earum, quæ quia magna est, vt & aliatarum qualitatum, propterea valde difficile esset prædicamenti huius integris seriem proponere, nec id necessarium est, sicut nec proponere seriem integrum prædicamenti substantiæ.

De Proprietatibus Qualitatis.

40 *Prima proprietas* enumerata à Philosopho, est habere contrarium. Quod non sic intelligendum est, quod sola qualitas habeat aliquam aliam formam positivam sibi dissimilem & oppositam essentialiter, nam omnis species cuiuscumque prædicamenti haberet aliquid sibi contrarium in hoc sensu; nec sic etiam, vt sola qualitas habeat aliquam formam positivam sibi sic oppositam vt expellant se mutuò ab eodem subiecto, quia una forma, substantialis expellit alteram ab eadem materia. Intelligitur ergo sic, vt sola qualitas habeat formam positivam absolutam sibi oppositam, per quam expellatur ab eodem subiecto in hæsionis

inhesionis. Dico autem formam absolutam, quia unum ubi expelli formaliter aliud ubi ab eodem subiecto inhesionis. Quare si explicanda sit haec proprietas sic ut soli qualitati conueniat, debet addi quod sola qualitas habeat formam positivam absolutam sibi contrariam sic, ut non possit compati cum eadem forma in eodem subiecto inhesionis. Sed nec in hoc etiam sensu haec proprietas conuenit omni qualiti; nam lux est qualitas, & tamen non habet contrarium in hoc sensu, nec etiam habitus supernaturales, aut species impressæ.

Secunda proprietas est susceptivum esse magis & minus, hoc est posse intendi & remitti: quod quidem competit qualitatibus pluribus, non tamen videtur competere omnibus; nam certe quilibet actus intellectus unus non videtur posse intendi aut remitti proprio loquendo, nec quilibet species impressa. Deinde ipsem Philosophus asserit hanc proprietatem non conuenire soli qualitati: & certe quantum ad modum loquendi, dicitur res quæcumque esse magis & minus similis alicui, sed & una actio dicitur magis intensa alia actione.

Tertia proprietas est quod secundum eam res dicuntur similes & dissimiles; quod sine dubio intelligendum est de similitudine stricte sumpta, quæ fundatur in ipsamet qualitate: nam res dici similes & dissimiles large loquendo secundum quascumque formas, in quibus conuenient aut disconuenient, est extra controversiam. Addendum autem quod ex hac proprietate vix possit declarari natura qualitatis, quia non potest intelligi bene, quid sit similitudo proprie dicta, nisi intelligatur prius ipsamet qualitas, quandoquidem similitudo proprie dicta, ut distinguitur ab aliis similitudinibus, non possit cognosci nisi quatenus cognosceretur fundari in qualitate. Itaque in hoc solum sensu posset per hanc proprietatem colligi aliqua forma esse qualitas, quatenus qui cognosceret aliqua esse similia in aliqua forma, quæ non esset nec substantia, nec quantitas, nec relatio vlla, eo ipso posset cognoscere quod illa forma esset qualitas.

DISPUTATIO XVII.

QUÆ EST VNICA,

De Sex ultimis Prædicamentis.

Nvnica hac disputatione naturam sex ultimorum prædicamentorum scilicet *Actionis, Passio-*
ni, Quando, Vbi, Situs, Habitus, explicare conabimur.

QUÆSTIO I.

Vnum detur relatio extrinsecus adueniens & quid sit.

Moueo hanc questionem hic, quia communis sententia Scotistarum est, sex ultima prædicamenta consistere in hoiusmodi relationibus. Quæ sententia communiter reiicitur, & quidem hoc fundamento, quod non dentur tales relationes.

Vt autem haec res bene intelligatur, ac vitetur quæstio de nomine, *aduentum* est nos cum Scoto nihil aliud intelligere per relationem extrinsecus aduenientem, quam formam pure respectivam, quæ nec includit aliquid absolutum intrinsecè & essentialiter, nec identificatur realiter ex suppositione quod daretur talis similitudo (de cuius suppositionis veritate patrum hic est curandum) & quæ non spectat ad prædicamentum *Ad aliquid*.

Aduentum secundò, omnem relationem transcendentalē identificari alicui alteri entitati, quam presupponit ut fundamentum, v.g. *relatio transcendentalis*, quam dicit creatura ad Deum, identificatur ipsimet creaturæ; & *relatio*, quam dicit intellectus ad obiectum, identificatur ipsimet intellectui. *Relatio vero* pertinens ad prædicamentum *Ad aliquid*, quam vocant *Scotistæ* meritò relationem intrinsecus aduenientem, necessario presupponit fundamentum & terminum cum ratione fundandi; quibus positis necessario resultat absque aliqua actione ad ipsam-

R. P. Ioan. Poncij Curs. Philosoph.

met terminata: vnde si detur aliqua forma relativa, quæ non identificetur alicui rei, nec presupponat fundatum, terminum, & rationem fundandi ad quæ necessariò sequitur, dabitur relatio extrinsecus adueniens; nihil enim aliud intelligimus per relationem extrinsecus aduenientem, quam huiusmodi: & ratio nominis est aptissima: cum enim sit entitas pure relativa, hoc est non includens aliquid absolutum, nec identificatum ulli absolute, debet vocari relatio; & quia ulterius non sequitur necessariò ex vi fundamenti, & termini, aut ullius rationis fundandi se habentis ex parte ipsorum absque actione aliqua immediate terminata ad ipsam, quemadmodum sequuntur relationes de prædicamento Ad aliquid, merito vocatur extrinsecus adueniens, ad differentiam illatum aliarum relationum, quæ intrinsecus aduenientes dicuntur; & per hoc patet responsio ad discursum longissimum, quo utitur Suarez supra contra Scotum ex nomine relationis intrinsecus aduenientis.

CONCLVSI O.

*D*antur relationes extrinsecus aduenientes in sensu iam explicato. Hec est Doctoris in 3. dist. 1. quæst. 1. & in 4. dist. 15. quæst. 1. quodlibeto 11. num. 4. cum Scotistis omnibus, quos sequuntur Louanienses hic, Paulus Venerus 5. Met. capit. 36. & alii contra communiorum Thomistarum, & Recentiorum sententiam, quos citant & sequuntur Suarez disput. 48. Met. sect. 1. Ruinius & Complutenses hic.

Dantur relationes extrinsecus aduenientes.

Probatur, quia secundum aduersarios communiter datur vno inter materiam & formam, quæ est aliquid realè positivum distinctum ab illo: & licet hoc negetur à *Cajetano* & aliquibus paucis; tamen id modo supponendum est cum communiori aduersariorum sententia, quam alias probabimus, Deo volente: sed illa vno est huiusmodi respectus: ergo, &c. Probatur minor, quia est aliquid reale, cuius totum esse consistit in ordinatione actuali vnius ad aliud: ergo est essentialiter respectus; non est autem intrinsecus adueniens, ut fatentur aduersarii, & patet, quia non presupponit aliquid ex parte extremorum ad quod necessario sequitur, possunt enim extrema esse existentia simul, quamvis non haberent illam unionem: non est etiam respectus transcendentalis, quia neque est quid absolutum, alias essentia eius non consisteret in actuali ordinatione vnius ad aliud; neque identificatum realiter alicui absoluto, quia non potest assignari quodnam sit illud absolutum, cui identificaretur, auquis efficiens, aut utilitas eius: ergo non est respectus transcendentalis, aut prædicamentalis de prædicamento Ad aliquid, & consequenter erit extrinsecus adueniens.

Confirmatur hoc meo iudicio evidenter, quia eodem modo, quo aduersarii dicunt unionem esse aliquid absolutum dicens respectum transcendentalē: & propterea non posse intelligi, nisi per modum respectus, posset aliquis dicere, quod similitudo & quicumque respectus intrinsecus adueniens esset etiam quid absolutum, dicens tamen ordinem ad terminum: sed hoc est absurdum etiam secundum ipsos: ergo & illud, vnde sequeretur probabilitas eius.

3 Confirmatur secundò, quia si vno materia ad formam esset quid absolutum, quæ esset ratio cur diceretur vnius, deberet poni in utroque extremo, vel vnum absolutum in uno, & alterum in altero: sed non potest poni in utroque extremo vnum absolutum, quia vnum numero nequit naturaliter afficere duo subiecta æque immediate, sicut nec una forma duo subiecta, siue informando, siue inherendo; nec etiam ponitur vnum absolutum in uno, & alterum in altero, quia sic daretur duplex vno substantialis inter materiam & formam cōtra magnam partem aduersariorum, ut videbimus primo Phylicorum. Probatur sequela maioris, quia quæcumque referatur ad se inuicem relatione reali mutua, debet habere ab utraq; parte rationem positivam fundandi illam denominationem, nec potius debet fundari in una quam in altera, si utraq; sit capax, & ita videmus contingere in relationibus similitudinis & dissimilitudinis, ac similibus: sed materia & forma referuntur ad se inuicem denominatione mutua relationis.

vniuersitatis, & ille modus absolutus est ratio proxima aut formalis, aut fundamentalis, vnde proueniat: ergo debet ponni in utroque extremo.

4 Confirmatur tertio, quia frustra sit per plura quod fieri potest per pauciora: sed ex duabus formalitatibus, quas ponunt in vniione, absolute scilicet & respectiva, sufficeret sola respectiva: ergo frustra ponitur altera.

Dices: Si potuisse poni, sufficeret; sed non potest poni sine absoluto, & consequenter est magna necessitas absoluti. Contra, quia non potest, vel levissima ratio assignari, quæ ostenderet, quod non posset poni: ergo gratis assertur minor.

Confirmatur quartò, quia non potest dari vlla implicantia, cur non posset aliquid pure respectivum poni de novo inter materiam & formam per actionem alicuius extrinseci terminatam immediate ad illud: sed ex suppositione quod hoc posset fieri, non est vlla ratio, ob quam dicatur, quod ita de facto non fiat; & ex altera parte multo congruentius esset dicere, quod ita fiat, quandoquidem illud, quod ponitur inter illa, non possit intelligi, nisi per modum respectus actualiter ordinantis vnum ad aliud: ergo debet dici quod illud, quod ponitur inter illa per actionem causæ vniuersitatis, sit respectus purus, & nullo modo quid absolutum.

5 Dices, implicantiam esse quod respectus possit produci per actionem aliquam ad se immediate terminatam, vt saepius testatur Philosophus; si autem ponetur per causam extrinsecam aliquid pure respectivum inter materiam & formam, produceretur respectus per actionem ad se immediate terminatam.

Contra: Philosophus nunquam dixit non posse terminari actionem immediate ad relationē extinsecus aduenientem, sed tantum id de relatione intrinsecus adueniente assertit. Sed non est eadem ratio de utroque: ergo, &c.

Ad quas relationes non spacio, neque de altera, sed id vniuersaliter assertur de relata ut actio. tione, & propterea debet intelligi de quacunque relatione.

Contra, quia id assertit expresse de relatione tertii prædicamenti præsertim secundum aduersarios, quia alias relationes non nouit: ergo non debet intelligi de aliis relationibus, si darentur, sed de his, quæ ad illud prædicamentum pertinent.

Et confirmatur, quia illud quod dixit Philosophus, debet fundari in ratione: sed non est vlla ratio, cur ad relationes extrinsecus aduenientes non daretur actio, & est optima ratio cur non daretur ad relationes intrinsecus aduenientes, quia hec presupponunt aliquid, ad quod necessario sequuntur sine actione: illæ vero non presupponunt: ergo intelligendus est Philosophus solum de his, & non de illis. Quod si Philosophus expresse negaret ad ultimam relationem dari actionem, potius neganda esset eius authoritas, quam hæc conclusio.

6 Obiectus primò: Propterea relationes intrinsecus aduenientes dicuntur tales, quia sequuntur necessario ad extremas, positio fundamento proximo seu ratione fundandi, sed vno licet non sequatur necessario positis extremis, tamen sequitur necessario positis illis, & ratione fundandi: sequitur enim necessario ad actionē vniuersitatem, quæ est ratio fundandi ipsam: ergo si sit relatio non transcendentalis, non erit extrinsecus, sed intrinsecus adueniens tam bene, quam similitudo, aut paternitas.

Confirmatur ex Ioanne à S. Thoma hic: Actio sequitur necessario positio fundamento, & termino, & ratione fundandi, & similiter vbi: ergo sunt relationes intrinsecus aduenientes potius, quam extrinsecus iuxta nostram explicationem. Probatur antecedens, quia ratio fundandi actionem est positio effectus, & ratio fundandi vbi est circumscriptio corporis ambientis: sed positis his necessario sequitur actio & vbi, ergo.

Respondeo negando minorem; ad cuius probationem dico quod actio vniuersitatis non sit ratio formalis fundandi vniione, nam ratio formalis fundandi debet esse in extremis, quæ referuntur aut in aliquo ex illis, ut patet discutendo per omnes relationes tertii prædicamenti; actio ve-

to vniuersitatis est in agente vniuent, & non in illis extremis. Quod si etiam actio illa esset ratio fundandi, & etiam esset in illis extremis, adhuc obiectio nihil concluderet.

Respondeo enim secundò distinguendo maiorēm: positio fundamento proximo seu ratione fundandi distincta ab actione productiva relationis, concedo; quæ non distinguatur ab ipsa, sed sit ipsam actio productiva vniionis, nego maiorem.

7 Ad confirmationem nego antecedens cum sua probatione: nam positio effectus & circumscriptio corporis habetur formaliter per ipsam actionem, & vbi, & non per aliquid prius: ergo non sunt rationes fundandi, ad quas sequuntur necessario actio & vbi.

Et per hoc patet ad fundamenta Arriaga dis. 12. Log. num. 6. ¶ 11, qui videtur non intellexisse nostram sententiam, dum in confirmatione sua evidenti, ut ipse ait, ex eo quod relatio paternitatis sit intrinsecus adueniens, infert relationem causæ & effectus intercedentem inter duos ignes esse talem: quasi Scotistæ non eodem modo philosopharentur de utroque; cum tamen certum sit eos nullam prorsus agnoscere differentiam inter illas. Nam qui ponunt inter patrem & filium præter actionem, quæ est respectus extrinsecus adueniens, aliam relationem intrinsecus aduenientem, similes duas relationes ponunt inter duos ignes: & qui vnam tantum relationem ponunt inter patrem & filium, quæ est actio, ac respectus extrinsecus adueniens, vnam etiam ponunt tantummodo inter duos ignes.

Obiectus secundò: Si daretur aliquis respectus purus non transcendentalis, qui non esset de prædicamento Ad aliquid, esset & non esset istius prædicamenti, quod est absurdum. Probatur sequela; non enim esset, ex hypothesi; esset autem, quia conuenit vniuersitate in ratione respectus cum relationibus istius prædicamenti.

Respondeo negando sequelam cum sua probatione quoad secundam partem; non enim ex eo quod aliqua conuenientia vniuersitate, debet poni in eodem prædicamento. Confirmatur hæc responso, quia non est maior conuenientia inter relationem intrinsecus aduenientem & extrinsecus in ratione relationis ut sic, quam est inter vbi & quando, ceteraque ultima sex prædicamenta (ex suppositione quod sint modi absoluti dicentes respectum transcendalem, ut dicunt aduersarij) in ratione modi absoluti ut sic: ergo sicut ex conuenientia horum in ratione modi non admitterent aduersarij quod pertinet ad idem prædicamentū: neque etiam inferre debent ex conuenientia relationis intrinsecus aduenientis cum relatione extrinsecus adueniente, quod sint eiusdem prædicamenti.

CONCLVSI. I. L.

8 Bene definitur relatio extrinsecus adueniens esse respectus realis realiter distinctus ab extremis, non presupponens aliquid ex parte ipsorum, ad quod necessario sequitur, quod non sit actio productiva ipsius, cuius totum esse est ad aliud se habere. Hæc fere patet ex dictis.

Ponitur respectus realis, tanquam genus, in quo conuenit cum aliis relationibus realibus tam transcendentalibus, quam prædicamentalibus. Dicitur realiter distinctus ab extremis, ut distinguitur à relationibus realiter identificatis suis extremis, ut sunt relationes creaturæ ad Deum, materiae ad formam, potentiae ad obiectum, &c. Dicitur, non presupponens aliquid ex parte extremorum ad quod necessario sequitur, ut distinguitur à relationibus intrinsecis aduenientibus, quæ tale quid semper presupponunt. Dicitur quod non sit actio productiva, quia aliquando posset presupponere in extremis vel in aliquo ex illis ipsam actionem productiuam sui: quando enim aliquis moueret se localiter, & poneret se in loco, vbi illud intrinsecum, quod haberet, presupponit in ipso aliquid ad quod necessario sequitur, nimirum actionem productiuam sui. Verumtamen aduertendum est quod non necessario presupponeret ipsam in extremis, quia si agens extrinsecum poneret locatum in illo loco, habuisset illud vbi, & tū actio productiva vbi non esset in extremis:

Et hoc quidem certum est in sententia, quæ dicit, quod actio subiectetur in agente; sed in altera sententia, quæ dicit actionem esse in passo, & non in agente, non esset hoc certum, quia sicut ipsum ubi, quod producitur, est necessario in extremis, ita etiam actio deberet necessario esse in ipsis; & propterea opportune additur in definitione particula illa, quod non sit actio productiva. Dicitur denique cuius totum esse est ad aliud se habere, ut distinguatur ab absolutis dicentibus respectum transcendentalem, quæ intercedentia inter extrema realiter distincta ab ipsis, unum referunt ad aliud (si sint aliqua huiusmodi) ut intellectio, quæ refert intellectum ut intelligentem ad intellectum: nam cum huiusmodi entia includant aliquid absolutum, non possunt habere totum suum esse ad aliud; ut patet.

Dicas, respectus transcendentales seclusos esse ab hac definitione per hoc, quod dicatur respectus extrinsecus adueniens distinguiri realiter à suis extremitatibus: nam respectus transcendentales idem significantur realiter suis extremitatibus: ergo frustra ponitur hæc particula ultima ad secludendos respectus transcendentales.

Respondeo, distinguendo antecedens: quatenus comparantur ad extrema, quibus identificantur, concedo; quatenus comparantur ad extrema, quibus non identificantur, nego antecedens, & consequentiam: quia addenda erat ultima particula ad excludendos respectus transcendentales, quatenus comparantur ad extrema, quibus non identificantur; verbi gratia respectus transcendentalis, quem dicit intellectio ad obiectum, refert ipsam ad obiectum, & præterea refert potentiam intellectuam ad idem obiectum, identificatur autem intellectio, non potentia: si ergo consideretur iste respectus, ut habet pro extremitatibus intellectuam & obiectum, bene excluditur per primam illam particulam definitionis; si vero consideretur, ut habet pro extremitatibus potentiam & obiectum, non excluditur per illam particulam, sed bene per hanc ultimam.

QVÆSTIO II.

Vtrum sex ultima Prædicamenta sint relationes extrinsecus aduenientes.

10 **P**rima sententia ponit sex ultima prædicamenta consistere in denominatione extrinseca. Ita *Hervetus* quodlibet 1. quæst. 9. *Ianellus* 5. *Metaph. quæst.* 13. *Sotus*, & *Masius* hic, quibus faver *D. Thomas* opusc. 48. tract. 6. cap. 1. & alibi.

Secunda sententia est *Capreoli* in 2. dist. 2. quæst. 1. *Sentin.* 5. *Metaph.* 36. *Ruini* hic, tenens hæc prædicamenta nec omnino esse absoluta nec omnino respectiva, sed consistere in absoluto & respectivo.

Tertia sententia dicit esse modos absolutos formaliter & realiter à parte rei, qui tamen sint relativa secundum dici. Hanc tenent *Complutenses*, qui plures alios pro ea citant.

Quarta sententia tenet aliqua ex his prædicamentis consistere in denominatione extrinseca, aliqua in denominatione intrinseca. Ita *Auersa* hic.

Quinta denique sententia est quod consistant in respectibus extrinsecus aduenientibus. Ita *Scotus* citatus quæstione præcedenti cum suis omnibus.

CONCLUSIO.

11 **S**Ex ultima prædicamenta consistunt in respectibus extrinsecus aduenientibus. Hæc est iuxta quintam sententiam.

Probatur primo, quia dantur respectus extrinsecus aduenientes, ut quæstione præcedenti probatum est: sed illi respectus non spectant ad alia prædicamenta, ut patet: ergo ad hæc prædicamenta pertinent & consequenter hæc prædicamenta consistunt in talibus respectibus.

Confirmatur, quia ex suppositione, quod dentur, nihil impedit, quo minus hæc prædicamenta in illis consistere dicantur, & nulla alia sententia satisfacit: ergo in illis constitui debent. Minor patet tunc ex impugnatione illarum sententiarum, tum ex solutione objectionum.

Itaque contra primam sententiam facit, quod ut postea ostenderemus, actio, & ubi consistant in aliquo positivo superaddito extremitatis, inter quæ intercedit.

Contra secundam facit, quod non assignet aliquam unam per se essentiam entibus horum prædicamentorum *R. P. Ioan. Poncius Curs. Philosoph.*

quia ex absoluto & respectivo non fit unum per se; & deinde, quod superflue absque ratione illa, vel necessitate ponat formalitatem absolutam spectare ad entia horum prædicamentorum, cum sola formalitas relativa sufficiat.

Contra tertiam facit, quod hæc entia consistant in ordinatione actuali unius ad aliud non minus, quam similitudo duorum alborum, ex suppositione, quod talis similitudo daretur: ergo debent dici esse respectus non minus, quam talis similitudo. Et sane qui hoc negaret, posset similiter negare, quod similitudo esset respectus, & dicere, quod esset quid absolutum, & relatum tantum secundum dici.

12 Contra quartam denique facit, quod eadem sit ratio de omnibus his prædicamentis quantum ad hoc: ergo, si aliqua ex illis non sint denominations extrinsecæ, nec illa erunt.

Confirmatur, quia qua ratione aliqua denominations extrinsecæ spectant ad hæc prædicamenta, omnes debent spectare à paritate rationis: sed hoc est falsum, cum quia esse visum est denominatio extinseca, & tamen spectat ad prædicamentum qualitatis, ad quam scilicet spectat ipsam visio, à qua prouenit illa denominatio; & secundum ipsum *Auersam* relations prædicamenti Ad aliquid sunt denominations extrinsecæ, nec tamen ad hæc prædicamenta spectant: quæ etiam ratio militat contra primam sententiam.

Confirmatur secundò, per ea quæ in particulari de his prædicamentis dicemus.

13 Obiicies ex *Suario*, & *Auersa*, contra conclusionem: Multæ qualitates respiciunt essentialiter sua obiecta, & unio substantialis essentialiter respicit sua extrema, & consequenter sunt respectus extrinsecus aduenientes, cum non sint de prædicamento Ad aliquid: sed non spectant ad hæc prædicamenta: ergo saltem falsum est quod omnes respectus extrinsecus aduenientes spectent ad hæc prædicamenta.

Respondeo nullam qualitatem esse respectum extrinsecus aduenientem, quandoquidem omnis qualitas sit quid absolutum, & consequenter non pure relatum; unde videtur mihi, quod *Auersa*, qui vtitur hoc exemplo, non intellexerit respectum extrinsecus aduenientem iuxta mentem *Scoti*. Quod ad unionem illam attinet, dico illam quidem esse purum respectum, & spectare ad prædicamentum actionis, ut ex ibi dicendis patet.

14 Obiicies secundò ex *Arriaga* disput. 12. secl. 2. Duratio & ubi necessario sequitur posito fundamento: ergo non possunt esse respectus intrinsecus aduenientes.

Respondeo, negando antecedens: quamvis enim datum non posse esse absque aliqua duratione & ubi, sane tamen potest esse absque quacumque duratione & ubi in particulari: unde quæcumque duratio & ubi in particulari potest esse extinsecus adueniens.

Obiicies tertio: Si hæc prædicamenta conuenirent in respectu extrinsecus adueniente ut sic, deberent omnia facere unum prædicamentum; sed hoc est falsum: ergo.

Respondeo primo, hoc argumentum militare contra alias sententias, quia similiter sequeretur, quod omnia hæc prædicamenta ficerent unum prædicamentum, si omnia consistentent aut in denominationibus extrinsecis, aut in aliquo modo absolute sine respectu, aut in modo absolute cum respectu.

Respondeo secundò negando sequolā maioris, quia quemadmodum omnia absolute, v.g. qualitas, quantitas, & substantia non debent necessario facere unum prædicamentum; ita nec omnia relativa debent necessario ponere in uno prædicamento, quamvis conuenirent in ratione aliqua communis ut sic. Quod si dicatur omnia absolute non conuenire uniuoce in aliqua ratione communis ut sic, similiter poterit dici, quod omnia relativa non conueniant uniuoce in aliqua ratione relativa communis ut sic.

15 Obiicies quartò pro *Complutensibus*, & *Ioanne à S. Thoma*: Propria ratio relationis consistit in esse ad, seu in hoc, quod sit accidentis faciens respicere aliud ex proprio suo & nativo effectu: sed hoc non conuenit his ultimis prædicamentis, nam quatuor ultima dicunt esse in loco sua propria ratione: *Vbi* enim facit rem esse in loco. Quando in tempore, situs disponit partes in loco, *Habitus* resultat

ex eo quod vestis sit in corpore: similiter actio non dicit esse ad, sed esse ab, & passio est in passo.

Confirmatur: si sex ultima prædicamenta essent relationes, necessario essent mutuae: hoc autem est falsum, quia actio, & passio non sunt simul natura.

Respondeo negando minorem, ad cuius probationem dico manifestum esse, sex ultima prædicamenta dicere ex natura sua intrinseca esse ad tam bene quam similitudo: nam actio ordinat agentem ad effectum, passio eff. Etū seu passum ad agentem, ubi locatum ad locum, quando rem existentem ad tempus, & ita de reliquis; sicut similitudo ordinat album unum ad aliud album coëxistens. Nec refert, quod actio dicatur esse ab agente, passio in passo, ubi in loco, nam etiam similitudo dicitur esse in subiecto, & tamen non propterea dici debet quod non sit relatio. Prætereo, impropte dici à Complutensibus, quod vestis sit in corpore, & falsum esse, quod habitus sequatur ex eo, quod vestis sit in corpore, imò ab ipso habitu habetur vestis esse in corpore, seu ut proptius dicam, vestis circa corpus aut applicata corpori.

16 *Confirmatur* responsio, quia ideo aliquid est essentialiter actio, non quia est ab agente quomodo cumque, sed quia est ab ipso sic, ut ab ipsa denominetur per se formaliter agens producere aliud: & ideo aliquid dicitur essentialiter passio, non quia est in passo quomodo cumque, sed quia est in ipso sic, ut ab ipsa denominetur passum pati ab aliquo: & ideo aliquid dicitur esse ubi, non quia est in loco quomodo cumque, nec quia ponit in loco quomodo cumque, sed quia est ratio formalis, à qua essentialiter & formaliter habet aliquid actu constitui in loco: ergo actio, passio, & ubi dicunt ordinationem actualem unius ad aliud, nimirum, agentis ad passum, passi ad agens, locati ad locum: ergo dicunt esse. Ad non minus quam similitudo, quæ propterea dicit esse. Ad essentialiter, quia munus ipsius est referre actualiter unum extremum ad aliud.

17 *Ad confirmationem obiectionis*, Respondeo primo, quod si aliquæ relationes ex sex ultimis prædicamentis non essent motiæ, inde formaliter non sequatur, quod non essent relationes; neque enim ex conceptu relationis ut sic, habetur necessario, quod debeant esse mutuæ, ut patet in relationibus tertij generis, quæ secundum ipsosmet aduersarios non sunt mutuæ.

Respondeo secundo, concedendo sequelam maioris, & negando minorem: ad cuius probationem, dico aliud esse, quod relationes sint mutuæ, aliud quod sint simul natura; ad ipsam autem rem dico, quod certum sit reliquas relationes spectantes ad ultima prædicamenta, præter actionem & passionem, esse simul natura; unde quantum ad hanc rationem, saltem illæ possunt esse relationes. De actione etiam & passione certum est, quod sint simul natura quantum ad hoc, quod ab una ad alteram sequatur subsistendi consequentia pro quocumque instanti temporis, nec alia simultas naturæ necessario requiritur in omnibus relationibus.

QVÆSTIO III.

De Actionis Prædicamento.

Explicatur Sententia Scoti de Actione.

Nomen actionis est ex quo uocum. 18 Nomen Actionis ut aduertit Doctor in 4. dist. 13. quest. 1. & quodlib. 1. est ex quo uocum; significat enim plura secundum diuersam rationem; primo enim significat actiones vitales, quibus potentiae vitales tendunt in sua obiecta, ut intellectus in intelligibile, voluntas in volibile, visus in visibile, quæ actiones sunt de prædicamento qualitatis, & non huius prædicamenti.

Secundò sumitur aliquando à Philosopho pro re acta, seu pro effectu, qui producitur ab efficiente: sic etiam non spectat ad hoc prædicamentum, sed ad illa, ad quæ spectat res illa producta.

Tertiò sumitur pro respectu, seu relatione, quæ supponitur resultare in re, quæ aliam rem producit statim atq; illam producit; & manent in illa re, quandiu coëxistit cum re producta: & actio hoc modo spectat potius ad prædicamentum. Ad aliquid, quam ad hoc prædicamentum, si tamen detur talis actio, seu productio, de quo egi supra dist. de relatione, num. 4.

Quartò sumitur pro respectu eduentis ad formam, quæ educitur ab aliquo agente ex potentia alicuius subiecti.

Quintò pro respectu inducentis ad formam, quam inducit aliquod agens in aliquod subiectum.

Sextò denique sumitur pro respectu transmutantis ad transmutatum, mediante quo scilicet aliquod agens mutat aliquod subiectum.

19 Ex his tribus ultimis respectibus certum est posse dari respectum inducentis, sine respectu eduentis; anima enim rationalis inducit & non educitur: non potest tamen esse educatio sine inductione; nihil enim educitur ex potentia alicuius, quod non recipiatur in ipsomet. Potest etiam dari respectus transmutantis sine inductione, ut patet in transmutatione corporis, quæ est altera pars viuëtis per animam rationalem; non tamen sine inductione, quia nihil potest transmutari, proprie loquendo, hoc est intrinsece, per receptionem formæ, quam non habuit ante, quin inducatur illa forma in illud, quod transmutari dicitur. Vnde existimo actionem eductiavam realiter identificari actioni inductiæ, & actionem transmutatiavam realiter identificari actioni inductiæ in hoc sensu, quod illa actio qua transmutatur aliquod subiectum, debeat necessario esse actio, qua inducatur aliquid in ipsum; & illa actio, qua inducitur in subiectum, debeat necessario esse actio, qua transmutatur; & denique illa actio qua aliquid educitur ex subiecto, debeat esse & actio, qua inducitur aliquid in ipsum, & consequenter actio, qua transmutatur illud subiectum. Vnde quando *Scotus* videtur distinguere actiones has, existimo quod debeat intelligi, non de distinctione reali, sed potius de distinctione aliqua formalis, vel rationis, vel etiam de distinctione reali in hoc sensu, quod bene possit actio transmutantis aliqua esse distincta realiter ab omni actione eductiua, hoc enim est certum, quoties transmutatur aliqua res per formam, quæ non educitur è potentia eius.

20 Difficilius, est quod *Scotus* supra in quarto, num. 11. dicit, respectum inducentis ad inductum, & eduentis ad eductum esse respectum intrinsecus aduenientem; respectum vero transmutatis ad transmutatum esse respectum extrinsecus aduenientem, atque adeo respectum transmutantis ad transmutatum solummodo spectare ad hoc prædicamentum, non vero respectum inducentis aut eduentis. Cuius rationem assignat, quod non possit esse forma inducta aut educta simul cum inducente aut educente, quin sit respectus educationis aut inductionis; possit autem esse transmutans v. g. causa transmutativa & transmutatum, hoc est subiectum ab ipso transmutable sine transmutatione, nimirum in casu, quo poneretur aliquod impedimentum, ut si adesset fortior agens, aut decesset concursus diuinus. Hæc doctrina mihi semper visa est difficilis, & si vera esset, falsum esset quod paulo ante diximus, nempe actionem transmutatiavam identificari realiter semper actioni inductiæ alicui, & actionem eductiavam semper identificari alicui actioni transmutatiæ, quia omnis relatio extrinsecus adueniens distinguitur realiter ab omni relatione intrinsecus adueniente, alias non ponentur in prædicamentis realiter distinctis.

Ideo autem hæc doctrina visa mihi est difficilis primo, quia si distinguitur realiter actio eductiua à transmutatiua, sane transmutatiua non potest esse prior quam eductiua, sed potius è contra eductiua debet esse prior: hoc autem supposito videtur quod relatio transmutantis, seu actio transmutatiua sit intrinsecus adueniens, quia sequitur necessario suppositis extremis, & educatione formæ seu inductione eius ita, ut de potentia Dei absoluta non possit non esse magis quam similitudo duorum alborum possit non esse, supposita eorum coëxistentia: sed illa relatio, quæ necessario sequitur positis extremis, & aliqua ratione priori, quæ non sit actio productiua istius relationis, est intrinsecus adueniens, ut patet ex dictis quæstione prima huius disputationis: ergo illa relatio transmutantis esset extrinsecus adueniens in casu supposito.

Secundò, quia videtur quod relatio eduentis aut inducentis sit extrinsecus adueniens, quia illa relatio est extrinsecus adueniens, quæ non sequitur necessario positis extre-